

Pilersaarusiorneq aamma nunaminertat atorneqartarnerat pillugit Inatsisartut inatsisissaattut nr. xx, xx.xx.xxxx-imeersussatut siunnersuut

Kapitali 1

Inatsisip siunertaa

§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atorneqarnissaat qularnaarneqassasoq. Siunertaq taanna anguneqassaaq,

- 1) pinngortitap illersorneratigut,
- 2) inuiaqatigiit tungaanniit isigalugu naleqquttumik nunaannaap aamma sanaartukkat inuit pilersitaasa akornanni immikkoortiterinikkut,
- 3) nunap nunaminertaasa pilersaarusiorneq inuusutissarsiornikkut, inooqatigiinnikkut avatangiisitigullu iluaqutaasumik ineriartornermik siuarsaasussaq naapertorlugu atorneqarnerisigut,
- 4) innuttaasut nunaminertat atorneqarnissaat pillugu pilersaarusiornermi peqataatinnerisigut,
- 5) nr. 1-imiit 4-imut naapertorlugit aalajangiussinerit sanaartorfissanut aningaasaqarnermillu pilersaarusiornermut ataqatigiissinnerisigut.

Kapitali 2

Oqartussat akisussaasut

§ 2. Inatsisartut peqqussutaanni matumani maleruagassat naapertorlugit nunap nunaminertaasa Inatsisartut inatsisaata siunertaanut naapertuuttumik atorneqarnissaat, pilersaarusiornikkut qulakkeerniassallugu Naalakkersuisut pisussaapput.

§ 3. Naalakkersuisut nunaminertat atorneqarnissaat pillugu maleruagassanik aammalu sanaartorfissanik pilersaarusiornep ataatimoortup imarisassai, ilusissaa piviusunngortinnissaa pillugit maleruagassanik erseqqinnerusunik aalajangersaassapput aammalu kommunalbestyrelsinut ilitersuinikkut ikiuutissallutik.

Kapitali 3

Nuna tamakkerlugu pilersaarusiorneq

Nuna tamakkerlugu pilersaarusiornep suliarineqarnissaa

§ 4. Naalakkersuisut nuna tamakkerlugu sanaartorfissanik pilersaarusiornep ataatimoortup suliarineqarnissaa aammalu misissuinerit tamatumunnga pisariaqartut ingerlanneqarnissaat qulakkiissavaat.

Imm. 2. Naalakkersuisut nuna tamakkerlugu qarasaasiaq atorlugu, nunami sumiiffinnut tamanut paasissutissanik katersuiffimmik, pilersaarusanut isaaffitalimmik suliaqartitsisapput.

- 1) Naalakkersuisut suliaqartitsisapput oqartussaasui aamma kommunit nunaminertat pillugit aalajangiussanik aalajangersimasunut atugassanngortitsinerit aamma nunaminertanik atuinis-

samik killilersuinerit pillugit paasissutissanik, imm. 2 naapertorlugu qarasaasiaq atorlugu, nunami sumiiffinnut tamanut paasissutissanik katersuiffimmut pilersaarusanullu isaaffitalimmut Naalakkersuisut suliarititaannut, saqqummiisassapput.

2) Nunaminertat nunami sumiiffiini killiliinernik kiisalu nunaminertap pineqartup inatsisitigut aalajangersakkanut pineqartunut ilaaffiunut innersuussinernik paasissutissat imaqaassapput.

Imm. 3. Naalakkersuisut tamatumunnga pisariaqartillugu kisiannili peqqussutip matuma atuutilerneranit naatsorsukkamik minnerpaamik ukiut sisamakkaarlugit kommuninut pilersaarusionermit Namminersorlutik Oqartussat soqutigisaat takussutissiortassavaat.

§ 5. Pisortat oqartussaasut kiisalu pisortat ingerlatassaannik ingerlatsinissamik akuersisummik pigisaqartut aamma suliffeqarfiit taakkununnga assingusut, nuna tamakkerlugu pilersaarusionermit atugassanik misissuinerit, pilersaarusionerit aamma sanaartugassatut aalajangiussat annertunerusut piareersarneqarneri ingerlanneqarnerilu pillugit Naalakkersuisunut nalunaaruteqartassapput.

§ 6. Naalakkersuisut qularnaassavaat nuna tamakkerlugu pilersaarusionerup kommuninut pilersaarusionerup, tak. kap. 4, aamma suliassaqarfinnut pilersaarusionerup ataqatigiississagaa.

Imm. 2. Naalakkersuisut nuna tamakkerlugu pilersaarusionerup siunertai qanorpiarlu imaqarnera pillugit tamanut ammasumik oqallittoqalernissaa siunertaralugu paasititsiniaanernik suliqaarneq aallartissavaat.

§ 7. Naalakkersuisut nuna tamakkerlugu pilersaarusionerup pillugu Inatsisartunut ukiumoortumik nassuiaateqartassapput.

§ 8. Naalakkersuisut nuna tamakkerlugu pilersaarusionermit soqutiginaatillit nakkutiginiisaannut, ilanngullugit Namminersorlutik Oqartussat suliassaqarfinnut soqutigisaat, kommuninut pilersaarusionermit aalajangersakkanik erseqqinnerusunik atuuttussanngortitsinnaapput (nuna tamakkerlugu pilersaarusionermit malitassiat).

Imm. 2. Sumiiffiup ilaanut aalajangersimasumut nuna tamakkerlugu pilersaarusionermit malitassiaq sukumiisunik aalajangersagartaqartoq, kommunimut pilersaarutituulli inatsisitigut sunniuteqartinneqassasoq Naalakkersuisut aalajangiisinnaapput, tak. §§ 28-mit 30-mut.

Imm. 3. Imm. 1 malillugu nuna tamakkerlugu pilersaarusionermit malitassiat akuerisaasut minnerpaamik ukiut sisamakkaarlugit iluarsaanneqartarnissaat Naalakkersuisut qularnaassavaat.

§ 9. Pisortat pilersaarusionermit ingerlatsinerat aamma sanaartugassanik aalajangiussinerit nuna tamakkerlugu pilersaarusionermit naapertuuttumik ingerlanneqassapput.

Imm. 2. Nuna tamakkerlugu pilersaarusionerup piviusunngortinnissaa qulakkeerniarlugu Naalakkersuisut kommunalbestyrelsi imarisassaa erseqqinnerusumik taallugu § 26 malillugu kommunimut pilersaarusionerup imaluunniit pilersaarummut tapiliussamik suliqaqqusinnaallugu imaluunniit nammineerlutik sumiiffimmut pineqartumut aalajangersakkat maleruagassiiusut suliarisinnaallugit.

Imm. 3. Kommunalbestyrelsi nuna tamakkerlugu pilersaarusionermit malitassianut atuuttunut imaluunniit inatsisinut allanut il.il. uniuttumik kommunimut pilersaarusionerup imaluunniit kommunimut pilersaarummut tapiliussamik suliqaqpat, kommunimut pilersaarut naalagaaffimmit oqartussaasumit imaluunniit Namminersorlutik Oqartussani oqartussaasumit oqartussaaffimmut pineqartumut suliassaqarfinnut akisussaasuusumit akuerineqaqqaassaaq.

Nuna tamakkerlugu pilersaarusionermik qularnaallisitsineq

§ 10. Kommunimut pilersaarutissatut siunnersuut imaluunniit kommunimut pilersaarutip allanngortinnissaanut siunnersuut, pissutsinut immikkut isigineqartariaqartunut naalagaaffiup oqartussaasuinit imaluunniit Namminersorlutik Oqartussat oqartussaasuinit isumagineqartunut akerliusimappat, oqartussaasoq pineqartoq akerliliissuteqarnissamut piffissaliussap naannginnerani, tak. § 22, imm. 3, siunnersuummut akerliliissuteqassalluni pisussaavoq.

Imm. 2. Pilersaarutip imarisaa pillugu kommunalbestyrelsip oqartussaasullu pineqartup akornanni isumaqatigiittoqaqqaartinnagu kommunalbestyrelsip siunnersuut inaarutaasumik akuersissutigisinnaangilaa.

Imm. 3. Taamatut isumaqatigiinnisaaq anguneqarsinnaanngippat pilersaarutissatut siunnersuut Naalackersuisunut saqqummiunneqassaaq. Pilersaarutissatut siunnersuut Naalackersuisunit akuerineqarpat aatsaat, Inatsisartut inatsisaat manna naapertorlugu pilersaarut inatsisitigut sunniuteqalersinnaavoq.

§ 11. § 10 naapertorlugu akerliliissuteqarnermut atatillugu Naalackersuisut aalajangiisinnaapput, siunnersuut imaluunniit siunnersuutit tamanut saqqummiunneqartut, kommunalbestyrelsip siunnersuummik saqqummiussineraniit ukiut marluk tikillugit § 23, imm. 3-mi taaneqartutut sunniuteqassasut. Tamanna pillugu aalajangiineq Naalackersuisunit nalunaarutigineqassaaq.

Imm. 2. § 10, imm. 3 malillugu akuersissuteqarnermut atatillugu Naalackersuisut pilersaarutissatut siunnersuummi tamanut saqqummiunneqartumi allannguuteqartitsisinnaallutillu ilasuteqartitsisinnaapput.

§ 12. Nuna tamakkerlugu pilersaarusionerup naammassineqarnissaa qulakkeerniarlugu aamma allatigut pisariaqarsorineqarpat Naalackersuisut aalajangersinnaavaat, kommunalbestyrelsi Naalackersuisunit piffissaliussaq naatinnagu kommunimut pilersaarummut allannguummik, Naalackersuisunit erseqqinnerusumik taaneqartunik imaqartumik suliaqartitsisasoq.

Imm. 2. Imm. 1 malillugu piffissaliussaq kommunalbestyrelsimit eqqortinneqanngippat, kommunalbestyrelsip akiligaanik kommunimut pilersaarutip allannguutissaa namminneerlutik suliaritinniarlugu Naalackersuisut aalajangersinnaapput. Taamatut pisoqartillugu kommunalbestyrelsip §§ 13, aamma 30, imm. 2 naapertorlugit pisinnaatitaaffii Naalackersuisut pisinnaatitaaffigilissavaat. Pilersaarut §§ 22-imi, 24-imi aamma 27-imi maleruagassat malillugit Naalackersuisut suliaritissavaat.

Kapitali 4

Kommunimut pilersaarusioneq

§ 13. Kommunalbestyrelsip kommuneqarfimmi nunaminertanut atuinissamut kommunimut pilersaarusionertitsinissaaq pisussaaffigaa. Tamanna pissaaq kommunimi nunaminertaqassutsumik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaqarfiiinut pilersaarusioneq kiisalu Inatsisartut peqqussutaannut matumunnga siunertaasut aallaavigalugit, tak. § 1.

Imm. 2. Kommunimut pilersaarut imaqassaaq:

- 1) Immikkoortoq kommunimut pilersaarutip tunngavigisaannik aamma kommunip ineriartornissaanut anguniakkanut nassuiaataasoq.
- 2) Immikkoortoq kommunip ataatsimut pingaarnertut ilusiligaaneranut kiisalu kommunip

illoqarfiisa, nunaqarfiisa aamma nunaannarmik atugassiinissaq ataasiakkaat ilusiligaanerannut tunngasoq.

3) Immikkoortoq aalajangersakkanik imaqartoq, tassani aalajangersarneqassallutik

a) sumiiffiup ilaanni aalajangersimasuni ataasiakkaani nunaminertanik atuinissamut aamma illuliortiternissamut aalajangersakkat pingaarnert, aamma

b) sumiiffiup ilaanni aalajangersimasuni ataasiakkaani nunaminertanik atuinissamut aamma illuliortiternissamut aalajangersakkat sukumiisut.

4) Kommunalbestyrelsip nunaminertanik atugassiisarnissaanut aalajangersakkat.

Imm. 3. Kommunimut pilersaarut nuna tamakkerlugu pilersaarusionermut malitassianut imaluunniit Naalagaaffiup aamma Namminersorlutik Oqartussat suliassaqaqfinnut pilersaarusionerinit akerliussanngilaq.

Kapitali 5

Kommunini pilersaarutit imaat

Kommunini pilersaarutit nassuiaatitaat

§ 14. § 13, imm. 2, nr. 1-imi nalunaarutinit tunngasutut taaneqartoq ukuninnga imaqarsinnaavoq:

1) Killiffimmuut nassuiaat immikkoortukkaarlugu agguagaq, tassunga ilanngullugu kommunimi nunassittarnermi pissutsit, kommunimi innuttat inuussutissarsiutillu ineriartornerat kiisalu sanaartornermi pissutsit pillugit nassuiaat.

2) Anguniagassanut immikkoortoq, kommunalbestyrelsip kommunimi ineriartortitsinissamut nunaminertanillu atuinissamut kommunalbestyrelsip anguniagaanik nassuiaaffiusoq, tassunga ilanngullugit inissianik inuussutissarsiorfinnillu annertusaaneq, attaveqarnermi atortut aamma isumaginninnikkut, kulturikkut ilinniartitaanikkullu sullissiviit, kiisalu sumiiffiit sukisaarsaarfiusinnaasut.

3) Pilersaarummut nassuiaat, kommunimi pilersaarummi pilersaarutinit allanut, tassunga ilanngullugit nuna tamakkerlugu pilersaarutinit, Naalakkersuisut kommunillu aningaasaqarnermut pilersaarutaannut, kiisalu kommunit maannamut pilersaarutigisaannut qanoq naleqqiussinissamik nassuiaaffiusoq.

Kommunini pilersaarutit ilusiligaanerisa pingaarnernut tunngasortaat

§ 15. Kommunimi pilersaarutip ilusiligaanerani pingaarnermi, § 13, imm. 2, nr. 2-mi taaneqartumi ataatsimoortumi nunasseriaatsit ineriartornerat pingaarneq aamma kommunimi nunamut ammaannartumut pilersaarutit ataatsimoortillugit naliliiffigineqassapput.

Imm. 2. Kommunimi pilersaarutip ilusiligaanera pingaarneq, imm. 1-imi taaneqartoq ataatsimoortoq aamma killiffinnut nassuiaatinik, aammalu kommunimi pingaarnert attaveqaatillu ataatsimut aqqiissuunneqarnerini siunissami ineriartornissamut periarfissanik naliliinermik imaqarsinnaavoq.

§ 16. Kommunimi illoqarfiit nunaqarfiilu ataasiakkaat ilusiligaaneranni pingaarnermi, § 13, imm. 2, nr. 2-mi taaneqartumi nassuiaatitarnissamut immikkoortunut pilersaarutit ataatsimut naliliiffiginerisigut, kiisalu nunami sumiiffinnut agguaanissat killiliinissallu aalajangersarnerisigut eqikkaalluni naliliinissaq aalajangersarneqassaaq.

Imm. 2. Imm. 1 naapertorlugu kommunimi pilersaarutip ilusiligaanerani pingaarnermi, kommunimi pilersaarummi sumiiffiit ilaat makku eqqarsaatigalugit inissititerneqassapput killilersorneqassallutillu:

- 1) inissiat,
- 2) sumiiffiit inuussutissarsiorfiusut umiarsualiveqarfiillu, taakkununnga nunaminertat sulif-
feqarfinnut avatangiisinut mingutsitsisunut immikkoortinneqarsimasut, kiisalu nunaminertat
mingutsinneqarsimasut imaluunniit mingutsinneqarsinnaasut,
- 3) sumiiffiit qitiusoqarfiit, taakkununnga ilanngullugit sumiiffiit ataatsimoorfissatut siunerta-
qarfiusut kiisalu pisortat sullissivii il.il.,
- 4) nunaminertat sanaartorfiunngitsut kiisalu nunaminertat sukisaarsaarnissamik siunertaqar-
fiusut, taakkununnga ilanngullugit sunngiffimmi ornittakkat annerusut il.il.
- 5) pilersuinermit teknikkimut atortut atortullu attaveqarnermut tunngasut allat, taakkununnga
ilanngullugit angallannermut atortut.

§ 17. Kommunini nunami ammaannartumi sumiiffiit ilaasa ilusiligaaneranni pingaarnermi, § 13, imm. 2, nr. 2-mi taaneqartumi nassuiaatitaritinneqartumi immikkoortunut pilersaarutit ataatsimut naliliiffiginerisigut sumiiffinnut agguaanissat killiliinissallu aalajangersarnerisigut eqikkaalluni naliliinissaq aalajangersarneqassaaq.

Imm. 2. Imm. 1 naapertorlugu kommunimi pilersaarutip ilusiligaanerani pingaarnermi, kommunimi pilersaarummi sumiiffiit ilaat makku eqqarsaatigalugit inissititerneqassapput kil-
lilersorneqassallutillu:

- 1) sumiiffiit illuaqqanut illunullu aasarsiortarfinnut il.il. atorneqartut
- 2) sumiiffiit immikkut sukisaarsaartarfittut atorneqartut
- 3) sumiiffiit savaateqarfinnut, nunalerinnermut, immamik atuinnermut orpippassuarnillu naatit-
sinermut, qimmeqarfinnut il.il. atorneqartut
- 4) sumiiffiit teknikkeqarfittut attaveqarnermullu il.il. atorneqartut
- 5) sumiiffiit sanaartorfigineqartussaannngitsut, taakkununnga ilanngullugit sumiiffiit anner-
tuumik ivigartorfissatut immikkoortinneqartut, sumiiffiit atuuffissaannik aalajangiiffiunngit-
sut aamma inuilaarsuaq.

Imm. 3. Kulturikkut eqqaamasassanut inatsit taannaluunniit malillugu eqqissisimatitsinissa-
mut tunngavissatut aalajangersakkat uniorlugit nunaminertanik annertuumik ivigartorfissanik
atugasseeqqusaanngilaq.

§ 18. §§ 16 aamma 17 naapertorlugit kommunimi pilersaarummi sumiiffiit ilaannut aalaja-
ngersaannermut atatillugu makku aalajangersarneqassapput:

- 1) atortut eqqaanni illersornissamat killeqarfinni isumannaallisaaanermi eqqarsaatigisassat,
imaluunniit atortorpiaat (killeqarfiit piumasaqaateqarfiusut) kiisalu nunaminertat imermik
katersuiviit il.il.
- 2) eqqissisimatitat eriagisassallu isumagineqarnissaat, taakkununnga ilanngullugit illut
illoqarfimmilu sumiiffiit eqqissisimatinneqartut eriagisaasullu, kiisalu pinngortitami
sumiiffinniluunniit immikkut ittumik nalillit,
- 3) sumiiffiit ilaannik atuilertarnerit annertusaanerilluunniit tullerriaarneri.

Imm. 4. Imm. 1 naapertorlugu kommunimi pilersaarutip ilusiligaanerani pingaarnermi
aamma pissutsit allat, nunaminertanik atuinnermut sanaartukkanullu pingaarnermik isumallit
aalajangersarneqarput.

Kommunini pilersaarutit aalajangersakkanut tunngasortaat, aalajangersakkat pingaarnerit

§ 19. Nunaminertanik atuinnermut sanaartukkanullu aalajangersakkat pingaarnerit, § 13,
imm. 2 nr. 3 a)-mi taaneqartut makku eqqarsaatigalugit sumiiffiit ilaannut ataasiakkaanut aa-
lajangersarneqassapput:

- 1) sumiiffiup atorneqarneranut siunertaq,

- 2) nunaminertanik sanaartukkanillu atuineq, taakkununnga ilanngullugit sullissiviit pisortallu kiffartuussiviisa allat inissisimaffii,
- 3) sanaartukkap suussusia, inissisimaffia annertussusialu, taakkununnga ilaatigut ilanngullugit sanaartukkat akulikissusiat, portussusiat, ungasissutsimut tunngasut ilusiligaanerallu,
- 4) sumiiffiup ilaani inissiat inuussutissarsiornerlu eqqarsaatigalugit inittussuseq sinneruttoq,
- 5) eqqissisimatitat eriagisassallu, taakkununnga ilanngullugit illut, atortut sumiiffilluunniit eqqissisimatitat eriagisallu, pinngortitami nalillit eriagisassat, kiisalu sumiiffiit kulturikkut oqaluttuarisaanermut nalillit,
- 6) qaartartuusiviit, tankeqarfiit, mittarfeqarfiit, imermik katersuiveqarfiit, nalunaarasuartaaserisoqarfiit aamma nunaminertat ikuallattoqartillugu annaassiniarnermut atorneqartartut il.il. eqqaanni isumannaallisaaanermut killeqarfiit,
- 7) sumiiffiit ilaasa angallannikkut sullinneqarnerat aamma pilersuinermut atortut inissisimaffii, taakkununnga ilanngullugit aqqusineqarfiit aqqusersuutinullu ikkuffiit,
- 8) sumiiffiup ilaani illoqarfimmik nutarterineq isaterinerlu,
- 9) sumiiffiup ilaata immikkoortukkaarlugu annertusarneqarnera,
- 10) sumiiffiup ilaani pineqartumi aalajangersakkat immikkut ittut, nuna tamakkerlugu soqutigisat qulakkeerneqarnissaat siunertaralugu Naalakkersuisunit aalajangersarneqarsimasut.

Imm. 2. Imm. 1 naapertorlugu aalajangersakkani pingaarnerni kommunip suliassanik naammassinninnissaanut kommunalbestyrelsip saniatigut oqartussaasunit allanit akuersissutit immikkut ittut imaluunniit saneqqutsisinnaanermut akuersissutit apeqquataassanersut allanneqassaaq.

Kommunini pilersaarutit aalajangersakkanut tunngasortaat, aalajangersakkat nassuiaasersukkat

§ 20. § 13, imm. 2, nr. 3 naapertorlugu aalajangersakkani nassuiaasersukkani pissutsit uku aalajangersaaffigineqarsinnaapput:

- 1) sanaartukkap inissisimaffia, tassunga ilanngullugu sanaartorfissat aalajangersarneqarnerat,
- 2) sanaartukkap silataata isikkua, tassunga ilaatigut ilanngullugit ilusiliinissamat, qaliap ilusissaanut, toqqaviup portussusissaanut, atortunut aamma qalipaammik toqqaanermut aalajangersakkat,
- 3) aqqusernit pisinnaallu aqquserni, aammalu pissutsit allat angallannermut pingaarutillit, taakkununnga ilanngullugit nunaminertanut angallaffiusunut aqqutit aamma angallannerit assigiinngitsut avissaartinneqarnissaat,
- 4) sumiiffiup ilaata nunaminertanik sanaartorfiunngitsunik immaqalu sunngiffimmi sammisaqartitsivinnik pilersorneqarnera,
- 5) aqqusersuutit inissisimaffiat, taakkununnga ilanngullugit innaallagissamik imermillu pilersuiviit,
- 6) nunaminertat sanaartorfigineqanngitsut ilusiligaanerat, atorneqarnerat aserfallatsaaliorneqarnerallu, taakkununnga ilanngullugit nunaminertat sanaartorfigineqartussaannngitsut, nunamik iluarsinerit, ungalloqarfiit, naasunik aserutsaaliuineq kiisalu aqqusernit nunaminertallu angallaffiusut allat qaammaqqusersugaanerat,
- 7) sanaartukkanik pioreersunik avatangiisiinillu qaninnerusunik allanngutsaaliuineq, taamaalilluni illu aatsaat kommunalbestyrelsip akuersineratigut isaterneqarsinnaalluni, allanngortiterneqarsinnaalluni allatulluunniit allannguiffigineqarsinnaalluni,
- 8) pinngortitamik illersuinissamat soqutigisat isumagineqarnissaat, kiisalu sumiiffiit

nunataasa nalillit allanngutsaaliorneqarnissaat,

9) nunalerinermi soqutigisat isumagineqarnissaat, tassunga ilanngullugit nunaateqarfiit immikkut naleqartitat qulakkeerneqarnissaat,

10) sanaartukkanik nutaanik atuilernissamut sumiiffinni pilersaarutip iluaniittuni imaluunniit avataaniittuni atortunut ataatsimoorussanut, angallavinnut imaluunniit pilersuinermi teknikkikkut atortoqarfinnut attaveqaatinik sanaartorneq attaviliinerluunniit,

11) atortunik ataatsimoorussanik sanaartornermut atatillugu aningaasaqarnikkut pissutsinik iluarsineq, tassunga ilanngullugit atuisinnaatitaaffinnik pigisaqartut peqatigiiffissaannik pilersitsineq, taakku ilaasortaannissamut pisussaaffeqarnerat aamma peqatigiiffiup nunaminertanik ataatsimoorussanik atortunillu ataatsimoorussanik sanaartornermik, ingerlatsinermik aserfallatsaaliuinermillu isumagisaqarnissamut pisinnaatitaaffeqarnera pisussaaffeqarneralu, aamma

12) avatangiisini nipimik, pujoralammik, tipimik allamillu avatangiisinut ajoqutaasinnaasunik killilersuineq, taakkununga ilanngullugit nunaminertat illullu sumiiffiit saniliusut eqqarsaatigalugit atorneqarnissaannut killeqarfiliussaasinnaasut.

13) sanaartukkat nutaat sanaartukkatut nukimmik annikitsumik atuisutut sanaartorneqarnissaannut piunasaqaatit.

Imm. 2. § 13, imm. 2, nr. 3 naapertorlugu sumiiffiit ilaanni imm. 2-mi taaneqartut saniatigut pissutsinut allanut aalajangersaasoqarsinnaasoq Naalakkersuisut aalajangersinnaavaat.

Kommunalbestyrelsit nunaminertanik atugassiisarnerinut aalajangersakkat

§ 21. Nunaminertanik atugassiisarnermut aalajangersakkat § 13, imm. 2, nr. 4-mi taaneqartut kommunimut tamarmiusumut ataatsimut atuuttussanngorlugit aalajangersarneqassapput. Aalajangersakkat nunamut ammaannartumut, illoqarfinnut nunaqarfinnulluunniit ataasiakkaanut, imaluunniit sumiiffiit ilaannut ataasiakkaanut aalajangersakkanik immikkut ittunik ilaneqarsinnaapput.

Imm. 2. Aalajangersakkanik aalajangersaanermi makku eqqarsaatigineqassapput:

1) nunaminertanik atugassinneqarnissamut qinnuteqaatit assigiimmik suliarineqartarnissaasa qulakkeerneqarnissaa,

2) kommunini pilersaarutini anguniakkat piviusunngortinneqarnissaat, aamma

3) sanaartorfissagissaanermet aningaasartuutaasinnaasut, kiisalu aningaasaqarnikkut pissutsit allat, illoqarfiup ineriartortinneqarneranut sunnuteqartussat agguarneqarnissaat.

Kapitali 6

Kommunimut pilersaarutininik suliaqartitsineq

Kommunimut pilersaarutissatut siunnersuutit tamanut saqqummiunneqarneri

§ 22. Kommunimut pilersaarutissatut siunnersuut akuersissutigineqareerpat kommunalbestyrelsip siunnersuut tamanut saqqummiutissavaa. Kommunalbestyrelsi siunnersuutininik arlalinnik qinigassiilluni tamanut saqqummiussisinnaavoq.

Imm. 2. Kommunalbestyrelsimi ikinnerussuteqartut kikkulluunniit kommunimut pilersaarutissatut siunnersuummut akuerineqartumut allatut isumaqarnertik kommunalbestyrelsip aalajangiinerinik allatuiffimmut ilannguteqqullugu piunasaqarsinnaavoq. Saqqummiussinerup peqatigisaanik ikinnerussuteqartut pineqartut allatut isumaqarnerat, ikinnerussuteqartut tamatumunnga tunngavilersuutitut naatsumik allassimasaat ilanngullugu, kommunalbestyrelsip saqqummiutissagaa ikinnerussuteqartut piunasarisinnaavaat.

Imm. 3. Kommunimut pilersaarutissatut siunnersuut, imm. 2 naapertorlugu ikinnerussute-

qartut allatut isumaqarnerannik ilanngussartaqartoq, innuttaasunut tikikkuminartumut inissillugu, minnerpaamik sapaatit akunnerini 12-ni kikkunnut tamanut takusassiarineqassaaq. Tamanut saqqummiussinermi kommunimi saqqummiussisoqartillugu nalinginnaasumik periaasiusartut atorineqassapput. Kommunimut pilersaarutissatut siunnersuut kommunip nittartaqaani imaluunniit qarasaasiaq atorlugu, nunami sumiiffinnut tamanut paasisutissanik katersuiffimmi takuneqarsinnaassaaq.

Imm. 4. Tamanut saqqummiussinermi imm. 3 naapertorlugu oqaaseqaateqarnissamut siunnersuummullu allannguutissatut siunnersuuteqarnissamut piffissarititaasoq nalunaarutigineqassaaq.

Imm. 5. Kommunalbestyrelsip kommunimut pilersaarutissatut siunnersuutip siunertai imarisaalu pillugit tamanut ammasumik oqallittoqalernissaa siunertaralugu paasititsiniaaneq ingerlatissavaa.

Imm. 6. Tamanut saqqummiussinermut peqatigitillugu siunnersuut Naalakkersuisunut aamma oqartussanut kommunimut pilersaarutissatut siunnersuutikkut immikkut sunniuteqarfigineqartussanut nassiuuneqassaaq. Akerliliissuteqarnissamut oqaaseqaateqarnissamullu piffissarititaasoq, tak. imm. 3, nalunaarutigineqassaaq.

Imm. 7. Kommunalbestyrelsi kommunimut pilersaarutissatut siunnersuutip tamanut saqqummiunneranut atatillugu pilersaarummik saqqummiunneqartumik tunniussinermut akituummik akileeqquisinnaavoq.

Kommunimut pilersaarutissatut siunnersuutinik inaarutaasumik akuersineq

§ 23. § 22, imm. 3 naapertorlugu piffissaliussaq naappat, kommunalbestyrelsip kommunimut pilersaarutissatut siunnersuut nutaamik suliareqqillugu, siunnersuut inaarutaasumik akuersissutigisinnaavaa. Tamatuma peqatigisaanik tusarniaanerup ingerlanerani akkerliliissutit allannguutissatullu siunnersuutit tiguneqartut suliarineqassapput.

Imm. 2. Kommunalbestyrelsip imm. 1 naapertorlugu kommunimut pilersaarutissatut siunnersuummik inaarutaasumik akuersissuteqarnerani, kommunalbestyrelsi siunnersuummi tamanut saqqummiunneqarsimasumi allannguuteqartitsisinnaavoq. Allannguutit annertuppata imaluunniit pilersaarutip imarisaanut tunngaviusunut akkerliuppat, kommunimut pilersaarutissatut siunnersuut allannguuteqartoq, akkerliliissuteqarnissamut sapaatit akunnerinik minnerpaamik 6-nik piffissaliussilluni nutaamik tamanut saqqummiunneqassaaq.

Kommunimut pilersaarutit inaarutaasumik akuersissutigineqartut tamanut nalunaarutigineqarneri

§ 24. Kommunalbestyrelsi kommunimut pilersaarutissatut siunnersuutip inaarutaasumik akuersissutigineqareernerani pisariaqanngitsumik kinguarsaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasisutissiissutigineqassaaq kommunimut pilersaarut siunnersuummit saqqummiunneqareersumit immikkoortuni sutigit allaassuteqarnerisooq.

Imm. 2. Kommunalbestyrelsip kommunimut pilersaarutip tamanut saqqummiunneqartup assinga ataaseq Naalakkersuisunut aamma oqartussanut § 22, imm. 6 malillugu pilersaarutissatut siunnersuutip tamanut saqqummiunneqarnera pillugu allakkatigut nalunaarfigineqarsimasunut nassiuutissavaa.

Imm. 3. Kommunimut pilersaarut tamanut saqqummiunneqartoq kommunip qarasaasiaq atorlugu, nunami sumiiffinnut tamanut paasisutissanik katersuiffimmut, tak. § 4, ilanngutissavaa, taamaalilluni kikkunnit tamanit pissarsiarineqarsinnaassalluni.

Imm. 4. Pilersaarutissatut siunnersuut inaarutaasumik akuersissutigineqarsimasooq atorun-

naassaaq, pilersaarutissatut siunnersuutip § 23 naapertorlugu inaarutaasumik akuersissutigineqarneraniit, imm. 1 naapertorlugu sapaatit akunneri 12-it qaangiutsinnagit tamanut nalunaarutigineqarsimangippat.

Kommunimut pilersaarutininik pisoqalitsaaliuineq

§ 25. Kommunalbestyrelsip pisariaqalernerani kommunimut pilersaarut nutartertassavaa.

Imm. 2. Kommunimut pilersaarummi annertuumik allannguuteqartitserernermi, kikkunnit tamanit aamma Naalakkersuisunit atorneqarsinnaasunngorlugit pilersaarutip imarisai pillugit takussutissiornissaq aamma aalajangersakkat atuuttut ataatsimut allanneqarnissaat kommunalbestyrelsip qularnaassavaa.

§ 26. Kommunalbestyrelsi nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisinaavoq aammalu kommunimut pilersaarut naapertorlugu sumiiffiup ilaanut aalajangersimasumut aalajangersagaliorsinnaalluni, tak. §§ 22-24.

Imm. 2. Kommunimut pilersaarutip naammassineqarnissaata qularnaarneqarnissaa pisariaqarpat, kommunalbestyrelsi § 13, imm. 2, litra b malillugu sumiiffiup ilaanut aalajangersimasumut aalajangersagaliortitsissaaq. Illuliortiternerit sanaartorerillu, eriaqisarialinnik aalajangersaanerit il.il. kommunimut pilersaarutip tunngavigisaannut imarisaanullu naapertuumik suliarineqarnissaat kommunimut pilersaarutikkut qularnaarneqassaaq.

Imm. 3. Illuliortiternissanut sanaartornissanullunniit annertuunut imaluunniit pingaarutilinut nunaminertamik atuinissamik akuersissummik tunniussinnginnermi aammalu ineqarfinnik annertuunik pingaarutilinnillunniit isaterilinnnginnermi, sumiiffiup ilaani aalajangersimasumi nunaminertanik atuinermut illuliortiternermullu maleruagassiisunik sukumiisunik aalajangersagaqarnissaa, tak. § 13, imm. 2, nr. 3, litra b, kommunalbestyrelsip isumannaassavaa.

Imm. 4. Sanaartugassatut aalajangiussat kommunimut pilersaarutip tunngavigisaannut imarisaanullu naapertuumik suliarineqarnissaat, sumiiffiup ilaanut aalajangersimasumut aalajangersakkani qularnaarneqassaaq.

§ 27. Kommunimut pilersaarutip allannguuteqartinnerani (kommunimut pilersaarummut tapiliussaq) §§ 22, 23 aamma 24 taamatuttaaq atorneqassapput.

Imm. 2. Kommunimut pilersaarummut tapiliussaq taamaallaat sumiiffiup ilaanut aalajangersimasumut ataatsimut atuussimappat § 22, imm. 3 naapertorlugu piffissaliussaq sapaatit akunnerinut 6-nut sivikillisinneqarsinnaavoq.

Imm. 3. Pilersaarutip siunertaa inatsisitigullu sunniutai, tak. §§ 28, 29 aamma 30 naapertorlugu nassuiaammi takuneqarsinnaassapput.

Kommunimut pilersaarutit utaqqiisaasumik aamma inaarutaasumik inatsisitigut sunniutai

§ 28. Kommunalbestyrelsi kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni, kapitali 8.

Imm. 2. Kommunimut pilersaarutip aalajangersakkanut immikkoortua, tak. § 13, imm. 2, nr. 3, innuttaasunut inatsisitigut pisussaaffiliivoq.

§ 29. Kommunimut pilersaarutip imaluunniit kommunimut pilersaarummut tapiliussap inaarutaasumik akuerineqarneranik § 24 malillugu tamanut nalunaaruteqarnerup pereernerani, § 45 naapertorlugu immikkut akuersissuteqartoqarsimatinnagu, inatsisinik imaluunniit pissut-sinik piviusunik tunngaveqarluni kommunimut pilersaarutip aalajangersakkanut immikkoortu-

anut imaluunniit nunaminertanik tunniussinermi atugassarititaasunut, tak. § 49, akerliusunik pilersitsisoqassanngilaq.

§ 30. Kommunimut pilersaarutissatut imaluunniit kommunimut pilersaarummut tapiliussasatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit pilersaarutip inaarutaa-sup imarisaanut sioqqutsisutut isikkoqarsinnaasumik iluaqutiginiarneqassanatik.

Imm. 2. § 22, imm. 3 naapertorlugu oqaaseqaatinut allannguutissatullu siunnersuutitut saqqummiussinissamut piffissaliussap naareernerani piffissaagallartillugu akerliliissutinik tigusaqartoqarsimangippat kommunalbestyrelsi nunaminertap siunnersuummi pineqartup illuliorfigineqarnissaa imaluunniit allatigut pilersaarut naapertorlugu iluaqutigineqarnissaa akuerisinnaavaa.

Imm. 3. Imm. 1-imi aamma 2-imi aalajangersakkat pilersaarutissatut siunnersuutip tamanut nalunaarutigineqarnissaata tungaanut atuutissapput, tak. § 24, taamaattorli siunnersuutip saqqummiunneraniit naatsorsukkamik sivisunerpaamik ukiumi ataatsimi.

§ 31. § 13, imm. 2 nr. 3 naapertorlugu sumiiffiup ilaanut aalajangersimasumut aalajangersa-galiornikkut pissutsinik pinngitsoortinneqarsinnaasunik pilersitsisoqarnissaa kommunal-bestyrelsip inerteqqutigisinnaavaa.

Imm. 2. Inerteqquteqarneq ukioq ataaseq tikillugu sivisussuseqarsinnaavoq ataasiaannar-lunilu pisinnaalluni. Inerteqquteqarneq tamanut nalunaarutigineqassaaq.

§ 32. Kommunilbestyrelsi isumaqatiginiareerlugu Naalakkersuisut kommunimut pilersaa-rutip naammassineqarnissaanut piffissaliussanik aalajangersaasinnaavoq.

Kapitali 7.

Kommunimi pilersaarusiornermi suliniutit

§ 33. Kommunimi qinigaaffiup affaata siulliup qaangiutinnginnerani kommunalbestyrelsip kommunimi pineqartumi kommunimi pilersaarusiornermi suliniutissatut siunnersuutit tamanut ammasumik saqqummiutissavai. Aamma kommunalbestyrelsip pisariaqartutut naleqquttutulluunniit isumaqarfigiguniuk, sukkulluunniit siunnersuummik taamaattumik suliaqarsinnaavoq tamanullu ammasumik saqqummiussisinnaalluni.

Imm. 2. Siunnersuut imm. 1-imi taaneqartoq kommunimi pilersaarutip kingullermik iluarsineqarnerata, kommunalbestyrelsip ineriartortitsinermik naliliinerata suliniutissaasalu aalajangiiffigineqarnerisa kingorna pilersaarutit pillugit paasissutissanik imaqaassaaq, kiisalu makku pillugit aalajangiinernik imaqaassalluni:

- 1) kommunimi pilersaarut tamarmi iluarsaanneqassasoq,
- 2) kommunimi pilersaarummi sammisami ataatsimi amerlanerusuniluunniit iluarsaassisoqassasoq,
- 3) kommunip nunataani sumiiffiit ilaannut iluarsaassisoqassasoq, imaluunniit
- 4) kommunimi pilersaarut ukiumi sisamani atuuttussanngorlugu nutaamik akuerineqassasoq.

§ 34. § 33 naapertorlugu suliniutissat tamanut ammasumik saqqummiunneqarnerinut peqatigitillugu, suliniutissanut siunnersuutit akuerineqartut Naalakkersuisunut aamma oqartussaasunut, soqutigisamikkut kallarneqartussanut nassiuunneqassapput.

Imm. 2. Kommunilbestyrelsimi ilaasorta q kinaluunniit, imm. 1-imi suliniutissatut siunnersuummut taaneqartumut isummaminik allaanerusumik kommunalbestyrelsip allattaavianut allattoqarnissaanik piumasaqarsimasoq, suliniutissamut siunnersuummut

peqatigitillugu isummap allaanerusup, ilaasortamit naatsumik tunngavilersorneqarsimasup tamanut saqqummiunneqarnissaa piumasarisinnaavaa.

Imm. 3. Suliniutissanut siunnersuut, imm. 2 naapertorlugu ikinnerussuteqartut oqaaseqaataannik ilaqartinneqarsinnaasoq, sumiiffimmi tikikkuminartumi oqaaseqaateqarnissaq allannguutissanillu siunnersuteqarnissaq siunertaralugu sivikinnerpaamik sapaatit akunnerini arfinilinni innuttaasunit takuniarneqarsinnaalluni saqqumitinneqassaaq. Saqqummiussineq tamanut ammasumik nalunaarutigineqassaaq, aammalu piffissaliinermi kommunimi piffissaliussisarneq nalinginnaasoq atorneqassalluni.

Imm. 4. Imm. 3 naapertorlugu piffissaliussaq naappat, kommunalbestyrelsip suliamik suliaqarnermini nutaamik aallartitsinermigut suliniutissaq inaarutaasumik suliarisinnaavaa. Tamatumunnga atatillugu oqaaseqaatit tiguneqartut kommunalbestyrelsip isummerfigissavai. Kommunalbestyrelsip tamatumunnga atatillugu suliniutissanut saqqummiunneqartunut allannguutissat aalajangiiffigisnaavai.

Imm. 5. Kommunalbestyrelsip suliniut tamanut ammasumik nalunaarutigissavaa, aammalu suliniutip saqqummiunneqarsimasup naqinnera ataaseq oqartussaasunut imm. 1-imi taaneqartunut nassiutissallugu.

§ 35. § 24 naapertorlugu tamanut ammasumik nalunaaruteqartoqareerpat, kommunalbestyrelsip kommunimi pilersaarummut siunnersuutit taamaattut imaluunniit tassunga allannguutissatut suliniummi aalajangiunneqarsimasut ilanngussinnavai.

Kapitali 8

Nunaminertanik atugassanngortitsisarneq

Nunaminertat atorneqarnissaannut akuersissut

§ 36. Nunaminertanut oqartussaasunit akuersisoqarsimatinnagu nunaminertaq sunaluunniit nalinginnaasumik atorneqassanngilaq atorneqalissananiluunniit.

Imm. 2. Nunaminertanut oqartussaasunit akuersisoqarsimatinnagu nunaminertap suulluunniit atorneqarnera allanngortinneqassanngilaq.

Imm. 3. Nunaminertamik atugassanngortitsineq inummut akuerineqartumut tunngatitaavoq. Nunaminertamut pisinnaatitaanermik tunniussineq sunaluunniit nunaminertanut oqartussaasumit akuerineqaaqassaaq.

Imm. 4. Nunaminertamik atuisinnaatitaaneq niuerutigineqassanngilaq.

§ 37. Kommunalbestyrelsi kommuneqarfimmi pineqartumi nunaminertanut oqartussaasuuvoq aammalu kommuneqarfimmi nunaminertat atorneqarnissaannik akuersisartuulluni.

Imm. 2. Kommunit aggornerisa avataanniittuni atuisinnaatitaaneq Naalakkersuisunit nalunaarutigineqassaaq.

Imm. 3. Kommunalbestyrelsi nunaminertanik sanaartorfissanik nuna tamakkerlugu pilersaarusionermut pingaaruteqartunik atugassiilluni akuersissuteqannginnermini Naalakkersuisut akuersissutaannik pissarsiniaqqaassaaq.

Imm. 4. Sanaartugassanut inatsisit aamma nuna tamakkerlugu pilersaarusionermut malitasiat il.il. naapertorlugit nunaminertanik atuinissamut akuersissutit Naalakkersuisunit tunniunneqarsinnaapput.

§ 38. Nunaminertamik atuisinnaatitaaneq qinnuteqartoqarneratigut inunnut, suliffeqarfinnut, ingerlatseqatigiiffinnut, peqatigiiffinnut assigisaannulluunniit tunniunneqarsinnaavoq.

Nunaminertamik atuisinnaatitaanissamik qinnuteqaatit

§ 39. Nunaminertamik atuisinaatitaanissamut qinnuteqaat kommunimi pineqartumi kommunalbestyrelsimut nassiunneqassaaq.

Nunaminertanik atuinissamik qinnuteqaatit tamanut ammasumik saqqummiunneqartarnerat

§ 40. Kommunimi illoqarfinni nunaqarfinnilu nunaminertat suut, kommunimi pilersaarutit sanaartorfissagissaanissamullu pilersaarutit malillugit nunaminertanik atugassiiffigineqartussatut naatsorsuutigineqarsinnaanersut pillugit ingerlaavartumik tamanut ammasumik saqqummiisassalluni kommunalbestyrelsi pisussaavoq.

§ 41. Illoqarfinni nunaqarfinnilu nunaminertanik atuisinnaatitaanermut inaarutaasumik aalajangiisoqannginnerani, kommunalbestyrelsi pisussaavoq qinnuteqaat pillugu tamanut ammasumik ilisimatitsissuteqassalluni.

Imm. 2. Qinnuteqaatigineqartoq sumiiffiup ilaanut aalajangersakkanut atuuttunut naapertuuppat, imm. 1 naapertorlugu ilisimatitsissusaatitaaneq saneqqunneqarsinnaavoq.

Imm. 3. Nunaminertat, illut, atortut nunaminertanilluunniit atuinertit allat, tassunga ilanngullugit nunaminertamik atuinermik allanngineq imaluunniit illunik tunisinnermut il.il. atatillugu atuisinnaatitaanermik tunniussinnerit annikinnerusut imaluunniit pingaannginnerusut pineqartillugit, imm. 1-imi ilisimatitsinissamut pisussaaffik saneqqunneqarsinnaavoq.

§ 42. Qinnuteqaatip ilisimatitsissutigineqarneranut atatillugu kommunalbestyrelsi qinnuteqaatigineqartumut akerliliinissamut ullut 14-it inornagit periarfissaqartitsinissamik aalajangiissaaq.

Imm. 2. Qinnuteqaammik akerliliissummik tigusaqartoqarpat, kommunalbestyrelsip akerliissutit qinnuteqaatip suliarineqarnissaanut ilanngutissavai.

§ 43. Nunami ammaannartumi nunaminertamik atugassiinerup nalunaarutigineqarnissaa sioqqullugu, kommunalbestyrelsi pisussaavoq tamanna pillugu qinnuteqaat oqartussaasunut soqutigisaqartuusinnaasunullu kalluarneqartunut tusarniaassutigissallugu.

Imm. 2. Imm. 1 naapertorlugu oqartussaasunut tusarniaanissaq, oqartussaasut pineqartut tusarniaaffigineqannginnissartik akuerippassuk pinngitsoortinneqarsinnaavoq.

Imm. 3. Imm. 1 naapertorlugu tusarniaanermut atatillugu qinnuteqaat oqartussaasunut soqutigisaqartunullu kalluarneqartussanut nassiunneqassaaq. Tamatuma kingorna kommunalbestyrelsip piffissaliussatut aalajangiussaata iluani tusarniaaffigineqartut tusarniaanermut akissuteqarsinnaapput. Tusarniaanermi akissuteqarnissamut piffissarititaasoq qinnuteqaatip tusarniaaffigineqartumit tiguneqarneraniit sivikinnerpaamik sapaatit akunnerinik pingasunik sivilissuseqassaaq.

Imm. 4. Atuisinnaatitaanermik tunniussineq imaluunniit sanaartugassat annikinnerusut isumaqannginnerusulluunniit, taakkununga ilanngullugit illuaqqani pioreersuni alliliinerit il.il. matumani pineqarpata, imm. 1 naapertorlugu tusarniaanissamik piunnaasaqat saneqqunneqarsinnaavoq.

Nunaminertanik atugassiisarneq

§ 44. Kommunalbestyrelsi pisussaavoq, nunaminertamik atugassiinermi nuna tamakkerlugu pilersarusiortarnikkut soqutigisat, taakkunungalugu ilanngullugu Namminersorlutik Oqartussat immikkoortortanut inatsisaasa unioqqutinneqarsimannginnissaat nakkutigissallugu.

Imm. 2. Aamma nunaminertamik atugassiineq kommunimi pilersaarummut naapertuuttussaavoq, tassungalu sumiiffiup ilaanut pineqartumut aalajangersakkat, § 16 aamma 17 naapertorlugit aalajangersarneqarsimasut ilaapput.

Imm. 3. Qinnuteqaammi imm. 1-imi aamma 2-mi piumasaqaatit taaneqartut naammassineqarsimappata kommunalbestyrelsi nunaminertamik atugassiiussaavoq, tassani § 31 naapertorlugu inerteqquteqarnerup atorunnaarsinneqarnissaa aalajangerneqarsimanngippat, tamatumalu kingunerisaanik sumiiffiup ilaanut pineqartumut aalajangersakkanik, nunaminertamat qinnuteqarfigineqartumut akornusiisunik suliaqartoqarsimanngippat. Nunaminertanik atugassiineq §§ 42 aamma 43 naapertorlugu piffissaliussat naanerisa kingorna kingusinnerpaamik qaammatit pingasut qaangiunnerini nalunaarutigineqassaaq.

Imm. 4. Nunanimertami qinnuteqarfigineqartumi teknikkikkut aningaasaqarnikkullu piviusunngortitsisinnaanermut uppersaatinik kommunalbestyrelsi piumasaqarsinnaavoq.

Nunaminertanik atugassiiisarnermut atatillugu piumasaqaatit

§ 45. Nunaminertanik atuisinnaatitaanermik akuersissuteqarnermi piumasaqaatinik atugassarititaasunillu, § 1-imi siunertanut taaneqartunut iluaqutaasussanik piumasaqaateqartoqarsinnaavoq. Piumasaqaatit atugassarititaasullu aalajangersarneqartut imaat aqqutigalugit kommunimi pilersaarusiornermi isumassarsianut tunngaviusunut imaanullu naleqquttumik sanasoqarnissaa qulakkeerneqassaaq.

Imm. 2. Nunaminertanik atugassiiinermut atatillugu kommunalbestyrelsi pissutsit uku pillugit piumasaqaateqartassaaq:

- 1) nunaminertap atorneqarnissaa,
- 2) akuersissutip siviunerpaamik ukiuni marlunni atorneqarnissaanut piffissaliineq,
- 3) sanaartorfissagissaanermut aningaasartuutit akilerneqarnissaat,
- 4) atortunut ataatsimoorussanut atassusiinissamat pisussaaffeqartitsisoqarsinnaavoq,
- 5) atuisinnaatitaanerup atorunnaarsinneqarsinnaaneranut piffissaliineq,
- 6) nunaminertamik atuiunerup atorunnaaneranut atatillugu torersaanissamat iluarseeqqinnissamullu pisussaaffeqarneq, aamma
- 7) nunaminertamik atulernissaq sioqqullugu oqartussaasut akuersissutaannik akuersissutinillu pisariaqartinneqartunik allanik pissarsiniarnissaq.

Imm. 3. Pissutsit sumiiffiit ilaanut maleruagassanut atuuttunut naleqqiullutik naammaginarumik suliarineqarsimanngippata, aamma kommunalbestyrelsi makku pillugit ilassutaasunik piumasaqarsinnaavoq:

- 1) pissutsit angallanermut aqqutinullu tunngasut,
- 2) ruujoreqarfiit aqqusersuuteqarfiillu inissisimaffii, aamma
- 3) pissutsit allat kommunimi pilersaarutip piviusunngortinneqarnissaanut isumaqartut.

§ 46. Nunaminertaq § 45, imm. 2 naapertorlugu tamatumunnga piffissarititaasup iluani atorneqalersimanngippat, nunaminertamat atuisinnaatitaaffik atorunnaarsinneqassaaq.

Nalunaarsuisarneq

§ 47. Kommunalborgstyrelsi pisussaavoq, kommunip iluani nunaminertat atugassanngortinneqartut nutaat nalunaarsussallugit.

Imm. 2. Kommunalborgstyrelsi pisussaavoq, kommunimi atuisinnaatitaaffiit atuuttut tamakkerlugit allattuiffimmik ataatsimoortumik suliaqartoqarnerani pisinnaatitaaffiit atuuttut misissussallugit iluarsaatissallugillu.

§ 48. Nunaminertanik atugassiinerit tamanit takuneqarsinnaassapput, taakkununga nunaminertamut pineqartumut piunasaqaatit suunersut tunngavigineqarsimanersut ilanngullugit, tak. § 45.

Imm. 2. Nunaminertamik atugassiineri inuit pillugit paasisutissat imm. 1-imut ilaatinneqanngillat.

Immikkut ittumik akuersinerit

§ 49. Immikkut ittumik akuersineq sumiiffiup ilaanut aalajangersimasumut kommunimut pilersaarummi aalajangersakkat tunngaviinut akerliunngippat, sumiiffiup ilaanut aalajangersimasumut aalajangersakkat sukumiisut saneqqunneqarnissaannut immikkut ittumik akuersisuteqarnerit kommunalbestyrelsimit nalunaarutigineqarsinnaapput.

Imm. 2. Sumiiffiup ilaanut aalajangersimasumut aalajangersagaq, Namminersorerullutik Oqartussani naalagaaffimmiluunniit oqartussaasumik isumaqatigiissuteqarnikkut aalajangersarneqarsimasoq, aatsaat oqartussaasup pineqartup akuersineratigut saneqqunneqarsinnaavoq.

Imm. 3. Imm. 1-imi pineqartunit annertunerunik nikingassuteqartitsinerit aatsaat sumiiffiup ilaanut aalajangersimasumut pineqartumut nutaamik pilersaarusiornikkut pisinnaapput.

Imm. 4. Aalajangersakkat sanilinit allanulluunniit eqqaamiunut pingaarutillit saneqqunneqarnissaannut immikkut ittumik akuersinerit, sanilit kommunalbestyrelsimit tusarniarneqarneranniit minnerpaamik sapaatit akunneri marluk ingerlareerpata, aatsaat nalunaarutigineqarsinnaapput. Tusarniaanermi sumut immikkut ittumik akuerineqanissamik qinnuteqartoqarnersoq aammalu oqaaseqaatigiumasat sivikinnerpaamik sapaatit akunnerinik marlunnik piffissalissap iluani nassiunneqassasut nalunaarutigineqassaaq.

Pinngitsaaliissummik taarsiinertalimmik arsaarinnissuteqartarnej aamma tiguisarneq

§ 50. Sumiiffiup ilaanut aalajangersimasumut kommunimut pilersaarummi aalajangersakkat, tak. § 13, imm. 2, nr. 3, naammassineqarnissaannut pisariaqarpat, pigisanik aalaakkaasunik arsaarinnissuteqartarnej pillugu inatsimmi aalajangersakkat naapertorlugit pinngitsaaliissummik taarsiinertalimmik arsaarinnissuteqarnissaq aallartinneqarsinnaavoq.

Imm. 2. Suliassaqarfinni Namminersorlutik Oqartussat ataanniingitsuni pinngitsaaliissummik taarsiinertalimmik arsaarinnineq pineqarpat, pigisanik aalaakkaasunik arsaarinnissuteqartarnej pillugu Kalaallit Nunaannut inatsimmi aalajangersakkat atuutissapput.

§ 51. Sumiiffiup ilaani aalajangersimasumi kommunalbestyrelsi akuersiteqqaarnagu illunik imaluunniit sanaartukkanik isaterisoqassanngitsoq, allangortiterisoqassanngitsoq, allatigulluunniit allangortitsisoqassanngitsoq aalajangerneqarsimappat, akuersissummillu tunniussinissaq itigartinneqarpat, piginnittup piunasarinnaavaa taarsiissuteqarfigalugu kommunip tamakkiisumik ilaannaasumilluunniit tigussagaa.

Imm. 2. Taamaattorli kommuni aatsaat imm. 1 naapertorlugu tiguisussaataitaavoq, illulior-titerfiup aningaasatigut iluaqutigineqarsinnaanerata aamma illulior-titerfiup assingusumik ator-neqartup kisiannili isaterinissamik aamma allangortiterinissamik inerteqquteqarnermi pine-qartunut ilaangitsup aningaasatigut iluaqutigineqarsinnaanerata akornanni annertuumik niki-ngoqarpat.

Imm. 3. Isumaqatigiilluni aqqiisoqarsinnaanngippat imm. 1 malillugu taarsiissuteqarnissaq Naalakkersuisut pinngitsaaliissummik taarsiinertalimmik arsaarinnissuteqartarnermut ataatsimiititaliaaannit aalajangersarneqassaaq, tak. pigisanik aalaakkaasunik arsaarinnissuteqartarnej pillugu Inatsisartut inatsisaat.

Imm. 4. Kommunalbestyrelsip akuersissutaanik tiguisoq naammagittaalliortoqarneranik kommunalbestyrelsimit nalunaarfigineqassaaq.

Imm. 5. Naammagittaalliuuteqartarfiup aalajangiineri allaffissornikkut oqartussanut allanut suliassanngortinneqarsinnaangilaq.

§ 59. Pilersaarutitut aamma nunaminertanut naammagittaalliuuteqartarfiup naammagittaalliuuteqarneq akuersissutissanut inerteqqutissanulluunniit kinguartitsinermik kinguneqartilersinnaavaat, naammagittaalliuuteqartarfiup aalajangiinissaata tungaanut imaluunniit naammagittaalliuuteqartarfiup allatut aalajangernissaata tungaanut.

§ 60. Naalakkersuisut naammagittaalliuuteqartarfiup inuttalersorneqarnissaa atuunnissaalu pillugit aalajangersakkanik erseqqinnerusunik aalajangersaasinnaapput.

Aqutsinermut aalajangersakkat

§ 61. Naalakkersuisut pilersaarusiornermut oqartussaasua aamma kommunip pilersaarusiornermut oqartussaasua peqqussut manna malillugu pilersaarusiornermi nakkutilliinarlutik kiisalu uuttortaaniarlutik allanillu teknikkikkut piareersaaniarlutik, atuisinnaatitaasumut piginittumulluunniit siumut nalunaaruteqareernermikkut, nunaminertanut tamanut aamma pigisamut aalaakkaasumut inuup nammineq pigisaanut sumulluunniit takusaanissartik piumasarisinnaavaat.

Imm. 2. Piumasarineqartillugu kinaassutsimik uppersarsaat takutinneqassaaq.

Nakkutilliineq

§ 62. Kommunalbestyrelsip pilersaarusiornermut nunaminertanullu inatsisip maleruagassallu taakkua tunngavigalugit maleruagassiaasut malinneqarnissaat nakkutigissavaa.

Imm. 2. Pissutsinik inatsisinik unioqqutitsisunik Kommunalbestyrelsi paasisaqaruni, kommunalbestyrelsip illuummi piginnittoq imaluunniit nunaminertamik atuisoq kommunalbestyrelsip piffissaliussaata iluani pissutsinik inatsisinut naapertuuttumik iluarseeqqullugu peqqussavaa.

Imm. 3. Kommunalbestyrelsip Inatsisartut peqqussutaat manna, maleruagassat Inatsisartut peqqussutaat manna naapertorlugu aalajangersagaasut kiisalu aalajangersakkat § 67, imm. 3 naapertorlugu atuutsiinnarneqartut malillugit peqqussutaasut inerteqqutaasullu eqquutsinneqarnissaat aamma atugassarititaasut akuersissutini aalajangersagaasut malinneqarnissaat nakkutigissavai.

§ 63. Naalakkersuisut inatsisinik unioqqutitsisoqartoq paasigunikku, Naalakkersuisut pissutit taakkua inatsisinut naapertuuttunngorteqqullugit kommunalbestyrelsimut peqqussutigisinnaavaat. Naalakkersuisut aalajangersinnaavaat inatsisinut naapertuuttunngortitsineq pissutsip aaqinneratigut imaluunniit inatsisitigut iluarsinikkut pissanersoq.

Imm. 2. Suliaq inatsisinik unioqqutitsisoq suliarineqareersimappat aammalu pilersaarusiorneq eqqarsaatigalugu kikkullu tamarmik nunaminertanik aqutsinermut peqataatinneqartarnissaannut tunngasut eqqarsaatigalugit akerliunngippat, Naalakkersuisut kommunimut pilersaarusiorneq aamma immikkut ittumik akuersissuteqartarneq pillugit maleruagassat atuutsinngitsorsinnaavaat.

Pineqaatissiissutit

§ 64. Sukkulluunniit illumik piginnittup imaluunniit nunaminertamik atuisup pissutsit inatsimmik unioqutitsisut iluarsinissaat pisussaaffigaa.

Imm. 2. Piginnittup atuisulluunniit pissutsit inatsimmik unioqutitsisut iluarsinissaat pillugu § 62, imm. 2 malillugu peqqussutigineqartoq malinngippagu, eqqartuussisut aqputigalugit piffissaq aalajangiussaq naatinnagu pillaatit akiligassiinerit ingerlaannartut atorlugit pinngitsaaliissuteqarnikkut pissutsit unioqutitsisut iluarsinissaannik pisussaaffilerneqarsinnaavoq.

Imm. 3. Pissutsinik inatsimmik unioqutitsisunik iluarsiinissaq pillugu eqqartuussissutikkut peqqussutaasoq, eqqartuussissummi piffissaliussap iluani malinneqarsimangippat, akiligassiissutinillu akiliisitsiniarnikkut pinngitsaaliissuteqarnerit peqqussutip malinneqarneranik kinguneqarsorinangippata, pilersaarusiornermik oqartussaasut piginnittumut akiligassanngorlugu pissutsit iluarsineqarnissaannut pisariaqartut isumagisinnaavaat.

§ 65. §§ 28, 29, 30 aamma 36, imm. 1 aamma 2-imik unioqutitsineq aammalu §§ 31 aamma § 62, imm. 2 naapertorlugit peqqussissummik inerteqqummilluunniit malinninnginneq pillaaammik akiliisitaasussanngor-titsinermik kinguneqarsinnaavoq.

Imm. 2. Unioqutitsisut tassaappata Namminersorlutik Oqartussat, kommuni imaluunniit kommunit ataatsimoorfiat, naalagaaffiup oqartussaasua imaluunniit pisussaataasooq pisinnaatitaasorlu alla, suliffeqarfik il.il. akiliisitaasussanngortitsinikkut kiisalu pissutsit inatsisunik malinnittunngortinnissaannut akisussaatinneqarsinnaavoq.

§ 66. Nunaminertaq inatsisunik unioqutitsisunik atornerqarpat aammalu piginnaatitsissummik pigisaqartup nunaminertanik atugassiinermut oqartussaasut § 62, imm. 2 naapertorlugu inatsisunik malinnitsitsilernissamik peqqussisutaat malinngippagu, oqartussaasup nunaminertanik atugassiisartup nunaminertamut atuisinnaatitaaneq atorunnaarsissinnaavaa.

Kapitali 11

Atuutilersitsinissamut aalajangersakkat

§ 67. Inatsisartut inatsisaat ulloq xx.xx.20xx atuutilerpoq.

Imm. 2. Tamatuma peqatigisaanik atorunnaarsinneqarput:

- 1) Pilersaarusiorneq aamma nunaminertat atornerqarnerat pillugit Inatsisartut peqqussutaat nr. 11, 5. december 2008-imeersoq.
- 2) Kommunimut pilersaarusiorneq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersoq.
- 3) Kalaallit Nunaanni savaateqarnermut nunaminertamik atugassiisarneq pillugu Kalaallit Nunaannut Ministeriaqarfiup nalunaarutaa nr. 538, 27. juli 1979-imeersoq.

Imm. 3. Maleruagassat atugassarititaasullu pilersaarusiorneq aamma nunaminertat atornerqarnerat pillugit Inatsisartut peqqussutaat nr. 11, 5. december 2008-imeersoq aamma nunaminertanik atuneq aamma pilersaarusiorneq pillugit Inatsisartut peqqussutaat nr. 6, 19. december 1986-imeersoq naapertorlugu atuutilersinneqarsimasut atuutiinnassapput, maleruagassanit inatsisartut peqqussutaat manna imaluunniit imaluunniit Inatsisartut peqqussutaat allat naapertorlugit aalajangersarneqartunit taarserneqarnissaasa atorunnaarsinneqarnissaasaluunniit tungaanut.

Aalajangersakkat sukumiisunik maleruagassiisut sumiiffinnut pilersaarusiani aalajangersarneqartut atuutiinnassapput aammalu § 20 malillugu aalajangersakkanik sukumiisunik allanik taarserneqarnissamik tungaanut atuutiinnassallutik.

Kapitali 12

Ikaarsaarnermut aalajangersakkat

§ 68. Kommunalbestyrelsi § 49, imm. 1-4 naapertorlugit sumiiffinnut pilersaarutit § 67, imm. 3 malillugu atuutsiinnarneqartut imaluunniit sumiiffinnut pilersaarutit Inatsisartut peqqussutaat nr. 6, 19. december 1986-imeersumi § 26, imm. 2 malillugu atuutsiinnarneqartut, saneqqunneqarnissaannik immikkut akuersissuteqarnissamik periarfissaqarpoq.

§ 69. Nunami ammaannartumi nunaminertanik pilersaarusiortarnermullu oqartussaaffiup tunniunneqarnissaa §§ 13 aamma 37 naapertorlugit aatsaat 1. Januar 2011-mi atuutilissaaq.

Imm. 2. Nunami ammaannartumi sumiiffimmi ataatsimi nunaminertanut oqartussaaffik imm. 1-imi ulluliussaq sioqqullugu Naalakkersuisut kommunalbestyrelsimut tunniussinnaavaat, kommunalbestyrelsi § 20 naapertorlugi sumiiffimmut pineqartumut kommunimi pilersaarummut tapiliussamik nassuiaasersukkamik maleruagassiorfiusumik saqqummiussisinnaappat.

§ 70. Pilersaarutitut aamma nunaminertanut naammagittaalliuuteqartarfiup pilersinneqarnissaata tungaanut kommunalbestyrelsip pissutsinut peqqussummi matumani pineqartunut ilaasunut tunngasunik aalajangiinerini apeqqutit inatsisinut tunngasortai Naalakkersuisunut naammagittaalliuutigineqarsinnaapput.

Imm. 2. Naammagittaalliorsinnaapput

- 1) kinaluunniit aalajangiinermi aalajangiiffigineqartoq,
- 2) kinaluunniit suliap inerneranik imminut tunngatillugu imaluunniit annertuumik soqutigisaqartutut naatsorsuutigineqartoq.

Imm. 3. Naammagittaalliuut kommunalbestyrelsip aalajangiinermi nalunaaruteqarnerata kingorna kingusinnerpaamik sapaatit akunneri 8-it qaangiunnerini saqqummiunneqassaaq.

Namminersorlutik Oqartussat, ulloq xx.xx.xxxx

Kuupik Kleist

/

Jens B. Frederiksen

Siunnersuummut nassuiaatit

Nassuiaatit nalinginnaasut

1. Aallaqqaasiut

1981-mi, Areaalit (nunaminertat/imartat) atorneqarnerat, illoqarfiit allilerneqarneri sanaartorfigineqarnerilu pillugit Kalaallit Nunaannut inatsit nr. 612, 23. december 1980-meersoq, suliassaqarfiup Namminersornerullutik Oqartussanut 1. januar 1981-mi nuunneqarnera tunngavigalugu inatsit piginnaatitsissut naapertorlugu nunamik atuneq, nuna tamakkerlugu pilersaaruserneq aamma illoqarfimmik pilersaaruserneq illuliortiternerlu pillugit Inatsisartut peqqussuta nr. 1, 2. februar 1981-meersoq atuutilersinneqarpoq.

Inatsisartut peqqussutaat Kalaallit Nunaannut ministeriaqarfiup nunaminertanik atuinermut inatsisaanut assingugajalluinnartoq aallaavigalugu oqartussaaffik siusinnerusukkut Kalaallit Nunaannut ministerip ataaniissimasoq Namminersornerullutik Oqartussanut nuunneqarpoq. Taamaalilluni Nuna tamakkerlugu pilersaarusernermut ataatsimiititaliaq Inatsisartunit pilersinneqarpoq, aammalu illoqarfinnut pilersaarutit ilusissaannut imarisaannullu maleruagassat Namminersornerullutik Oqartussanit aalajangersarneqartussanngorlutik. Namminersornerullutik Oqartussat illuliornernut oqartussaanermut malittarisassiorput, aalajangerneqarporlu Nuna tamakkerlugu pilersaarusernermut ataatsimiititaliaq suliartik pillugu ukiumoortumik Inatsisartunut nalunaaruserneqarpoq. Aammattaaq Nuna tamakkerlugu pilersaarusernermut ataatsimiititaliap naammagittaalliutini aalajangiineri inaarutaasumik aalajangiinerusalertut.

Inatsisartut inatsisaata piviusunngortinnissaanut Kalaallit Nunaanni illuliortiternermi oqartussaassuseq pillugu Namminersornerullutik Oqartussat nalunaarutaat nr. 4, 1. december 1982-meersoq atuutilersinneqarpoq, tassani aalajangersarneqarpoq Namminersornerullutik Oqartussat tassaasut illuliortiternermi oqartussaasut, Namminersornerullutillu Oqartussat sinnerlugit sumiiffinni oqartussaasut tassaasut GTO, sumiiffinni GTO-p illuliortiternermit sinniissaannit inuttaqartinneqartoq. Tamatuma nalaani illuliortiternermit oqartussaaffik Kalaallit Nunaanni illuliortiternermit malittarisassat 1982-meersut, tassungalu atatillugu illuliortiternermit malittarisassanut Namminersornerullutik Oqartussanit najoqqutassarineqartut inner-suussutillu tunngavigalugit ingerlanneqalerpoq.

1980'kkut qiteqqunneranni Kalaallit Nunaanni inuiaqatigiinni ineriartornerup aammalu qitiumik sumiiffinnilu misilittakkat nassatarisaannik inatsisip 1977-miilli allangortinneqarsimanngitsup annertuumik allangortinneqarnissaa pisariaqartinneqalerpoq.

Taamaattumik 1986-imi Nunaminertat atorneqarnerat pilersaarusernerlu pillugit Inatsisartut peqqussutaat nr. 6, 19. december 1986-meersoq atuutilersinneqarpoq. Peqqussutikkut nunaminertanut oqartussaassuseq inatsisitigut maleruagassinneqarpoq, illoqarfiup nunaqarfiullu killeqarfianni nunaminertanut oqartussaaffik kommuninit isumagineqartussanngorlugu, nunaannarmilu nunaminertanut oqartussaaffik Naalakkersuisunit isumagineqartussanngorlugu. Taamatuttaaq aalajangersarneqarpoq illoqarfinni nunaqarfinnilu kiisalu nunaannarmi nunaminertanik atuinissat akuersissummik peqqaarluni pisinnaasut.

Peqqussummi 1986-meersumi siunertaasut ilagaat pilersaarusernermit suliassaqarfimmi aalajangiisinnaatitaaffiup sumiiffinnut siammartinneqarnissaanut suliap ingerlanera aallartinneqassasoq. Peqqussut naapertorlugu kommunalbestyrelsit kommunimut pilersaarusernermik

ingerlatsisinnaallutillu ingerlatsisussaapput, taamaattorli atuutilersinneqarnissaanut Naalakkersuisunit akuersissuteqaqqaartussaallutik. Peqqussummi sumiiffinnut pilersaarusiornermi maleruagassanik sukumiisunik aalajangersaanissamut aalajangiisinnaatitaaneq suliaqkiunneqarpoq. Taamaaliornikkut kommuninut pilersaarusiornerep kingusinnerusukkut aamma suliaqkiunneqarnissaa siunertaralugu aallarniutitut alloriartoqarnissaa peqqussummi siunertarinnerqarpoq.

Pilersaarusiornerni sukumiinerpaami, tassalu sumiiffinnut pilersaarusiornermi, kommunini nunaminertanik ataasiakkaanik atuinissamut malittarisassat sukumiisut pisussaaffiliisullu aalajangersagaasarput. Sumiiffinnut pilersaarusiorneq, kommunimut pilersaarusiornermut kommunalbestyrelsip kommunimi paasiuminarsakkamik siunissami nunaminertanut atuinissanut killissarititaasunik aalajangersaaffigisaanut, akerliusussaannqilaq.

2003-imi Naalakkersuisut KANUKOKA suleqatigalugu ataatsimiititaliamik, pisortat suliasaqarfiini suliaassanik isumaginninnissamut killissarititaasunik allannguuteqartitsinerni aalajangiinnissamut tunngavissiiisussamik misissueqqissaarnernik suliaqartitsisussamik pilersitsipput. Aaqqissuussaanermut Isumalioqatigiissitap "Pisortat suliasaqarfiinik aaqqissuusseqqinnissaq pillugu isumaliutissiisutaa" 2006-imi septembarimi tunniunneqarpoq.

2009-imi januaarip aallaqqaataani pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 15. december 2008-imeersoq atuutilerpoq. Tassunga kommunimut pilersaarusiorneq aamma nunaminertat atorneqarnerat pillugit Namminersorerullutik Oqartussat nalunaarutaat nr. 7, 26. februar 2009-imeersoq tapertaliunneqarpoq. Suliasaqarfimmi nutaamik maleruagassiornermi Aaqqissuussaanermut Isumalioqatigiissitap inassuteqaatai aallaavigineqarput, ilaatigut tamatuma kingunerisaanik kommunimut pilersaarutit aamma sumiiffinnut pilersaarutit siunissami ataatsimoortillugit pilersaarusiorneqartalerlutik, peqatigisaanillu pilersaarutit taakkua akuersissutigineqartarnissaannut oqartussaaneq Namminersorerullutik Oqartussanit kommuninut nuunneqarluni. Nunaannami nunaminertanut oqartussaaneq tamatuma saniatigut Namminersorerullutik Oqartussanit kommuninut nuunneqarpoq.

Namminersorerup 2009-imi juunip 21-ani eqqunneqarneranut atatillugu piginnaatitsissutitut inatsit siusinnerusukkut atuuttoq, Areaalit (nunaminertat/imartat) atorneqarnerat, illoqarfiit allilerneqarneri sanaartorfigineqarnerilu pillugit Kalaallit Nunaannut inatsit pillugu Inatsit nr. 612, 23. december 1980-imeersoq atorunnaarsinneqarpoq. Tamatuma peqatigisaanik Naalakkersuisut kommunillu pilersaarusioriaatsip nutaap atorneqarnerani misilittagaqaleqqaarput. Tamanna tunngavigalugu Naalakkersuisut inatsimmi arlalitsigut naleqqussaanissamut suliniuteqalerput, ilanngullugit inatsisip ataatsimoortunngortinnissaa. Tamanna kommuninit apeqquteqaatit inassuteqaatillu arlaqartut tunngavigalugit pivoq.

2. Inatsisissatut siunnersuutip imarisai pingaarnertit

Naalakkersuisut pilersaarusiornermut killissarititaasunik oqartussaasutut inissinneqarnissaat inatsisissatut siunnersuummi attatiinnarneqarpoq. Tamatumuuna Naalagaaffiup aamma Namminersorlutik Oqartussat kissaataat isumaallu najukkani aammalu qitiusumik pilersaarusiornermi ilanngunneqartarnissaat, peqatigisaanillu innuttaasunut pisussaaffiliisunik sukumiisunik maleruagassiarnerup najukkami pisarnissaa qularnaarneqassaaq. Taamaattumik siunnersuummi pingaarnertut anguniarneqarpoq, ullutsinnut tulluarnerusunik kommunimi qitiusumilu pilersaarusiornermut maleruagassaasinnaasunik sanaartorfissanik pilersaarusiornermut eqaatsumik inatsisitigut sinaakkutissat attatiinnarnissaat.

Peqatigisaanik kommunit kommuneqarfimmut tamarmut sanaartorfissanik pilersaarusiornisamat aalajangiisinnaatitaanerannut killissarititaasussanik aalajangersaaffiusumik inatsisitigut sinaakkusiisoqarnissaa siunertarineqarpoq. Inatsimmi taamaalilluni siunertarineqarpoq Namminersornerullutik Oqartussat oqartussaasuini, kommunalbestyrelsini aammalu pisortat suliassaqarfiinut pilersaarusiornermut oqartussaasuini pilersaarusiortartut akornanni suleqati-giinnerannut killissarititaasussanik aalajangersaaviussaaq. Innuttaasut pilersaarusiornermut sunniuteqaqataasinnaanerat tunngavissatut pingaaruteqartutut atuutsiinnarneqassaaq.

Inatsisartut inatsisaannut peqqussutip nalunaarutillu ataatsimut allanneqarnerat

Inatsisip atuuttup suliarineqarneranut atatillugu aalajangersakkat suleriaatsinut tunngasut peqqussutit suliaralugit, aammalu pilersaarutip imassai nalunaarutit suliaralugit inatsisip agguarneqarnissaa anguniarneqarsimavoq.

Kisiannili Naalackersuisoqarfiup paasinninnera malillugu nalunaarusiap imaa tamanut male-ruagassiuiffiuvoq. Taamaattumik nalunaarutip imaa inatsisilerinermut teknikki eqqarsaatigalugu peqqussutit aalajangersarneqartariaqarpoq. Suleriaatsit imassallu akornanni agguaanis-saq suliap ingerlanerani ajornakusoorsimavoq, taamaattumillu aalajangiussamik atuuttusanngortinneqarsinnaanani. Tamanna pissutigalugu kommunit tungaanniit nalunaarutigineqarpoq, paasiuminassusissaq eqqarsaatigalugu pilersaarusiortarnermut inatsimmik ataatsimut allata-mik peqalernissaq orniginarnerusoq. Taamaattumik nunaminertanik atuinermut peqqussutip aamma nunaminertanik atuinermut nalunaarutip pilersaarusiortarneq nunaminertanillu atuneq pillugit Inatsisartut inatsisaannut ataatsimoortillugit allanneqarnissaat inassutigineqarpoq.

Nunami ammaannartumi sumiiffiit assigiinnigitsut immikkoortiterneqarneri

Inatsimmi pioreersumi illoqarfinni nunaqarfinnilu sumiiffiit arlallit immikkoortunut, soorlu inissiaqarfinnut, inuussutissarsiutinik ingerlataqarfinnut umiarsualiveqarfinnullu agguarne-qarnissaat aalajangersarneqarpoq. Nunami ammaannartumi pilersaarusiortarnermi nunaminertanillu atugassii-sarnermi oqartussaaffiup kommuninut tunniunneqannginnerani, nutaatut nuna-ammaannartup taamatut agguarneqartalernissaa naleqquttutut isumaqarfigineqarpoq.

Nunaminertanik atugassii-sarnermi akitsuutinik atuutsitsilernissaq

Kommunit pilersaarusiortarnerat tunngaviusumik kommuninut ataatsimoorussamik aningaasaliissutit aqputigalugit aningaasalersorneqartutut isigineqarsinnaasoq, aammalu nunami ammaannartumi pilersaarusiortarnermik oqartussaaffiup tunniunneqarnerani kommunip suliassa-qarfimmi suliai annertusilaarsinnaasutut naatsorsuutigineqarsinnaasoq maluginiarneqarpoq. Kommunini aqqissuusseqqinnermut atatillugu kommunini pilersaarusiortarnermut oqartussaasut eqiterutsinneqarsimanerannik paasisaqarneq, taamatut isummernermut tunngavigineqarpoq.

Tamatuma peqatigisaanik kommunit suliassaqarfinni allani suliassanik inatsisinik tunngaveqartunik suliassaqartut, aammalu nunaminertanik ingerlatsinerup isumagineqarnissaanut aningaasaliissutit ikittuinnaasimasut maluginiarneqarpoq. Taamaattumik ataatsimoorussamik tapiissutit ikilisinneqarnissaannik siunnersuuteqarnermut atatillugu nunaminertanik atugassii-sarnermi suliassanik suliaqartarnermut akitsuusiinikkut atuisunik akiliisitsisalersinnaaneq siunnersuutigineqarpoq. Kommunip nunaminertanik atugassinneqarnissamik qinnuteqaatinik suliaqartarnerani inuit tamat sullinneqarneq ajorput, taamaallaalli qinnuteqartut sanatitsisul-luunniit ataasiakkaat immikkut sullinneqartarlutik. Tamatumunnga atatillugu kommunimi pilersaarusiornerep nalinginnaasup kommuninut ataatsimoorussamik tapiissutit aqputigalugit aningaasalersorneqarnerata ingerlaannarnissaa naatsorsuutigineqarpoq.

Erseqqissaatigineqassaaq, matumani nunamut nammineerluni pigisaqarnissamut pisinnaati-taaffiup atuutisneqalernissaa pineqanngimmat, kisiannili akitsuut kommunit nunaminertamik atugassinneqarnissamik qinnuteqaatinik suliaqarnerannut taarsiissutaasussaq pineqarmat.

Pilersaarusiortarnermut nunaminertanillu atugassiisarnermut maalaaruteqartarfik pillugu aalajangersakkat avinneqarnissaat

Siunnersuutip atuutilereratigut peqqussut naapertorlugu aalajangiinernut maalaarutininik suliaqartarnermut maalaaruteqartarfiup immikkoortup pigineqaannarnissaa anguneqassaaq. Aalajangersakkami tassani inatsisiliortut inatsisinillu atuutsitsisut akornanni ersarissumik avis-saartitsinissaq siunertarineqarpoq. Aaqqissuussineq maanna atuuttoq, maalaarutininik Naalak-kersuisunut tunniussisinnaaffiusoq eqqarsaatigalugu, maalaaruteqartarfiup pigiinnarneqarne-ratigut innuttaasut inatsisitigut isumannaassusiat nukittorsarneqassaaq.

Nunaminertanik atuinermit peqqussutip atuuttup suliarineqarneranut atatillugu Inatsisartut Attaveqarnermut Ineqarnermullu Ataatsimiititaliarisimasaata qinnutigaa, pilersaarusiortar-nermut nunaminertanillu atugassiisarnermut maalaaruteqartarfimmut aalajangersakkat peq-qussummi ersarissarneqassasut. Ataatsimiititaliap tungaaniit maalaaruteqartarfiup katitigaane-ra peqqussummi aalajangersarneqassasooq aalajangersimasumik kissaatigaa. Taamatuttaaq maalaaruteqartarfiup qanoq iliorluni sulianut attuumassuteqannginnissaata qulakkeerneqarnis-saa allassimassasooq kissaatigineqarpoq.

Tamatuma kingorna taamani Naalakkersuisuusut allannguutissatut siunnersuut suliaaraat, taan-nalu siunnersuutip Inatsisartuni pingajussaanneerneqarneranut atatillugu peqqussummut ilan-ngunneqarpoq.

Taamaalilluni siunissami pilersaarusiortarnermut nunaminertanillu atugassiisarnermut maa-laaruteqartarfiup katitigaanissaa peqqussummi aalajangersimasorujussuarmik aalajangersar-neqarpoq. Maalaaruteqartarfiup, assigiinngitsunit katitigaasup, aammalu maalaarutininik sulia-qartarnermi tunngavilersorluakkamik isumagisaqarnissamut piginnaaneqartup qulakkeerne-qarnissaa aalajangersakkami siunertarineqarpoq. Kisiannili pilersaarusiortarnermut nunami-nertanillu atugassiisarnermut maalaaruteqartarfiup maalaaruteqartarfimmut allanut, soorlu ava-tangiisinut maalaaruteqartarfimmut ineqarnermullu maalaaruteqartarfimmut kattunneqarnis-saa aalajangersakkami mattunneqarpoq. Taamaattumik pilersaarusiortarnermut nunaminerta-nillu atugassiisarnermut maalaaruteqartarfiup katitigaanerata iluarsineqarsinnaanera, pilersaa-rusiortarnermut nunaminertanillu atugassiisarnermut maalaaruteqartarfiup katitigaaneranut suliaanullu aalajangersakkat sukumiisut aalajangersarneqarnissaannut atatillugu misissorne-qartariaqarput.

Pineqaatissiiinnaanermut ikaarsaarnissamullu aalajangersakkanik erseqqissaaneq

Nunaminertanik atugassiisarnermut peqqussut atuuttoq naapertorlugu kommunip maleruagas-sat malinneqarnerisut nakkutigisussaavaa. Unioqutitsisoqartoq kommunimit malugineqarpat, unioqutitsinerup iluarsineqarnissaanut peqqusissalluni kommuni pisussaaffeqarpoq. Peqqusi-sinnaanermulli pisinnaatitaaffik taanna taamaallaat peqqussummi pineqaatissiiinnaanermut aalajangersakkani immikkut allassimavoq. Peqqussuteqarneq innuttaasunut ataasiakkaanut iliuusiummat annertoq, kommunit peqqussuteqarsinnaaneranut tunngavissamik erseqqinne-rusumik suliaqartoqassasooq siunnersuutigineqarpoq.

Aammattaaq kommunimi pilersaarummi inatsisitigut sunniutaagallarsinnaasut inaarutaasumilu sunniutaasinnaasut unioqqutinneqarnerat akiliisitsinermik kinguneqarsinnaasoq, pineqaatis-siisinaanermut aalajangersakkani allanneqarnissaa siunnersuutigineqarpoq.

Kiisalu najukkani pilersaarutit pioreersut, aalajangersakkanit nassuiaasersukkanit taarserneqarnissamik tungaanut atuutiinnarnissaat siunnersuutigineqarpoq.

Inatsisissatut siunnersuummi sumiiffik aalajangersimasoq taaneqanngilaq. Nalinginnaasumik maleruagassat naaportorlugit illuatungiliisunik malitassaqartinnagu Kalaallit Nunaata nuna-taanut imartaanullu inatsisit atuutissapput. Nunavimmut tunngavik pillugu inatsimmi § 6 naa-pertorlugu Kalaallit Nunaata nunavimmut tunngavianut atasortaani sanaartornernut inatsisissatut siunnersuut aammattaaq atuutissaaq.

Namminersorlutik Oqartussanut atatillugu pissutsit assigiinngitsut pillugit inatsit nr. 474, 12. Juni 2009-meersoq naaportorlugu sumiiffinnut atortulersuutinullu, sakkutooqarnermi siunertanut iluaqutigineqartunut nunaminertanik atugassiisarnerit naalagaaffimmi oqartussaasut Namminersorlutik Oqartussanut isumaqatiginninniareernerimikkut nalunaarutigisussaavaat. Tassalu sumiiffiit atortulersuutillu, sakkutooqarnermi siunertanut iluaqutigineqartut inatsimmut matumunnga ilaatinneqanngillat.

3. Pisortanut aningaasaqarnikkut allaffissornikkullu sunniutissat

Kommuninut aningaasaqarnikkut allaffissornikkullu sunniutissat

Naalackersuisoqarfiup isumaa malillugu kommunimi pilersaarusiortnermi allaffissornikkut nammagassat allannguuteqarnerinik inatsisissatut siunnersuut kinguneqassanngilaq. Kommunimi pilersaarutit suliarineqarnerinut isumalluutit pisariaqartinneqartut, ullumikkut kommunimi pilersaarutit pingaernerit aamma nassuiaasersukkanik maleruagassiornerit suliarineqartarnerinut aningaasaliissutaasarsimasinnaasut assigiinnassagaat naatsorsuutigineqarpoq. Tassalu kommunimi pilersaarusiortarnerit suli kommunimi ataatsimoorussamik tapiissutit aqputigalugit aningaasalersorneqartarnissaat naatsorsuutigineqarpoq, tassani suliassat tunngaviummik pi-sortani suliassanut tamarmiusunut ilaasutut isigineqarmata.

Pilersaarusiortarnerup allanngortinneqarnera, pilersaarusiortarneq nunaminertanillu atuneq pillugu Inatsisartut peqqussutaatigut nr. 11-kkut, 5. December 2008-meersukku atuutsinneqalersoq kommunimi iluarsaaqqinnerup kingorna kommunit pilersaarusiortnermi oqartussaasuisa suliannik tamarmiusunut pitsannguiffiusutut misigisaqarfiusimassasoq suli naatsorsuutigineqarpoq. Tamanna kommunimi pilersaarusiortarnermi oqartussaasut qitiusumik katersorneqarnerisigut aamma/imaluunniit pilersaarusiortarnermi sakkussanik nalinginnaasunnorsaanikkut digitaliseerinikkullu najukkani pilersaarusiortarnerup tamarmiusup nukittorsarneratigut pivooq. Pilersaarusiortarnermut iserfissiap NunaGIS-ip, nunaminertani taaneqartuni pilersaarusiortarnermut tunngaviummik atuuttunik paasiuminarnerulersitsisussap pilersinneqarnerata saniatigut, nunami sumiiffinnut paasissutissiisarfiup elektroniskiusup, sumiiffiit ilaasa atornerqarler-nissaannut nunallu assinginut ilassutaasunut nalunaarsorneqartalernissaannut periarfissiisus-sap atuutsinneqalernissaa Ineqarnermut, Attaveqarnermut Angallannermullu Naalackersuisoqarfiup naatsorsuutigaa. Suliniutissat taakku nuna tamakkerlugu pilersaarusiortarnermut konto ("2010-mut Aningaasanut Inatsit"-mi konto 70.01.01 "Nuna tamakkerlugu pilersaarusiortar-neq") aqputigalugu aningaasalersorneqarnissaat naatsorsuutigineqarpoq.

Pilersaarusiortarnermut nunaminertanillu atuinermut Inatsisartut peqqussutaannut nr. 11-mut, 5. December 2008-meersumut nassuiaatini takuneqarsinnaasutut, nunaminertanik atugassiis-arnermut oqartussaaffiup, tassungalu ilanngullugu nunami ammaannartumi nakkutilliisussaa-

titaanerup nuunneqarneranut atatillugu kommunini isumalluutitigut pisariaqartitat amerlinissaat naatsorsuutigineqarpoq. Taamatut pisoqarnissaanut aningaasaliisoqanngilaq. Kisiannili Namminersornerullutik Oqartussat aamma kommunit akunnerminni ataatsimoorussamik tapiissutit pillugit isumaqatiginninniarnissaannut, ataatsimoorussamik tapiissutit amerlineqarnissaannut apeqqutip ilaatinneqarnissaa siunniunneqarpoq.

Taamatut isummerneq kommuninut ataatsimoorussamik tapiissutit annertunerusumik sipaaruteqarfigineqarnissaannik Naalakkersuisut nalunaaruteqarneranut atatillugu iluarsineqarpoq. Kisiannili siunnersuummi matumani kommunini nunaminertanik ingerlatsinerup aningaasalersorneqarnerata ingerlaannarnissaanik qulakkeerisussanik atuisunik akiliisitsisalernissaaq siunnerfigineqarpoq.

Nunami ammaannartumi pilersaarusiornissamat nunaminertanillu atugassiisarnissamat oqartussaaffiup nuunneqarnerata kingunerisaanik, pisussaaffiit pilersaarusiortarnermut inatsimmi maleruagassat avataanniittut kommuninut suliaqartigineqassanngillat. Nunami ammaannartumi nunaminertanik ingerlatsinermi oqartussaaffik kommuninut tiguqaraluartoq, inatsissatut siunnersuummi sumiiffinni mingutsinneqareersimasuni salisussaataaneq Namminersorlulit Oqartussanit imaluunniit kommuninut isumagineqartussaannersoq pillugu apeqqut kallarneqanngilaq. Pilersaarusiortarnermut inatsimmi taamaallaat sumiiffiit annertumik mingutsinneqarsimasut tikkuarneqarnissaat periarfissinneqarpoq, kiisalu nunaminertanik atugasiiarnermut atatillugu salisussaataaneermut pisussaaffiit aalajangersarneqarnissaannut tunngaviliisoqarluni. Taamatut pisoqassappat kinaunami ammaannartumi nunaminertanik mingutsinneqarsimasunik salisussaataaassannersoq avatangiisinut inatsimmi aalajangersarneqarsimavoq.

Namminersorlulit Oqartussanut aningaasatigut allaffissornikkullu kingunerisassat

Nunap karsianut aningaasatigut kingunerisassat eqqarsaatigalugit nuna tamakkerlugu pilersaarusiortarnermut tunngasortaa, tassalu suliaqartigineqarpoq pilersaarusiortarnerit assigiinngitsut eqqarsaatigalugit, maannamut missingersuutit iluaniinnissaat naatsorsuutigineqarpoq, nuna tamakkerlugu pilersaarusiortarnermut kontomit (“2010-mut Inatsisartut aningaasanut inatsisaat”-ni konto 70.01.01 “Nuna tamakkerlugu pilersaarusiortarnermut”), kiisalu pilersaarusiortarnermut inatsinik aqqissuusseqqinnikkut inuit ukiumut suliarisinnaasaasa naatsorsornerisa ilanngunneqartarunnaarnerisigut aningaasalersorneqarlutik. Taamatuttaaq naatsorsuutigineqarpoq Pilersaarusiortarnermut nunaminertanullu naammagittaalliuuteqartarfiup pilersinneqarnera aningaasaliissutaareersut iluanni aningaasalersorneqarsinnaassasoq, tassani naatsorsuutigineqarpoq inuit ukiup affaani suliarisinnaasaattut annertussusilimmik aningaasartaliinikkut tassunga nuunneqarsinnaassasut.

Nunaminertanik atugassiisarnermut atatillugu sulianik suliaqartarnermut akitsuutip atuutinneqalerneratigut, Namminersorlulit Oqartussat sanatitsisutut inissisimatillugit akitsuutip taamaattup akilersinneqartarnissaa naatsorsuutigineqarpoq. Tamatumunnga atatillugu suliaqartarneranut atatillugu kommunip aningaasartuutiviisa kisimik akitsuutit matussuserneqartarnissaat erseqqissarneqarpoq. Naliliineq malillugu nunaminertanik atugassiisarnermi sulianik suliaqartarnermut akitsuutit nunap karsianut allannguuteqartitsinaviannngillat, akitsuutit sanaartukkanut aningaasartuutitut tamarmiusunut isumaqarnissaat naatsorsuutigineqanngimmat.

Naammagittaalliuutinut suliarinninneq ullumikkut Ineqarnermut, Attaveqarnermut Angallanermullu Naalakkersuisoqarfiup kontoanit pingaarnermut aningaasalersorneqartarpoq (konto 70.01.01). Missiliorneqarpoq naammagittaalliuutinik suliarinninnermut ukiup affaani sulisoq

ataaseq Ineqarnermut, Attaveqarnermut Angallannermullu Naalakkersuisoqarfiup ukiut tamaasa atortaraa. Suliassap taassuma naammassinissaanut ukiut tamaasa 200.000 koruunit aningaasartuutigineqartartut missiliorneqarpoq. Tamatuma saniatigut pilersaarusiornermut nunaminertanullu naammagittaalliuuteqartarfimmi ilaasortanut ukiumut 50.000 koruunit missingersuusiarineqarput. Tassunga atatillugu misissoqqissaarneqartariaqaraluarpoq pilersaarusiornermut nunaminertanullu naammagittaalliuuteqartarfik naammagittaalliuuteqartarfimmut allanut, assersuutigalugu Pinngortitaq pillugu naammagittaalliuuteqartarfimmut, Ineqarneq pillugu naammagittaalliuuteqartarfimmut imaluunniit Avatangiisit pillugit naammagittaalliuuteqartarfimmut kattutsinneqarsinnaassanersoq.

Pilersaarusiornermut nunaminertanullu naammagittaalliuuteqartarfiup suliassaasa naalakkersuinermit tunngasut isumagineqarnissaat, maannakkut missingersuutini aningaasaliissutinut killiliussat iluanni kontomit pingaarnermut 70.01.01-imit aningaasaliissutit taamaaqataannik nuussinikkut aningaasalersorneqassaaq.

4. Inuussutissarsiornermut il.il. aningaasatigut allaffissornikkullu kingunerisassat.

Siunnersuutip atuutilernerani siunnersuummi § 36 malillugu nunaminertamik atugassinneqarnissamut qinnuteqarnermut atatillugu suliarinninnermut akiliuteqartitsisarnissaq atuutilissaaq. Suliarinninnermut akiliutissaq sanaartugassanut aningaasartuutissanut tamakkiisunut naleqquillugu isigisariaqarmat, tamanna suliassatigut sunniuteqassagatinneqanngilaq.

Naatsorsuutigineqarpoq Inatsisartut peqqussutaat atuuttoq aammalu inatsisissatut siunnersuut manna malillugit kommunimut pilersaarusiorneq ataatsimut isigalugu kommuninut pilersaarutit aamma kommuninut pilersaarutinut tapiliussat suliarineqarnerinut piffissaq annikillissasoq.

Tamatumunnga pissutaavoq suliassat taakku siunissami Naalakkersuisunit akuerineqartarnissaat piumasaqaataajunnaartussaammat.

Tamanna illuliortiternerup aallartinnissaanut pingaaruteqarpoq. Illuliortiternerit sanaartorerillu aatsaat sumiiffimmut pilersaarummut atuuttumut naapertuuttumik nunaminertamik atuinissamik akuersissummik tunniussisoqarsimappat aallartinneqarsinnaapput. 2009-imi januaarip aallaqqaataa tikillugu akuttunngitsumik nalaanneqartarpoq, kommunalbestyrelsi sumiiffimmut pineqartumut nutaamik illoqarfiup ilaanut pilersaarummik aamma kommunimut pilersaarummut tapiliussamik suliaqartariaqartartoq. Taamaattoqarsimatillugu illoqarfiup ilaanut pilersaarutissatut siunnersuut utaqqiisaasumik inatsisitigut sunniuteqartinneqarsinnaasannigilaq, pissutigalugu tamatumuuna siullermik kommunalbestyrelsimiit Naalakkersuisut akuersisuteqarnissaat sioqqunneqartussaassammat. Tamatuma kingunerisaanik illoqarfiup ilaanut pilersaarut akuttunngitsumik utaqqiisaasumik inatsisitigut sunniuteqartinneqarsinnaasarsimannigilaq aammalu sanaartornermi Naalakkersuisut kommunimut pilersaarummut tapiliussamik akuersissuteqarnissaat utaqqineqartariaqartarsimalluni.

Inatsisissatut siunnersuummi Inatsisartut peqqussutaanni nr. 11, 15. december 2008-imeersumi aqqissuussineq, kommunimut pilersaarutit Naalakkersuisunit akuersissutigineqartannginnissaannut tunngasoq attatiinnarneqarpoq. Aammattaaq kommunimut pilersaarutissatut aamma kommunimut pilersaarummut tapiliussassatut siunnersuutit utaqqiisaasumik inatsisitigut sunniuteqartinneqarsinnaalissapput. Tamanna tunngavigalugu naatsorsuutigineqartariaqarpoq siornatigornit illuliortiternerit sanaartorerillu ataatsimut isigalugu piaarnerusumik aallartinneqarsinnaalissasut.

5. Avatangiisinut pinngortitamullu kingunerisassat

Peqqussutissatut siunnersuut avatangiisinut pinngortitamullu sunniuteqassagatinneqanngilaq.

Peqqussutissatut siunnersuut nunaminertanik atuinissamut imminermini pinngortitamut imaluunniit avatangiisinut tunngasunik killilersuinernik imaqanngilaq. Nuna tamakkerlugu pilersaarusionerq taamatullu kommunimi pilersaarusionerq killilersuinernik assigiinngitsunik imaqartassagaluartut, taakkua suliaasaqarfinnut inatsisini inatsisitigut maleruagassaqartinneqarput. Assersuutigalugu immikkut mingutsitsisumik suliaqarnissamut aalajangersakkat, avatangiisit illersorneqarnissaat pillugu inatsimmi inatsisitigut maleruagassaqartinneqarpoq.

Nunaannarmi nunaminertanut pilersaarusionermullu aalajangiisinnaatitaanerup Naalakkersuisut kommuninut tunniunneqarnerani, nunaminertat atorneqarneranni atuinermi pissusiviusunik annertunerusumik allannguuteqartoqarnissaa naatsorsuutigineqanngilaq. Taamaalluni peqqussutissatut siunnersuutip, pingaartumik pilersaarutitik nunaminertanillu aqutsinerup ingerlanneqarneranut sunniuteqarnissaa, kisiannili taassuma piviusunngortinneqarnerani sunniuteqannginnissaa naatsorsuutigineqarpoq.

6. Innuttaasunut allaffissornikkut kingunerisassat

Naatsorsuutigineqarpoq siunnersuummi matumani innuttaasut pilersaarummut oqalliseqataannissamut akuutinneqarnissaasa allannguuteqannginnissaa qulakkeerneqartoq.

Qanittumi inissisimanissamik tunngaviusumut naapertuuttumik, peqqussutissatut siunnersuutip atuutilerneratigut, aalajangiinerit innuttaasumut tunngassuteqartut amerlanerusut, sapinngitsamik innuttaasunut ataasiakkaanut qaninnerusumiittumi isummerfigineqartassapput. Tamanna atuutissaaq kommunimut pilersaarutit akuersissutigineqarnerannut atatillugu taamatullu nunaannarmi nunaminertanik atugassiinerit pillugit aalajangiinernut atatillugu.

Naatsorsuutigineqarpoq innuttaasut aqutsinermut akerliliissuteqarnissaannut periarfissaat ataatsimut isigalugu pitsaanerulissasoq. Nunaannarmi nunaminertanik atugassiinerit pillugit aalajangiinernut naammagittaalliutit, maannamut allaffissornikkut oqartussanut allanut naammagittaalliuutigineqarsinnaasimangillat. Tamatumunnga pissutaavoq siusinnerusukku Naalakkersuisut illoqarfiit nunaqarfiillu killeqarfiisa avataanni nunaminertanut oqartussaasuumammata. Pilersaarusionermut nunaminertanullu naammagittaalliuuteqartarfiup pilersin-neqarneratigut naammagittaalliorfissamik taamaattumik peqalissaaq.

7. Naalagaaffeqatigiinnermut namminersornermullu tunngatillugu

Peqqussutissatut siunnersuut Naalagaaffeqatigiinnermut sunniuteqassagatinneqanngilaq.

8. Oqartussaasut kattuffiillu il.il. tusarniaavigineqarnerat

Peqqussummut siunnersuut piffissami xx.xx.2009-miit xx.xx 20xx-mut ukununnga tusarniaassutigineqarpoq: Rigsombudi, Statens Lufthavnsvæsen, Farvandsvæsenet, Aningaasaqarnermut Nunanullu allanut Naalakkersuisoqarfik, Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoqarfik, Ilaqutariinnermut Peqqissutsimullu Naalakkersuisoqarfik, Inuussutissarsiornermut Suliffeqarnermullu Naalakkersuisoqarfik, Nunamut Namminermut, Pinngortitamut Avatangiisinullu Naalakkersuisoqarfik, Ineqarnermut, Attaveqarnermut Angallannermullu Naalakkersuisoqarfik (Sanaartornermut oqartussaasut), Aalisarnermut, Piniarnermut Nunalerinermullu Naalakkersuisoqarfik, Naalakkersuisut siulittaasuata Naalakkersuisoqarfia, Aatsitassanut Ikummatissanullu Pisortaqarfik, KANUKOKA, kommunit, Nukissiorfiit, Royal Arctic Line A/S, Tele-Post, Mittarfeqarfiit, ASIAQ, Pinngortitalerifik, Nunatta Katersugaasivia Allagaateqarfialu, Kalaallit Nunaanni politimesteri, Niels Benetzens Tegnestue, Tegnestuen Nuuk, Masanti A/A, Niras Greenland A/S, Cowi A/S.

Allanngortiterineq

Allangortiterinermut pissutaasoq pingaarneq tassaavoq Naalackersuisoqarfimmit Namminersornerullutik Oqartussani maleruagassanik suliaqarnermut malittarisassat, juni 2004-imeersut, eqqumaffigineqaqqusimmata, taakkua malillugit nalunaarutit aallaaviatigut aalajangersakkanik innuttaasunut saaffiginnittunik taamaallaat imaqartussaammata. Tamanna peqqussutissatut siunnersuummi aalajangersakkanik suliaqarnermi malinneqarsimanngitsoq nalilerneqarpoq.

Peqqussutissatut siunnersuummi aalajangersakkat amerlanersaat imarisamikkut aalajangersakkanik ullumikkut nunaminertanut peqqussummi aamma nalunaarummi atuuttumi aalajangersagaasunik ingerlatitseqqinnerupput.

Tusarniaaneq makkuninnga allannguuteqartitsinissamik pissutissaqalersitsivoq:

Aalajangersakkanut ataasiakkaanut nassuiaatit

§ 1-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 1-imik ingerlatitseqqiineruvoq. Aalajangersakkami Inatsisartut inatsisaata nalinginnaasumik siunertaa, sumiiffinni sanaartorfigineqarsimasuni (illoqarfiit nunaqarfiillu) nunaannarmilu, pilersaarusionikkut nunaminertanillu atuinermut maleruagassiinikkut qularnaarneqartussaq pineqarpoq. Taamaalilluni siunertaasup suliassaqarfimmi inatsisip maannakkut atuuttup siunertaata pingaarnepup assigaa, aalajangersarneqarlunilu nunaminertanut atuinissamut aalajangersakkat inuiaqatigiit eqqarsaatigalugit ataatsimut tamakkiisumik naliliinikkut pisarnissaa piumasaqaataasoq.

Inuiaqatigiit eqqarsaatigalugit tamakkiisumik naliliineq aallaavigalugu nunap nunaminertaasa atorneqarnerat pisassasoq, aalajangersakkami pkt. 1-imiit 5-imut eqqarsaatigineqartussat taaneqartut isumagineqarnerisigut naammassineqartutut isigineqarpoq.

1) Ukiuni makkunani kalaallit inuiaqatigiit suliffissuaqarnermut annertusiartortumut ineriartortitsivigineqarput, pisuussutinillu uummaatsunik piiaanissanut suliniutit amerliartuinnarput. Ineriartornerup tamatuma qanoq isikkoqarnissaanut qanorlu annertutiginissaanut aalajangiinissami pinngortitap illersorneqarnissaa, uummasut naasullu taamatullu nunap isikkua eqqarsaatigalugu piorsarsimassutsimullu tunngatillugu naleqartitat illersorneqarnissaannik qulakkeerisussaq pingaartinneqassaaq.

2) Tassunga atatillugu nunaminertat illoqarfittut imaluunniit nunaqarfittut isikkoqalersillugit illuliorfigineqartussat immikkoortitanut, sanaartukkanut inunnit pilersinneqartunut immikkoortitanut, nunallu sinnerani nunap ilaani qangatuut inuussutissarsiornermut, mernguersarnermut, ilisimatusarnermut pinngortitallu allanngutsaaliornissaanut atorneqaannartussat immikkoortitanut, naapertuuttumik agguataarneqarnissaat pingaaruteqarpoq.

3) Pilersaarusionerq naapertuuttumik nunap nunaminertaasa atorneqarnissaat, pingaartinneqartussat taaneqartut isumagineqarnissaannut qularnaarinissamut sakkussaavoq pingaarutilik. Pilersaarusionerq taanna suliarineqassaaq, inuussutissarsiornerup ineriartortinneqarnerata siuarsarneqarnissaanut pisariaqartitat atugarissaarluni inuuniarnermut tunngaviusut eqqarsaatigalugit. Peqatigisaanik inooqatigiinnermi avatangiisitigullu eqqarsaatigisassat isumagineqassapput taamaalillunilu inuiaqatigiinni tulluurtumik ineriartortitsinissamut periarfissaqalissaaq.

Tassunga tunngatillugu oqaaseqatigiit “inooqatigiinnermi avatangiisitigullu eqqarsaatigisassat” siamasissumik paasineqassapput, taamaalillunilu assersuutigalugu aamma pinngortitami immikkut soqutiginaatilinnik aammalu illunik piorsarsimassutsikkut naleqartitanik allanngutsaaliuinissaq tassani pineqarpoq.

4) Kalaallit Nunaanni pilersaarutit pillugit inatsisini maannamut atuuttuni innuttaasut nunaminertat qanoq pilersaarusionerfigineqarnissaannut sunniuteqaqataasinnaannissaat pingaartinneqarsimavoq. Tunngaviusup taassuma atuutiinnarnissaa kissaatigineqartoq, najukkani sunniuteqaqataasinnaanerup ataqqineqarnissaata peqqussutissatut siunnersuutip siunertaani takuneqarsinnaaneratigut naqissuserneqarpoq. Pilersaarusionerup ingerlanerani innuttaasut peqataatinneqarnissaat pingaaruteqarluinnartutut isigineqartariaqarpoq. Pilersaarusionerup ingerlane-

rani innuttaasut piviusumik peqataatinneqarnerat kikkut tamarmik oqartussaaqataasut sunniuteqaqataanissamik periarfissaannik nukittorsaaginnangilaq; innuttaasut najukkaminni sukumiisumik ilisimasaqarnerat pissutigalugu, peqataatitsineq taamatuttaaq pitsaassutsikkut pitsaanusumik pilersaarusiornissamut aqqutissatut isigineqartariaqarpoq.

5) Sanaartorfissanik pilersaarusiornierup inernerisa ilaannik annertuunik piviusunngortitsinisamat, pisariaqartunik aningaasassaqaarneq imaluunniit aningaasassaqaalersinnaaneq pisariaqarpoq. Taamaattumik sanaartorfissanik aningaasatigullu pilersaarusiorniermut ataqatigiis-saakkamut killiliussat iluanni nunaminertanik atugassiinissanik aalajangiisarnissaq pisariaqartumik ataqineqartussaavoq.

§ 2-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 2-imut assinguvoq.

Aalajangersakkami Naalackersuisut nunami pilersaarusiorniermut soqutiginaatilinnik isumaginnittumik pilersaarusiortoqarnissaanik ataatsimut isigalugu akisussaasuusut aalajangersarneqarpoq. Peqqussutissatut siunnersuut sanaartorfissanik pilersaarusiorniermut Inatsisartut peqqussutaattut eqikkakkatut iluseqarmat, tamatuma kingunerisaanik Namminersorlutik Oqartussani suliaasaqarfinnut oqartussaasut assigiinngitsut pilersaarusiornissamik pisussaaffeqarput. Pilersaarusiornissamut pisussaaffeqarnerup taassuma nassatarisaanik pissutsit nunamut namminiermut soqutiginaatillit, nunaminertat atorneqarnissaannik aalajangiiffigineqartariaqartut imaluunniit killilersuiffigineqartariaqartut isumaginarlugit, suliaasaqarfimmuut oqartussaasut ataasiakkaat nunaminertat pineqartut killilerneqarnerinut kiisalu nunaminertamut pineqartumut aalajangiussineq qanoq malitseqassanersoq pillugu nassuiaanissamut pisussaaffeqarput. Assersuutigalugu tassani pineqarsimasinnaapput siunissami illuliornermik imaluunniit sanaartornermik suliaasanut, qaartartuusivinnut, timmisartunut suluusalinnut mittarfinnut, imermik pissamaateqarfittut immikkoortitani imaluunniit nalunaarasuartaateqarnermut atortunut sumiiffinni immikkut ittumik killeqarfeqartinneqartussanut atatillugu nunaminertanik inniminniinerit.

Oqaatsimi "nuna tamakkerlugu pilersaarusiorniermi soqutigisat" politikikkut anguniakkat pingarnerit ilaatinneqarput, tassalu assersuutigalugu umiarsualiviit, mittarfiit inissialluunniit annertusaaffigineqarnissaannut naalackersuinikkut suliniutissatut Naalackersuisut nalunaartigisaannut, inuussutissarsiornermi politikkimut aalajangersimasumut, attaveqarnermi ilusiliinissamik imaluunniit pinngortitami illersuinissamut politikikkut il.il. aalajangersimasumik kissaateqarnermut atatillugu. Aamma nuna tamakkerlugu pilersaarusiortarnermi soqutigisat aamma nunaminertanik, immikkoortunut oqartussaasunit inatsiliarineqartuni, nunat tamat akornanni isumaqatigiissutini il.il. aalajangersarneqarsimasunik atugassiinerpiaat pineqartarput. Taamaattumik nuna tamakkerlugu soqutigisat tunngavigineqaraluartut, ilaatigut Naalackersuisut tungaanniit sulianut aalajangersimasunut naliliinissamut piginnittut/sanatitsisut il.il. kiisaa eqqarsaatigalugit nunap iluani pingaaruteqartinneqartut tunngavigineqartariaqarput.

Tamatununga pissutaavoq Namminersorlutik Oqartussani oqartussat assigiinngitsut suliaasaqarfinnut pilersaarusiornierat ataatsimut katillugu sanaartorfissanik pilersaarusiorniermi nuna tamakkerlugu pilersaarusiorniermut tunngatillugu soqutiginaateqarmat. Taakkua kommunimi pilersaarusiorniermut sinaakkutissaapput. Namminersornerullutik Oqartussani oqartussaasoq nunaminertanut atugassiissutaasunut pilersaarusiunngippat, tassani taamaalilluni kommunit siunissamut sanaartorfissanik pilersaarusiornissamut periarfissaarutsinneqassaaq, tak. § 1.

Taamaattumik Naalakkersuisuni sanaartorfissanik pilersaarusionermut suliassa qarfimmi oqartussaasoq maannakkutut Naalagaaffiup aamma Naalakkersuisut suliassa qarfiit sinnerinut oqartussaasui suleqatigalugit, peqqussummi aalajangersakkanik aqutsisuusaaq.

§ 3-imut

Aalajangersagaq piginnaatitsisumik aalajangersagaavoq aammalu pilersaarusionerq aamma nunaminerta atorneqartarnerat pillugit Inatsisartut peqqussutaat nr. 11, 5. december 2008-imeersumi § 3-imik ingerlatitseqqinnerulluni.

Aalajangersagaq tassunga assingusoq atorneqarpoq, nunaminertat atorneqartarnerat pilersaarusionerfigineqartarnerallu pillugit Namminersornerullutik Oqartussat nalunaarutaata nr. 23-ip 18. november 1992-imeersup, nunaminertat atorneqartarnerat pilersaarusionerfigineqartarnerallu pillugit Namminersornerullutik Oqartussat nalunaarutaata nr. 23, 18. november 1992-imeersup allanngortinneqarneranik Namminersornerullutik Oqartussat nalunaarutaata nr. 39, 20. september 1994-imeersup, nunaminertat atorneqartarnerat pilersaarusionerfigineqartarnerallu pillugit Namminersornerullutik Oqartussat nalunaarutaata allanngortinneqarneranik Namminersornerullutik Oqartussat nalunaarutaata nr. 43, 15. november 1994-imeersup, kommunekkaartumik pilersaarusionermi allanngutsaaliuisussaaneermik nakkutiginnittussaaneq pillugu Namminersornerullutik Oqartussat nalunaarutaata nr. 28, 6. august 1991-imeersup, kommunekkaartumik pilersaarusionermi allanngutsaaliuisussaaneermik nakkutiginnittussaaneq pillugu Namminersornerullutik Oqartussat nalunaarutaata nr. 31, 30. oktober 1991-imeersup, Kalaallit Nunaanni illuliortiternermi oqartussaasuseq pillugu Namminersornerullutik Oqartussat nalunaarutaata nr. 24, 9. november 1987-imeersumi, illuliortiternermi oqartussaasuseq pillugu Namminersornerullutik Oqartussat nalunaarutaata nr. 13, 18. august 2006-imeersumi, nunaqarfinnut pilersaarutit allannguuteqartinneqarneri pillugit kommunimut pilersaarutitut tapiliussat tamanut tusarniaassutigineqarneri pillugu Aningaasaqarnermut pisorta qarfiup kaajallaasitaa nr. 1, 22. april 1996-imeersup, suliarineqarnerisigut.

Aalajangersakkami Naalakkersuisut sanaartorfissanik pilersaarusionerup suliarineqarnissaanut, imarisassaanut piviusunngortinneqarnissaanullu erseqqinnerusunik maleruagassiorsinnaasut inatsisitigut tunngavissinneqarpoq. Oqaaseq "sanaartorfissanik pilersaarusionerq" uani paasineqassaaq missingersuutitigut maleruagassinneqartartumut imaluunniit aningaasanut inatsimmi maleruagassinneqartartumut "aningaasaqarnermik pilersaarusionermut" illuutunngiusutut. Oqaaseq avatangiisini sanaartorfissanik pilersaarusionertut nassuiarneqassaaq, illanngullugit nunaminertat, illuutit aamma sanaartukkat atorneqartarnissaat, inissisimaffissaat aammalu ilusilersorneqarnissaat il.il. Tamatuma saniatigut oqaariaatsimi pineqarput avatangiisini sanaartorfissat eqqaaniittuni killilersuutit nunaminertanut atugassiissutaasunut, illulianut imaluunniit sanaartukkanut atatinneqartut. Aalajangersakkami nuna tamakkerlugu pilersaarusionissamat, kommunimut pilersaarusionissamat kiisalu peqqussut manna naapertorlugu allatigut oqartussaasutut suliaqarnissamat maleruagassanik erseqqinnerusunik aalajangersaanissaq tunngavissinneqarpoq. Eqqarsaatigineqarsinnaavoq aalajangersagaq § 17 naapertorlugu nunaannarmut tunngatillugu naleqquttumik maleruagassiinermut ingerlatsinermul- lu atatillugu atorneqarsinnaasoq.

Aalajangersakkami oqaaseqatigiinni kingullerni Naalakkersuisut kommuninut ilitsersuisusaatitaasut aalajangersarneqarpoq. Tassunga atatillugu oqaatigineqassaaq Naalakkersuisut kommuninut suliani ataasiakkaani ingerlasuni aalajangersimasuni siunnersuisinnaassanngimata. Ilitsersuineq taamaalilluni nalinginnaasumik ilitsersuinertut iluseqartinneqassaaq.

§ 4-imut

Aalajangersagaq imm. 1-imi oqaatsitigut allannguuteqartinneqarluni pilersaarusionerq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 4-imi ingerlatitseqqiineruvoq.

Imm. 1-imut

Aalajangersakkami nunamut tamarmut pilersaarusionerimi piareersaanermut suliaqartarnermullu akisussaaffik Naalackersuisuniissasoq oqaatigineqarpoq. Nuna tamakkerlugu pilersaarusionerimi suliaqartarnerimut inatsisit atuuttut naapertorlugit nunaminertanik atugassiinerit atuutereersut kiisalu nunaminertanik atuinissamik pilersaaruteqarnerit akuersissuteqarfigineqareersut, kisiannili suli atorineqalinningsut ilaatinneqarput. Naalackersuisut nuna tamakkerlugu pilersaarusionerup naammassineqarnissaanut pisariaqartunik misissuisarnissaannik piumasagaat, pissutsit arlaqartut pilersaarusionerimut pingaaruteqartut suliaqartarnerimut oqartussat ataasiakkaat pilersaarusioneranni takuneqarsinnaasanninnerat aallaavigalugu aalajangersarneqarpoq. Tamatumunnga assersuutaasinnaapput inuiaqatigiinni innuttaasut amerlassusaasaa allanngoriartornerat, inuiaqatigiit nuttariaasii, suaassutsikkut assigiinningsutsit kiisalu paasissutissat pioreersut assigiissaartarneri il.il.

Imm. 2-imut

Naalackersuisut nuna tamakkerlugu nunami sumiiffinnut tamanut paasissutissanik katersuiffimmik, qarasaasiaq atorlugu pilersaarusionerimut isaaffimmik suliaqartitsissapput. Avatangiisinut Aqutsisoqarfiup web-GIS taamaattoq, NunaGIS-imik taagorneqartoq, Namminersorlutik Oqartussat aamma kommunit pilersaarusionerit pillugu paasissutissanik imaqartussa, nittartagaq www.nunagis.gl isaariaralugu 2008-imi apriliimi tamanut saqqummiuppaa. Naatsorsuutigineqarpoq kommunit tamarmik 2008-ip ingerlanerani nammineq isertaatiminnik atuillutik NunaGIS-imut toqqaannartumik paasissutissanik nalunaarsuisinnaalissasut.

1. Aalajangersakkami pineqarput nunaminertat atorineqarfissaannik aalajangersaanerit, ilanngullugit sumiiffiit killeqarfili immikkut killeqarfeqartitassat, eqqissimatitassanngortitsinerit aamma nunaminertanik inniminniinerit inatsisit allat, nunat tamalaat akornanni isumaqatigiissutit naapertorlugit aalajangersagaasut imaluunniit Namminersorlutik Oqartussat suliaqartarnerimut pilersaarutaat naapertorlugit kiisalu kommunimi pilersaarusionerimi aalajangaasut. Paasissutissat taakku qarasaasiaq atorlugu nunami sumiiffinnut tamanut paasissutissanik katersuiffimmik NunaGIS-imut nalunaarutigineqassapput. Taakkua assersuutigalugu tassaasinaapput pinngortitamik eqqissimatitassanngortitsinerit, qaqqat timmissat inaasa, imermik pissamaateqarfittut immikkoortitat aamma qaartartuusiviit eqqaanni killeqarfiit immikkut killeqarfeqartit kiisalu sumiiffiup ilaani aalajangersimasumi immikkut mingutsitsisumik suliaqartarnerimut atugassiinerit pillugit paasissutissat il.il.

Paasissutissanik Naalackersuisunut nalunaarutiginnittarnerimut aamma nutarterisarnerimut suliaqartarnerimut oqartussaasut/kommunalbestyrelsit ataasiakkaat akisussaaffeqarput.

Imm. 3-imut

Pisariaqaraangat, kisiannili minnerpaamik ukiut sisamakkaarlugit Naalackersuisut Namminersorlutik Oqartussat kommunimut pilersaarusionerimi soqutiginaateqartitaasa ataatsimoorutumik takussutissionnissaat isumagissavaat. Pilersaarusionerimi Namminersorlutik Oqartussanut soqutiginaatilinnik takussutissiamik iluarsaassinissamik qaqugukkut pisariaqartitsisoqartassanersoq pillugu apeqqummut ataasiakkaatigut naliliineq apeqqutaassaaq.

§ 5-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 5-imik ingerlatitseqqiineruvoq.

Aalajangersakkami aalajangersarneqarpoq pisortat oqartussat, ilanngullugit Naalagaaffiup, Namminersorlutik Oqartussat kommunillu ataanni suliffeqarfiit suliassaqaqfinnut pilersaarusiortartut kiisalu suliffeqarfiit ataasiakkaat, nuna tamakkerlugu pilersaarusiormik suliaqarnermut pingaaruteqartunik suliniuteqarnerit pillugit Naalakkersuisut paasissutissittassagaat.

Suliffeqarfinni eqqarsaatigineqarput pisortanit pigineqartut pilersuiffeqatigiiffiit soorlu Nukisiorfiit, TELE Greenland A/S aamma Royal Arctic Line A/S, taamatuttaarlu suliffeqarfiit namminersortunit pigineqartut angisuut, angissusiat eqqarsaatigalugu ilaatigut tamanut sullis-sinissamat pisariaqartinneqalersinnaasut.

Paasissutissat taakkua nuna tamakkerlugu pilersaarusiormi, Naalagaaffimmi, Namminersorlutik Oqartussani kommuninilu siunissami suliassaqaqfinni piorsaanissamat anguniagassanik kingusinnerusukkut suliaqarnissami tunngavissanut najoqqutassatut atorneqassapput.

§ 6-mut

Aalajangersagaq oqaatsitigut allannguuteqartinneqarluni pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 9-imik ingerlatitseqqiineruvoq.

Imm. 1-imut

Aalajangersakkami nalunaarneqarpoq, Naalakkersuisut nuna tamakkerlugu pilersaarusiormik suliaqarnerminni naalagaaffiup oqartussaasuisa aamma Namminersornerullutik Oqartussat oqartussaasuisa assigiinngitsut suliassaqaqfinnut pilersaarutaat ataatsimoortittassagaat aammalu nuna tamakkerlugu pilersaarusiormerup pilersaarusiormerit kommunini suliareqartumut atatillugu aaqqissuunneqartarnissaa isumagissallugu. Nuna tamakkerlugu pilersaarusiormik suliaqarneq taamaalilluni kommunit peqataatillugit ingerlanneqartassaq.

Imm. 2-imut

Namminersorlutik Oqartussat suliassaqaqfinnut pilersaarusiaannik akuersissuteqartarnermi innuttaasunik peqataatitsinissaq piunasaqaataanngilaq. Taamaattorli Naalakkersuisut paasititsiniaanermik ingerlatsissapput, innuttaasut isummaminnik saqqummiussinissaannik aalajangiinernilu innuttaasut inuuniarnerminni atugaannik sunniisussani peqataanissaannik periarfissiisumik.

§ 7-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 7-imik ingerlatitseqqiineruvoq.

Aalajangersakkami Naalakkersuisut nuna tamakkerlugu pilersaarusiormik ingerlaavartumik suliaqarnerat ukiut tamaasa Inatsisartunut nassuiaatitut ilusilerlugu saqqummiunneqartassaq aalajangersarneqarpoq.

Nuna tamakkerlugu pilersaarusiornermut nassuiaat nuna tamakkerlugu nunaminertat atorneqarnissaannut malittarisassanik ataqatigiissaakkanik imaqarsinnaavoq aammalu ataatsimut isigalugu ineriartortitsinissamut anguniakkanik arlaqartunik nassuiaatinik imaqarsinnaalluni, assersuutigalugu tunisassiorfiit aammalu inuussutissarsiornermi suliffeqarfiit allat inissinneqarnissaannut, angallannikkut teknikkikkullu pilersuineranut, innuttaasunut pissutsinut, sanaartornermut, isumaginninnermi peqqinnissaqarfimmilu sullissineranut kiisalu avatangiisinik illersuineranut eqqissisimatitsinissamullu tunngatillugu.

Malittarisassat taakkua tunngaviusut allannguuteqarneranni siunertanullu nutaanut tulluussartuarnissaat pingaaruteqarpoq. Nuna tamakkerlugu pilersaarusiorneq ingerlaavartuurtumik suliassatut isigineqassaaq, suliassaq pingaarneq tassaassalluni kommunini sanaartorfissanik pilersaarusiornermut tunngaviusussanik, naalakkersuinikkut aalajangiinissanut pisariaqartunik tunngavissiisarnissaq.

§ 8-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 8-imik tamatumalu siorna nunaminertanik atuineq aamma pilersaarusiorneq pillugit Inatsisartut peqqussutaanni nr. 6, 19. december 1986-imeersumi § 11-imik ingerlatitseqqiineruvoq. Aalajangersakkami tassani pineqaraluarpoq Naalakkersuisut “nuna tamakkerlugu pilersaarusiornermut tunngatillugu malittarisassanik pingaarnernik” Inatsisartuni akuersissanngorlugit saqqummiussisussaataitanerat kiisalu tamatumunnga pisariaqartillugu taakkuninnga iluarsaassisussaataitanerat. Aalajangersakkap imarisaatigut allannguineranut pissutaavoq qitiusumik suliassaqaarfinnut arlalinnut aalajangiinnaatitaaneq ullumikkut Naalakkersuisunut suliassanngortitaareemat. Taamaattumik Inatsisartut “sanaartorfissanik pilersaarusiornermut eqikkaasumut malittarisassanik pingaarnernik” akuersisussaananerat pillugu ataatsimut isigalugu piumasaqaatip atorunnaarsinneqarnissaa naleqquttuosorineqarpoq. Taamaattumik suliassaqaarfinnut assigiinngitsunut nuna tamakkerlugu pilersaarutini soqutiginaatilinnik akuersisarneq suliassaqaarfinnut inatsisit malillugit aalajangiinnaatitaanerit naapertorlugit suliassaqaarfinnut ataasiakkaanut pisariaqassapput.

Oqaatigineqassaaq nuna tamakkerlugu pilersaarusiornermut soqutiginaatilinni sanaartorfissanik pilersaarusiorneq tassunga atatillugu aningaasanut pilersaarusiornermut ataqatigiisillugu paasineqartariaqartoq: Illuliortiterneq imaluunniit sanaartorneq aningaasanut inatsimmi aningaasalorsorneqartussaasimappat, sanaartorfissanik pilersaarusiornerep piviusunngortinneqarnissaanut taamaalilluni pingaarnerusutigut Inatsisartut akuersinissaat suli apeqqutaassusaavoq.

Imm. 1-imut

Naalakkersuisut sumiiffimmut aalajangersimasumut ataatsimut isigalugu politikkiminnik erseqqissaasinnaapput, kommunimut pilersaarusiort imarisassaannut pissusaaffiliisumik aalajangersaasinnaallutik. Nuna tamakkerlugu pilersaarusiornermut malitassiaq ilaatigut nunami sumiiffimmi inissiinissamik, killiliinermik kiisalu atuinissamut maleruagassiisunik aalajangersakkanik, ungasissusissanut piumasaqaatinik kiisalu pisariaqarpat nunaminertani pineqartuni nunaminertanik inniminniinissamik il.il. imaqarsinnaavoq.

Imm. 2-imut

Naalakkersuisut nuna tamakkerlugu pilersaarusiornermut malitassiani maleruagassanik aalajangersimasunik aamma sukumiisumik maleruagassiisunik aalajangersaasinnaapput, assersuu-

tigalugu nunaminertat erseqqinnerusumik taaneqartut siunertanut erseqqinnerusumik taaneqartunut atugassanngortillugit.

Aalajangersagaq naapertorlugu Naalakkersuisut aalajangiisinnaapput, nuna tamakkerlugu pilersaarusiornermut malitassiaq sukumiisunik aalajangersagartaqartoq, kommunimut pilersaarutituulli inatsisitigut sunniuteqartinneqassasoq. Tamanna isumaqarpoq Naalakkersuisut assersuutigalugu illuliortiterneq sanaartornerlu, nuna tamakkerlugu pilersaarusiornermut malitassiami sukumiisunik aalajangersakkanik aalajangersaavigineqarsimasoq, kommunimut pilersaarummik peqanngikkaluartoq aallartinneqarsinnaasoq aalajangiisinnaasut. Tassani pineqarpoq, pisuni nuna tamakkerlugu pilersaarusiornermut malitassiami aalajangersakkat imatut erseqqitsigisut, taassuma saniatigut pilersaarusiornissamik isumaliuteqarnissaq pisariaqarani. Taamaattoqartillugu nuna tamakkerlugu pilersaarusiornermut malitassiaq pilersaarusiornermut tunngavissatut allaffissornermi aqutsinermi atorneqarsinnaavoq.

Tassani assersuutigineqarsinnaavoq Inatsisartut sanaartugassamut aalajangersimasumut sanaartornermut inatsimmik atuuttussanngortitsisimasut, assersuutigalugu erngup nukinganik innaallagissiorfiliornissamut, sanaartugassap sumiiffissaanik aamma/imaluunniit ilusissaanik erseqqissaasumik imaqartoq. Taamaattoqartillugu kommunimi pilersaarusiornermut oqartussat kommunimut pilersaarummut tapiliussamik suliaqarnissaannik suliakkersorneqarnissaat pisariaqassanngilaq.

Imm. 3-imut

Naalakkersuisut pisussaapput nuna tamakkerlugu pilersaarusiornermut malitassiat akuerisat, iluarsineqarnissaat imaluunniit allannguuteqartinneqarnissaat pisariaqalertillugu aaqqissuuteqittassallugit. Taamaattorli nuna tamakkerlugu pilersaarusiornermut malitassiat akuerisat, minnerpaamik ukiut sisamakkaarlugit aaqqissuuteqqinneqartassapput.

Nuna tamakkerlugu pilersaarusiornermut malitassiat imaluunniit suliaqarfinnut pilersaarusiariat, § 8 naapertorlugu inatsisitigut sunniuteqalersinneqassagunik Naalakkersuisunit akuerineqassapput.

§ 9-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 9-imik ingerlatitseqqiineruvoq.

Imm. 1-imut

Pisortat pilersaarusiornerat paasineqassaaq tassaasoq pilersaarusiornermut oqartussat pilersaarusiortitsinerat, atuutilersitsinerat aammalu pilersaarutit akuersissutillu malinneqarnissaannik isumaginninnerat.

Aalajangersakkami nuna tamakkerlugu pilersaarusiornerep inatsisitigut sunniutissai aalajangersarneqarput, taamaalilluni pisortat oqartussaasut suliaqarfinnut soqutiginaatilinnik aallussigaluarunik imaluunniit nunaminertanik atugassiinissamut aalajangiisinnaatitaagalarunik, nuna tamakkerlugu pilersaarusiornerep innersuussutai naapertorlugit iliuuseqartarnissaminut pisussaaffilerneqarlutik.

Tamatuma malitsigisaanik kommunimut pilersaarusiorneq, nuna tamakkerlugu pilersaarusiornermut malitassianik atuuttunik, inatsisinik allanik il.il. saneqqutsisoq Naalakkersuisunit akuerineqartartussaavoq.

Suliassaqarfinnut soqutiginaatillit, ingerlatseqatigiiffinit namminersortunit imaluunniit pisortanit aqunneqartunit inuiaqatigiinnut sullissinissamik suliakkerneqarsimasunit isumagineqarsinnaasut aamma eqqarsaatigineqarsinnaavoq.

Imm. 2-imut

Nuna tamakkerlugu pilersaarusiornermut soqutiginaatillit aalajangersimasut sumiiffimmut erseqqinnerusumik killilikkamut inissinniarlugit, Naalackersuisut kommunalbestyrelsi sumiiffiup ilaani aalajangersimasumi ataatsimi arlalinniluunniit kommunimut pilersaarusiamut tapi-liussamik, imarisassai erseqqinnerusumik taallugit, tak. § 19, suliaqarnissaanik peqqusinnaavaat. Imaluunniit Naalackersuisut kommunip pilersaarusiornissamik oqartussaaffia tigusinnaavaat tamatumunnga maleruagassat malillugit kommunimut pilersaarummut tapiliussamik suliaqartitsisinnaallutik.

Naalackersuisut nammineerlutik kommunimut pilersaarummut tapiliussamik suliaqartitsissanersut pisuni ataasiakkaani naliliineq apeqqutaassaaq aammalu Naalackersuisunit sukumiisumik maleruagassiinissaq kissaatigineqarnerisq annertuumik apeqqutaavoq. Naalackersuisut aalajangiinerat annertuumik sukumiisumik maleruagassiinissamik kinguneqarsimappat, kommunimi pilersaarusiornermut oqartussat namminneerlutik pilersaarusiap imarisassaannik aalajangersaasinnaanissaat annikillisinneqassaaq imaluunniit periarfissaajunnaassalluni. Taamaattoqarsimassappat pilersaarummik tunngaviusussamik suliaqarnissamat kommunimi pilersaarusiornermut oqartussaasut suliakkersorneqartariaqassanngillat.

Assersuutigalugu Naalackersuisunit aalajangerneqarsinnaavoq napparsimmavik nutaaq sumiiffimmi erseqqinnerusumik taaneqartumi inissinneqassasoq, illutaa quleriussasoq, sungaartuussasoq aammalu qaliata uinganera 30 gradiussasoq, il.il. Taamatut pisoqartillugu Naalackersuisut sukumiisumik maleruagassiisunik aalajangersagaanni kommunalbestyrelsimiit maleruagassiisunik aalajangersaaqqinnissamik ammaassissoqarsimanersaq pisuni ataasiakkaani naliliineq apeqqutaassaaq.

§ 9, imm. 2 malillugu aalajangiisinaatitaanermik tigusinerup kingunerisaanik, Naalackersuisut peqqussummi maleruagassanik allanik saneqqutsinissamat ammaanneqanngillat, ilanngulugit suleriaatsinut maleruagassat il.il. Tassani taamaallaat kommunalbestyrelsit aalajangiisinaatitaaffiannik tigusineq pineqarpoq.

Taamaattorli sumiiffiup ilaanut aalajangersimasumut pineqartumut sukumiisumik maleruagassiineq Inatsisartut inatsisaanni, Inatsisartut peqqussutaanni imaluunniit Namminersornerlutik Oqartussat nalunaarutaanni, nunat tamat akornanni isumaqatigiissutini aalajangersarneqarsimappat, § 22 malillugu tamanut saqqummiussisarnissamik piunasaqaat atorunnaarsinnaavoq. Tamatumunnga pissutaavoq taamaattoqarsimappat maleruagassat tamatumunnga atuuttut malillugit maleruagassiisoqartussaassamat.

§ 10-mut

Aalajangersagaq pilersaarusiorneq aamma nunaminertat atornerqartarnerat pillugit Inatsisartut peqqussutaat nr. 11, 5. december 2008-imeersumi § 11-imik ingerlatitseqqiineruvoq.

Akerliliissuteqarnissamik pisussaaffeqarnerup sanaartorfissanik pilersaarusiornermut ataatsimoortumut pingaaruteqarnera, taassuma inatsimmi maannamat atuuttumi kommunimut pilersaarutinik kommunimullu pilersaarutinut tapiliussanik akuersissuteqartarnermut aaqquissuusi-

neq taarsermagu, nukittorsarneqartoq naatsorsuutigineqarpoq. Nunaminertat atorneqartarnerat pilersaarusiortfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi siusinnerusukku atuuṭṭumi § 8 naapertorlugu Naalakkersuisut kommunimut pilersaarutinik aamma kommunimut pilersaarutinut tapiliussanik akuersisartuusimappu aammalu tamatumunnga atatillugu atugassarititaasussanik piumasaqarnissamik periarfissaqarsimallutik. Siunissami tamatuma akerlianik kommunalbestyrelsit nammineerlutik kommunimut pilersaarutinik aamma kommunimut pilersaarutinut tapiliussanik akuersissuteqarsinnaalissappu, taamaattumillu akerliliissutinik saqqummiussinissamik periarfissaq nuna tamakkerlugu pilersaarusiortnermut tunngatillugu soqutiginaatillit qularnaariffiqineqarnissaannu qitiulluinnarpoq.

Imm. 1-imut

Kommunimi pilersaarutissat siunnersuut ilaaluunniit immikkut pingaartitassanu naalagaaffiup oqartussaasuini imaluunniit Namminersorlutik Oqartussat oqartussaasuini isumagineqartunut akerliuṭsimappu, suliaṭsaqarfimmu oqartussat akisussaasoq pilersaarutissat siunnersuummu akerliliissuteqarnissamik pisussaavoq.

Oqariaaseq “immikkut pingaartitsinissaq” paasineqassaaq, inatsisitigut aalajangikkamik suliaṭsaṭ imaluunniit suliaṭsaṭ allat pingaarutillit politikikkuk aalajangiunneqartu, nunamu namminermu soqutiginaateqartuṭ naatsorsuutigineqarsinnaasut, ilanngullugit inatsisinik atuuṭṭunik, suliaṭsaqarfimmu pilersaarusiortnermik, nunat tamalaat akornanni isumaqatigiissutinik il.il., isumaginninnissaq.

Akerliliissuteqarneq tamatigut tunngavilersorneqartussaq kommunimut pilersaarutissat siunnersuusiortsimasumu, akerliliissuteqarnissamu piffissarititaasoq, tak. § 22, imm. 3, naatinnagu saqqummiunneqartassaaq. Akerliliissuteqarnissamulli pisussaataffaṭ atuuṭṭissanngilaq, pissuṭsit nuna tamakkerlugu pilersaarusiortnerup siunertaanuu pingaaruteqanngippata.

Akerliliissummik kinguatitsinermik kinguneqartussamik saqqummiussinissamik pisinnaataaneq, naalagaaffiup aamma Namminersorlutik Oqartussat oqartussaasuini taamaallaat atuuppoq. Taamaalilluni ingerlatseqatigiiffimmu Namminersorlutik Oqartussanit pigineqartunuu atuuṭṭinnngilaq. Ingerlatseqatigiiffiillu taakku taamaaliorusussagunik akerliliissuteqarnissaq piumasaralugu Naalakkersuisunuu saaffiginnissuteqarsinnaappu.

Imm. 2-imut

Akerliliissuteqarneq saqqummiunneqareerpat, allannguutissat pisariaqartu pillugit attuumasuteqartu akornanni isumaqatigiittoqareerpat, pilersaarutissat siunnersuut inaarutaasumik aatsaṭ akuerineqarsinnaavoq.

Imm. 3-imut

Isumaqatigiittoqarsinnaanngippat, attuumasuteqartu apeqquṭit isumaqatigiinnngissutaasut pillugit Naalakkersuisunuu aalajangiiffiqisassanngorlugit saqqummiussissappu.

Akerliliissuteqarneq pillugu suliamu kommunalbestyrelsi pineqartoq imaluunniit oqartussasut akerliliissuteqartu tamatuminnnga piumasaqarneratigut Naalakkersuisut aalajangiissappu. Piumasagaataavoq illuatungeriit tamatuma siorna isumaqatigiinniaqqaarsimassasut.

Akerliliissuteqarnermu suliamu Naalakkersuisut aalajangiinerat pisut apeqquṭaallutik tassasinnaavoq pilersaarusiassat siunnersuut atuuṭṭilertussat akuersarneqarsinnaanngitsoq taamaattumillu atorunnaartoq, atuuṭṭilertussat akuerineqarnissaanuu piumasagaatituu erseqqinne-

rusumik taaneqartunik allannguuteqartitsisoqassasoq, Naalakkersuisut tamatumunnga taarsiul-lugu pilersaarutissatut siunnersuutip ataatsimullu isigalugu pilersaarusionerup akornanni naapertuuttunngortitsiniarlutik, nuna tamakkerlugu pilersaarusionermit malitassiami ima-luunniit inatsimmi allami pisariaqartunik allannguuteqartitsissasut, imaluunniit pilersaarutis-satut siunnersuut allannguuteqartinnagu aammalu akerliliissutit saqqummiunneqarsimasut a-peqqutaatinnagit atuutilertussatut akuersissutigineqarsinnaasoq.

§ 11-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 11-imik ingerlatitseqqiineruvoq.

Imm. 1-imut

Naalakkersuisut kommunimut pilersaarutissatut siunnersuummut tamanut saqqummiunneqar-simasumut akerliliillutik saqqummiussisimappata, pilersaarutissatut siunnersuutip tamanut saqqummiunneqarneranit ukiut marluk tikillugit pilersaarutissatut siunnersuut inatsisitigut sunniuteqartinneqarallassasoq Naalakkersuisut aalajangiisinnaapput. Piffissaliussamik sivit-suinermit, tak. § 23, imm. 3, siunertaavoq pilersaarutissatut siunnersuutip inatsisitigut sunniu-teqartinneqarallarnissaa atorunnaarsinneqanngikkaluartoq, Naalakkersuisut aamma kommu-nalbestyrelsip isumaqatigiilernissaannut piffissaqarnerulersitsinissaq.

Imm. 2-imut

§ 10 imm. 3 naapertorlugu Naalakkersuisut aalajangiinerannut atatillugu Naalakkersuisut pi-lersaarutip inaarutaasup imarisaanik allannguuteqartitsisinnaapput. Taamaalilluni Naalakker-suisut § 16 imm. 2 naapertorlugu kommunalbestyrelsip pisinnaatitaaffi tigussavaat. Aalaja-ngersakkamut tassunga nassuiaatit innersuussutigineqarput.

§ 12

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 12-imik ingerlatitseqqiineruvoq, tassani pineqarluni Naalakkersuisut kommunimut pilersaarummut tapiliussamik suliaqaqqusisinnaa-nerat imaluunniit nammineerlutik kommunimut pilersaarusionerinnaanerat.

Imm. 1-imut

Pilersaarusionermit killissanik aqutsineq, nuna tamakkerlugu pilersaarusionerq aamma kommunimut pilersaarusionerq pillugit aalajangersakkani aalajangersarneqartoq, kommuni-mut pilersaarusionerq, ataatsimut isigalugu pilersaarusionermit akerliusumik ingerlanneqar-sinnaanngitsoq killiliivoq. Aalajangersakkami matumani, illuliortiternerit sanaartorerillu an-nertunerusut aallartinneqarsinnaanissaannut, pisariaqartumik sukumiisumik pilersaarusioner-mik tunngavissaqalersitsinissamik Naalakkersuisut aammattaaq periarfissaqarnissaat qu-larnaarneqarpoq.

Taamaalillutik Naalakkersuisut pisuni immikkut ittuni, kommunalbestyrelsi sumiiffiup ilaani aalajangersimasuni kommunimut pilersaarummut tapiliussamik erseqqinnerusumik imarisas-saanik taasillutik suliaqaqqullugu peqqusinnaavaat.

Imm. 2-imut

Pisuni aalajangersimasuni naleqqunnerusorinarpat Naalakkersuisut nammineerlutik kommu-nimut pilersaarummut tapiliussamik suliaqartitsisinnaapput. Naalakkersuisut kommunimi pi-

plersaarusiornermut oqartussaasut pisinnaatitaaffii tigussagunikkit, tassunga suleriaatsit atuutut malinnissaat Naalakkersuisut pisussaaffigaat.

§ 13-imut

Aalajangersagaq pilersaarusiorneq aamma nunaminertat atorineqartarnerat pillugit Inatsisartut peqqussutaat nr. 11, 5. december 2008-imeersumi § 13-imik ingerlatitseqqiineruvoq. Aalajangersakkap atuutilerneratigut aappaatigut kommunimut pilersaarutip ataatsimut isiginerullugu pilersaarusiorneqarnera aamma aalajangersagartai ataatsimut akuliutsinneqassapput, aappaatigut kommunip illoqarfiinut nunaqarfiinullu sumiiffinnut sukumiisumik aappaatigullu nunaanarmi nunaminertamik atugassiinissamat maleruagassiisoqassalluni.

Imm. 1-imut

Kommunalbestyrelsi kommunimut pilersaarummik, maannakkut killiffimmik, anguniakkanut aamma sanaartorfissanik pilersaarusiornermut malittarisassanik nassuiaasumik suliaqarnissamat pisussaaffeqarpoq, ilanngullugu kommuneqarfimmi nunaminertat atorineqarneri.

Pilersaarusiornermi kommunimi suliarineqartumi taamaalilluni kommunip sanaartorfittut ineriartornissaanut tunngaviusut kiisalu aalajangersaanerit pillugit nassuiaasoqassaaq. Pilersaarusiorneq taamaattoq aningaasaqarnikkut naliliinernut kommunimilu isumalluutinik allanik atuinissamik isumaliutersuutinut ataqatigiisitseqqissaarluni suliarineqartariaqarpoq, ilanngullugu pisortat namminersortullu aningaasaliinerisa imminnut sunniuteqaqatigiinnerat.

Innuttaasunut inuussutissarsiutinullu ineriartortitsinermi anguniakkat kommunip sanaartorfissanik pilersaarusiornerni tunngavissatut ilaapput. Tamatuma kingunerisaanik innuttaasunut inuussutissarsiutinullu ineriartortitsinermi anguniakkat tunngavissat pingaarnepaat ilaattut, ataatsimoortumik naliliinermut, § 13-mi pilersaarutinut taaneqartunut tunngaviusussanut ilaatinneqartussatut taaneqarput.

Oqariaatsimi “pisortat suliassaqarfiinut pilersaarusiorneq” suliassaqarfinni ataasiakkaani kif-fartuussinerup pitsaassusissaa eqqarsaatigineqarpoq. Pisortat suliassaqarfiinut pilersaarusiorneq qitiusumit (Naalagaaffik aamma Namminersorlutik Oqartussat) sumiiffinnilu ataasiakkaani (kommunit ingerlatsivii) suliarineqartoq, aningaasatigut pilersaarusiornertuulli sanaartorfissanik pilersaarusiornermut ataqatigiisillugu ingerlanneqartariaqarpoq, ilaatigut pissutigalugu suliassaqarfinnut pilersaarusiorneq nunaminertanik atuinermut sunniuteqartarmat, assersuutigalugu suliffeqarfiit, aqquernit, teknikkikkut pilersuisoqarfiit il.il.

Imm. 2-imut

Kommunimut pilersaarut kommunalbestyrelsimit suliarineqartoq nassuiaataasumik immikkoortortaqaassaaq, pingaarnertut ilusilersugaassalluni, aalajangersakkanut immikkoortortaqaassalluni kiisalu kommunalbestyrelsip nunaminertanik atugassiisarneranut aalajangersakkanik immikkoortortaqaassalluni.

- 1) Immikkoortoq nassuiaataasoq amerlanertigut imaqartassaaq pilersaarusiornermut nassuiaasumik, kommunip aningaasatigut sanaartorfissatigullu pilersaarusiornerni qanoq oqimaqaqatigiinnerannik nassuiaaviumik, suliassaqarfinnut pilersaarusiornerni arlalinnik illoqarfinni nunaqarfinnilu ataasiakkaani innuttaasut amerlassusaasa ineriartornerannik nassuiaaviumik, inuussutissarsiornerni ineriartorneranik, kommunimi isumagininnermi paaqqinnittarfinnut killiffimmik nassuiaaviumik, kulturikkut mernguarnikkullu periarfissanik, kommunimi pilersuinerimut pissutsinik aammalu angallannermut pilersaarusiornermik kii-

salu kommunalbestyrelsip kommunip ineriartornissaanut anguniagaannut imaluunniit pingaarnersuinerannut nassuiaataasumik.

- 2) Kommunimut pilersaaruttip pingaarnertut ilusiligaanerani kommunimi sanaartorfissanik pilersaarusiorneq ataatsimut eqikkaarneqassaaq. Aammattaaq pingaarnertut ilusiligaanermi illoqarfinnut ataasiakkaanut illoqarfimmuut tunngatillugu atuuffiit, nunaannarmi nunaminertanik atugassiinerit, attaveqatigiinneq pingaarneq, illoqarfiup ilaani sumiiffinni aalajangersimasuni assigiinngitsuni nunaminertat atornerqarnerat pingaarneq kiisalu taakkua killilersorneqarnerat eqikkaaviumik pilersaarusiorneqarsinnaapput.
- 3) Immikkoortumi aalajangersakkanik imaqtartumi sumiiffiup ilaani aalajangersimasuni ataasiakkaani aalajangersakkanik pingaarnernik aamma sukumiisunik aalajangersaasoqassaaq.
 - a) Aalajangersakkani pingaarnerni sumiiffiup ilaanni aalajangersimasuni nunaminertat atornerqarnissaannut, aalajangersakkat Naalakkersuisut isumaqatigiissuteqarfigineqarnerisigut imaluunniit innersuussinerisigut aalajangersarneqartut kiisalu pissutsit pilersaarusiap tunngaviumik imarisaannut tunngassuteqartut aalajangersarneqarsinnaapput. Tamatumunnga assersuutigineqarsinnaapput ineqarfiit, umiarsualiviit aamma inuussutissarsiorfiit, illoqarfiup qeqqata, sumiiffiit mernguersarfittut atornerqartussat aamma sumiiffiit pilersuinermut teknikkeqarfiit inissinneqarfissaat killeqarfissaallu, killeqarfiit immikkut killeqarfeqartitassat aalajangersaavigineqarneri kiisalu eriagissasat eqqissimatitsivissallu pillugit aalajangersakkat.
 - b) Aalajangersakkat sukumiisut illoqarfeqarfiup annertussusissaanik inissisimaffissaanillu erseqqinnerusumik maleruagassanik imaqarsinnaapput, ilanngullugit assersuutigalugu sanaartorfissanik, aqqusineqarfissanik aqqusersuiffissanillu immikkoortitsineq, portussusissat ungasissusissallu kiisalu illut silataasa qanoq isikkoqarnissaat pillugit maleruagassat aamma sanaartorfissagissaanissamut attaviliisussaataaneq.
- 4) Kommunimut pilersaarummi nunaminertanik atugassiarnissamut aalajangersakkani, nunaminertanik qinnuteqaatit suliarineqartarnerannut, sanaartukkap teknikkikkut aningaasagarnikkullu piviusungortinneqarsinnaaneranut uppersaasiinissamut piumasaqaatinik il.il., aalajangersakkanik aalajangersaasoqarsinnaavoq.

Imm. 3-imut

Nuna tamakkerlugu pilersaarusiorneq kommunimut pilersaarusiornermut sinaakkutissaavoq. Taamaattumik kommunimut pilersaarut pilersaarusiornermut tassunga akerliussanngilaq.

§ 14-imut

Aalajangersagaq kommunimut pilersaarusiorneq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 5-imik ingerlatitseqqinneruvoq.

Aalajangersakkami imm. 1, nr. 1-imi aalajangersarneqarpoq, kommunimi pilersaaruttip nassuiaatitaa killiffinnut nassuiaatinik, anguniakkanik kiisalu pilersaarusiornermut nassuiaatinik imaqassasoq. Killiffinnut nassuiaatini kommunimi pissutsit pioreersut annertunerusumik nassuarneqarnissaat siunertarineqarpoq, taamaattumillu tunngaviumik siunissamut pilersaarusiornissamut tunngaviliisussaalluni. Killiffinnut nassuiaatit nalinginnaasumik nassuiaatinut immikkoortunut arlalinnut aggugaasarpoq, taakkunanilu assersuutigalugu kommunimi nunaseriaaseq, innuttaasut inuussutissarsiutillu katitigaanerat, kiisalu sumiiffinni ineriartortitsineq, sanaartukkat pioreersut il.il. nassuarneqarsimasarput. Allattukkalli tamanut matussusiinngilat.

Anguniakkat allattorsimaffianni kommunimi tamarmiusumi ineriartortitsinissamut nunaminertanillu atuinissamut anguniakkanik pingaarnernik aalajangersaanissaq siunertarineqarpoq, taakkunungalu kommunimi sumiiffinni inissiiffissanut annertusaanissamullu anguniakkat ilaapput. Tamatumunnga atatillugu kiffartuussinerup pitsaassusia qanoq ittoq kissaatigineqarnersoq allassimasariaqarpoq. Anguniakkat sapinngisamik aalajangersimasunut tunngatinneqartariaqarput, taamaalillutillu piffissami pilersaaruseriusumi nunaminertanik pisariaqartitsinerup, kiisalu pisortat sanaartorneranni pisariaqartitsinerup naliliiffigeqqinnissaanut tunngaviliisariaqarput.

Ukiumoortumik pilersaarutitut nassuiaasiortarnermi suliassat aningaasaqarnikkullu pilersaarutitut imminnut atasunnagortinneqarnerisa nassuiarneqarnissaa siunertarineqartarpoq, taamaattumillu kommunimi pilersaarutit piviusunnagortinnissaanut aningaasaqarnikkut tunngavissanik ersarissititsisartussaalluni. Taamatut ataqatigiissitsisarneq ukiumiit ukiumut allannagortarpoq, ilaatigut Inatsisartut aningaasaqarnermut inatsisaanni aammalu ilaatigut kommunit ukiumoortumik missingersuuseriorneranni atugassiissutigineqartartut pissutaallutik.

§ 15-imut

Aalajangersagaq kommunimut pilersaaruseriorneq aamma nunaminertat atorineqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 5-imik ingerlatitseqqinneruvoq.

Imm. 1-imut

Kommunimut tamarmiusumut kommunimi pilersaarutit ilusaata pingaarnernik nassuiaammik killiffiit pillugit nassuiaat, inuiaqatigiit agguataarneqarneranni ineriartornissatut naatsorsuutigisat aamma nunasseriaatsimi naatsorsuutigisat ataatsimut eqikkarlugit naliliiffigineqarnerat tunngavigalugu aalajangersarneqassasoq, aalajangersakkami aalajangersarneqarpoq. Kommunini iluarsaaqqinnerup kingunerisaanik kommunini pilersaaruseriornermi nunap aggornerisa nutaamik ilusilerneqarnera aalajangersakkamut tunngavigineqarpoq. Kommunimut ataatsimoortitsilluni ilusiliinermut pingaarnermut kommunimi sumiiffiit tamarmik ilaatinneqassapput.

Imm. 2-mut

Pingaarnermik ilusiliinermi kommunimi illoqarfiit, nunaqarfiit nunallu ammaannartartup atuuffiitut agguaneq aalajangersarneqarpoq, taamaattumillu kommunalbestyrelsip soqutigisamik missiliuineranut tulleriaarineranullu takussutissaalluni. Taanna tunngavigalugu ilusiliineq pingaarneq aamma kommunimi attaveqarnikkut siunissami ineriartortitsinissaanermut periarfissanik imaqsinnaavoq. Nunasseriaatsit allannagortuarnerat tamatumani tunngavigineqarpoq, aalajangersakkallu taassuma atuunneratigut ilusiliussa q pingaarneq pisortat kiffartuussinikkut neqeroorutaannik il.il. ingerlaavartumik naleqqussaanissamut takorluukkanik imaqartinneqarsinnaanissaa periarfissinneqarpoq. Oqaaseq attaveqaatit matumani annertuutut paasineqassaaq.

§ 16-imut

Aalajangersagaq imamigut allannaguuteqartinneqarluni kommunimut pilersaaruseriorneq aamma nunaminertat atorineqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 7-imik ingerlatitseqqinneruvoq.

Imm. 1-imut

Nassuiaammi immikkoortunut pilersaarutit tunngavigalugit kommunalbestyrelsi kommunimi illoqarfinnut nunaqarfinnu ataasiakkaanut pingaarnernik ilusiliissasoq aalajangersakkami aalajangersarneqarpoq.

Imm. 2-mut

Aalajangersakkami kommunimi pilersaarummut ilusiliussami pingaarnerni, kommunimi pilersaarummi sumiiffiit ilaasa inissiffissaasa killileqarfissaasalu aalajangersarneqarnissaat aalajangerneqarpoq. Sumiiffiit ilaat, nalinginnaasumik nunap assingani aalajangersaaffigineqartartut, sumiiffiit atornerqarnerat eqqarsaatigalugu killilerneqassapput. Nr. 1-imiit 5-imut sumiiffiit assigiinngitsunut immikkoortiterneqarput. Immikkoortiterineq maannamut pilersaarsiortarnermi immikkoortiterinerup assigaa. Immikkoortiterinermi sumiiffiit atornerqarnerat pingaarneq allanneqarpoq, kisiannili sumiiffiup qanoq ittuunera ataatsimut isigalugu atuneq uniuutinngippat, nunaminertat allatut atornerqarnissaat mattunneqarani.

§ 17-imut

Aalajangersagaq nutaajuvoq, tassanilu nunami ammaannartumi nunaminertanik atuinerup immikkoortiterneqarnissaa siunertarineqarpoq.

Imm. 1-imut

Nunamut ammaannartumut ilusiliussaq pingaarneq nassuiaammi immikkoortunut pilersaarutit ataatsimut eqikkarlugit naliliiffigineqarneri, aamma nuna tamakkerlugu pilersaarsiortarnermi soqutigisanut killiliussassatut tunngaviliussat tunngavigalugit aalajangersarneqassaaq.

Imm. 2-mut

Kommunimi pilersaarutip ilusiligaanerani pingaarnerni sumiiffiit ilaasa ataasiakkaat atornerqarnerat pingaarneq eqqarsaatigalugu inissiiffissat killiliussallu aalajangersarneqarput. Pineqartut uku sumiiffinnut atugassiiffiusinnaapput:

- 1) sumiiffiit illuaqqanut illunullu aasarsiortarfinnut il.il. atornerqartut. Immikkoortumi tassani pineqarsinnaasut tassaapput illoqarfiit nunaqarfiillu inerutitinneqarsimasut, kiisalu sumiiffiit illunut aasarsiortarfinnut, sunngiffimmi illuaqqanut takornarianullu illuaqqanut atugassanngortinneqarsimasut.
- 2) sumiiffiit immikkut sukisaarsaartarfittut atornerqartut, taakkununga ilanngullugit illoqarfiit nunaqarfiillu il.il. avataanni sisorariartarfiit, lejrskolit, akunnittarfiit
- 3) sumiiffiit savaateqarfinnut, nunalerinermut, immamik atuinermut orpippassuarnillu naatitsinermut, qimmeqarfinnut il.il. atornerqartut. Immikkoortumi tassani sumiiffiit, nunaminertamik annertuumik atuinermut, nunaminertamik atuinermut nalinginnaasumit annertunerusumik atornerqartunut immikkoortinneqarsimasut kisimik pineqarput.
- 4) sumiiffiit teknikkeqarfittut attaveqarnermullu il.il. atornerqartut. Immikkoortumi tassani inuussutissarsiortarnermut atatillugu nunaminertanik atuinerit isumalluutinik uumassusilinnik aallaaveqanngitsut pineqarput, taakkununga ilaallutik erngup nukinganik innaallagissiorfiit, suliffeqarfiit pilersuisut tunisassiortullu allat il.il.
- 5) sumiiffiit sanaartorfigineqartussaannngitsut. Immikkoortumi tassani nunaminertat annertuumik atornerqartut, soorlu savat tuttullu nujuitsut ivigartorfiinut, sumiiffiit atuuffissaannik aalajangiiffiunngitsut aammalu inuilaarsuartut atornerqartut, eqqissisimatitaannngikkaluarlutik sumiiffimmi nunap pitsaassusia allanngortinneqarsimanngissusialu pissutigalugit sanaartorfigineqartussaannngitsutut kissaatigineqartut.

Imm. 3-mut

Aalajangersagaq nersutaateqarnermut nunaminertanik atugassiisarnermut atatillugu pissutsinut immikkut ittunut tunngasuvoq, aammalu imamigut allannguuteqartinneqarluni Kalaallit Nunaanni savaateqarnermut nunaminertanik atugassiisarneq pillugu Kalaallit Nunaannut Ministereqarfiup nalunaarutaani nr. 358-imi, 27. Juli 1979-meersumi §§ 2, imm. 4-mik ingerlatitseqqinnerulluni. Aalajangersakkap immikkoortuani siullermi sumiiffik kulturikkut eqqaasutissanut inatsit naapertorlugu eriagisassaasinnaasunik peqartutut naliliiffiqineqarpat, nersutaateqarnermut nunaminertanik atugassiisoqassanngitsoq aalajangersarneqarpoq.

§ 18-imut

Aalajangersagaq imamigut allannguuteqartinneqarluni kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 7, imm. 3-mik aamma imm. 4-mik ingerlatitseqqinneruvoq.

Imm. 1-imut

Sumiiffiit ilaannut aalajangersaanermut atatillugu makku eqqarsaatigineqarnissaat aalajangersakkami aalajangersarneqarpoq:

- 1) Killeqarfiit piomasqaateqarfiusut kiisalu nunaminertat imermik katersuiffiusut. Killeqarfiit piomasqaateqarfiusut nalinginnaasumik inatsimmi allami maleruagassiorneqarsimasarput, taakkulu nalinginnaasumik § 4, imm. 3 naapertorlugu Namminersorlutik Oqartussat soqutigisaasa allattorsimaffianni takuneqarsinnaapput. Assersuutigalugu qaartartuusiviit, mittarfiit aamma tankeqarfiit il.il. eqqaanni piomasqaateqarfiusunik killeqarfiliisoqarsinnaavoq.
- 2) Aamma sumiiffiit ilaannik atugassanngortitsinerme eriagisassatut soqutigisaasinnaasut eqqarsaatigineqassapput, taakkunungalulu illut eqqissimatitat eriagisassallu, illoqarfiit ilaat kulturikkullu eqqaamasat, nunat kulturikkut eriagisassat, pinngortitami sumiiffiit eqqissimatitat, nunami ammaannartumi sumiiffiit piomasqaateqarfiusut, soorlu sumiiffiit eqqissimatitat aamma qaqpat timmiaqarfiit ungasissusissaannut piomasqaatit il.il.
- 3) Sumiiffiit ilaannut aalajangersaanermut atatillugu sumiiffiit ilaasa atulernissaanut annertusarnissaannulluunniit aalajangersimasumik tulleriarinissamut kommunalbestyrelsi aalajangersaanissamut periarfissaqarpoq. Sumiiffiit ilaasa naapertuuttumik atorluarneqarnissaasa qulakkeerneqarnissaa aalajangersakkami tassani siunertarineqarpoq, taamaattumillu kommunalbestyrelsi illoqarfimmi imaluunniit nunaqarfinni sumiiffiit ilaanni nunaminertat atornerqanngitsut innersuussutigalugit nunaminertanik atuinissamut qinnuteqaatinik itigartitsinnaavoq.

§ 19-imut

Aalajangersagaq kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaanni nr. 7-imi, 26. februar 2009-meersumi § 8-mik ingerlatitseqqinneruvoq. Kommunini illoqarfinni, nunaqarfinni nunamilu ammaannartumi ilusiliaasut pingaernerit sumiiffiit ilaannut ataasiakkaanut pingaarnernik aalajangersaanikkut aalajangersakkat ersarissarneqassapput. Aalajangersakkat pingaernerit kommunit § 20 naapertorlugu nassuiaasersukkanik pilersaarusionissaannut, kiisalu kommunit nunaminertanik ingerlatsinerannut tunngaviliisussaapput.

Sumiiffiup ilaanut pineqartumut attuumassuteqarnera apeqqutaatillugu kommunalbestyrelsi aalajangersakkanik, pissutsit normu 1)-imiit 9)-mut eqqarsaatigalugit imaluunniit taakku mallugit maleruagassiat eqqarsaatigalugit aalajangersaassaaq. Aalajangersakkat pingaernerit § 20, imm. 1 naapertorlugu sumiiffiup ilaata atornerqarnerani siunertaasunut peqatigitillugit pilersaarutit tunngaviusumik imassaanut atornerqassapput, taakkulu kommunalbestyrelsip saneqqunneqarnissaat akuersissutigisinnaangilaa. Tamatumani minnerunngitsumik pissutsit, nr.

1)-imi, 5)-imi, 6)-imi aamma 10)-mi taaneqartut pineqarput. Pissutsit inatsisini allani male-ruagassiorneqarsimasut, aamma kommunip pilersaarusionerani tunngavissatut isigineqarta-riaqartut ilanngunneqarnerannut tunngaviusoq tassaavoq, nuna tamakkerlugu pilersaarusion-ternermi soqutigisat eqqarsaatigineqarnissaasa qulakkeerneqarnissaa.

Aalajangersakkami imm. 1, nr. 1 nutaajuvoq. Pilersaarummi siunertaasoq siusinnerusukku kommunip pilersaarutaani aalajangersakkani nassuiaasersukkani takuneqarsinnaasarpoq. Siunertat pilersaarummi tunngavissat ilaannaannut tunngasuummat, tamanna pillugu aalaja-ngersakkap aalajangersakkanut pingaarnernut nuunneqarnissaat naleqqutsinneqarsimavoq. Tassani pineqartut nalinginnaasumik tassaapput immikkoortitigassat, §§ 16 aamma 17 malil-lugu kommunimi pilersaarutip ilusiligaanerani pingaarnermi siunnerfigineqartut erseqqissar-neqarnissaat.

Imm. 2-mut

Kommunalbestyrelsip suliamik naammassinninnissaanut oqartussaasunit allanit akuersissute-qartoqarnissaa imaluunniit saneqqutsinissamik akuersissuteqartoqarnissaa pisariaqartinneqar-pat, tamanna aalajangersakkani pingaarnerni allanneqartussaasoq aalajangersakkami aalaja-ngersarneqarpoq. Tassani piumasaqaatit atuuttut ataatsimut eqqarsaatigineqanngillat, kisianni-li assersuutigalugu nunaminertamik atugassiinissamik pilersaarutaasumi mingutsitsisimaner-mik misissuisoqassappat, nunaminertamik mingutsinneqarsimasumik saliisoqassappat, kultu-rikkut eriagisassanut inatsit malillugu saneqqutsinissamut akuersissuteqartoqassappat, ima-luunniit inatsimmi allami aalajangersarneqarsimasumik killeqarfinni piumasaqaateqarfiusuni saneqqutsinissamik akuersissuteqartoqassappat pissutsit tassani eqqarsaatigineqarput.

§ 20-mut

kommunimut pilersaarusioneq aamma nunaminertat atorneqarnerat pillugit Namminersorne-rullutik Oqartussat nalunaarutaanni nr. 7-imi, 26. februar 2009-meersumi § 9-mik ingerlatit-seqqinneruvoq.

Imm. 1-imut

Pissutit, kommunimi pilersaarummi sumiiffiup ilaanut aalajangersakkanik nassuiaasersukka-nik maleruagassiorfiusunik aalajangersaaffigineqarsinnaasut aalajangersakkami aalajanger-sarneqarput. Nr. 1-imiit 9-mut taamaallaat avatangiisini pissutsinut tunngasuupput. Tassalu eriagisassatut soqutigisat pigiinnarneqarnissaat nr. 8-mi aamma 9-mi taaneqartut maleruagas-sionermi taamaallaat atorneqarsinnaapput, sumiiffik pineqartoq illunik atortunillu allanik sa-naartorfigineqassanngippat, kisiannili assersuutigalugu tassani sumiiffiit tamanit tikinneqar-sinnaaneranut il.il. maleruagassiornissamut tunngaviliisoqanngilaq.

Aalajangersakkami nr. 13 nutaajuvoq, taannalu malillugu sanaartukkat nutaat illutut nukim-mik annikitsumik atuinissamut illuliornermi malittarisassani killissarititassatut aalajangersak-kanik naammassinninnissaannik kommunalbestyrelsi aalajangersaanissamut periarfissinne-qarpoq. Tassalu sumiiffiit ilaanni aalajangersimasumi illunik nutaaginnarnik sanaartortoqas-sasoq aalajangersarneqarsinnaalerpoq. Taamaalilluni sumiiffiit ilaanni pineqartumi taamaal-laak nutaanik, aalajangersimasunik pitsaassusilinnik nukimillu atuinikitsunik, taamaalillutil-lu sanaartornermut inatsisini aalajangersarneqartumik nukimmik atuinissamut piumasaqaatip minnerpaaffianit annikinnerusumik atuisunik sanaartortoqarsinnaasoq aalajangersarneqarsin-naavoq. Tassalu sanaartukkap minnerpaamik sanaartukkanut nukimmik atuinikitsunut, sa-naartornermut maleruagassani klasse 1-inut imaluunniit 2-nut naapertuuttumik sananeqarnis-saa aalajangersarneqarsinnaavoq.

Aalajangersakkat ersarissuusariaqarput eqqortuusariaqarlutillu, aammalu pingaartumik pissut-sinut malitassatut nalinginnaasutut ilusilerneqarsimasariaqarlutik, tassalu allassimanerani suut inerteqqutaannginnersut aammalu suut sumiiffiit ilaanni taaneqartumi inerteqqutaanersut ersa-rissumik takuneqarsinnaasariaqarpoq. Aammali aalajangersakkami imm. 2, nr. 7-imi oqaaser-taliussaq pisut ilaanni oqarsinnaatitaaffimmi malitassap ilusilerneqarnissaanut, tassalu kom-munalbestyrelsip tungaaniit sulianut aalajangersimasunut naliliisoqartarnissaanik siunnerfe-qarnermut tunngaviliivoq.

Aalajangersakkami kommunalbestyrelsip aalajangiinera pilersaarutininut tunngaviusuni aalaja-ngersakkanut aalajangersarneqarsimasunut naapertuutinnigippat § 49-imi immikkut ittumik a-kuersissuteqartarnermi suleriaatsimik nassuiaatigineqartumik kommunalbestyrelsip ingerlat-sinissaa pinngitsoortussanngortinneqanngilaq.

§ 21-mut

kommunimut pilersaarusionerq aamma nunaminertat atorneqarnerat pillugit Namminersorne-rullutik Oqartussat nalunaarutaanni nr. 7-imi, 26. februar 2009-meersumi § 10-mik ingerlatit-seqqinneruvoq. Kommunimi pilersaarummi kommunalbestyrelsip nunaminertat atugassiissu-tigisimasaanut arlalinnik aalajangersaasoqarsinnaasoq aalajangersakkami aalajangersarneqar-poq. Aalajangersakkani kommuni tamarmiisoq ataatsit aalajangersarneqartussaavoq. Tassa-lu nunaminertanik atugassinneqarnissamut qinnuteqaatit sunik imaqaassanersut, qinnuteqaatit qanoq suliarineqassanersut, piunasaqaatit nalinginnaasut suut assersuutigalugu inissiaqarfinni nunaminertanik atuinissamut atuutsinneqassanersut aalajangersakkani maleruagassionerqar-sinnaavoq.

Imm. 2-mut

Kommunimi pilersaarummi nunaminertanik atugassiisarnermut aalajangersakkani qinnute-qaatit tunngaviusumik assigiimmik suliarineqartarnissaasa qulakkeerneqarnissaa aalajanger-sakkami aalajangersarneqarpoq. Aalajangersakkat aamma kommunimi sumiiffinnut ataasiak-kaanut aalajangersakkanik immikkut ittunik ilaneqarsinnaapput. Tassalu nunaminertanik atu-gassinneqarnissamut qinnuteqaatit assigiimmik naleqquttumillu suliarineqartarnissaasa qanoq iliorluni anguneqarnissaa aalajangersakkani aalajangersarneqarsinnaavoq. Kommunimi pilersaarutip piviusunngortinneqarnissaa qulakkeerniarlugu aamma qinnuteqaatit imassaattut, kii-salu § 45 naapertorlugu nunaminertanik atugassinneqarnissamut qinnuteqaateqartoqarneranut atatillugu piunasaqaatit aalajangersakkani aalajangersarneqassapput. Taakku saniatigut aala-jangersakkat aalajangersakkanik tamanut atuuttunik, sanaartorfissagissaasoqassappat aningaa-sartuutissanik, kiisalu aningaasaqarnermut tunngassuteqartunik illoqarfiup ineriartortinneqar-neranut sunnuteqartussanik agguaassinissamut maleruagassiorfiusunik imaqaassapput.

§ 22-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumik ingerlatitseqqiineruvoq. Aalajangersak-kami pineqarpoq kommunimut pilersaarutissatut siunnersuutinik tamanut saqqummiussisar-nissamik pisussaaffeqarneq. Oqaaseq “tamanut saqqummiussineq” kiisalu taassuma taamaa-qatai paasineqassapput piffissami tusarniaaffiusumi kikkut tamarmik aammalu oqartussaasut kalluarneqartut peqataatinneqassasut. Oqariaaseq oqariaatsip “tusarniaaneq” isumaqataatut atorneqartarpoq. Oqaluttuarisaanermilu oqariaaseq “tamanut saqqummiussineq” pilersaar-

siornermut tunngatillugu inatsisitigut atorneqarsimavoq. Tamanna pissutigalugu oqariaatsip taassuma atorneqaannarnissaa toqqarneqarpoq.

Imm 1-imut

Aalajangersakkami kommunimut pilersaarutissatut siunnersuutit tamanut saqqummiunneqarnissaannut minnerpaamik piumasarineqartut aalajangersarneqarput. Aalajangersakkap tunuliaqutarivaa innuttaasut siunnersuutip oqalliseqataaffiginissaanut aammalu akerliliissuteqarnissamik allannguutissanillu siunnersuuteqarnissamik periarfissaqarnissaasa qularnaarneqarnissaa. Kommunalbestyrelsip kissaatigippagu, kommunimut pilersaarutissatut siunnersuutip kommunalbestyrelsimit atuutilertussangorlugu akuersissutigineqannginnerani tamanullu saqqummiunneqannginnerani, kommunimut pilersaarusionsiornermut apeqqutinut pingaarnernut tunngatillugu tamanut oqallitsitsisoqarsinnaavoq.

Imm. 2-imut

Aalajangersakkami siunertarineqarpoq ikinnerussuteqartut isummernerisa kommunimut pilersaarutissatut siunnersuummut atatillugu saqqummiunneqarnissaannik, taamaalillunilu innuttaasut oqalliseqataaneranni ilaatinneqarnissaannik, qularnaarinissaq.

Imm. 3-imut

Kommunimut pilersaarutissatut siunnersuut kommunimi sumiiffinni tulluartuni arlalinni minnerpaamik sapaatit akunnerini 12-ni tamanit takuneqarsinnaassaaq. Tusarniaanermut piffissarititaasup sivisussusissaa pillugu aalajangersakkami minnerpaamik piunasaqaat aalajangersarneqarpoq. Tamanut saqqumititsinissamik piffissaliussap sivisussusissaata aalajangersarneqarnerani, kommunimi pilersaarusionsiornermut oqartussaasut, aammattaaq sulingiffeqarnerit ullullu nalliuttut eqqarsaatigisariaqarpaat.

Pilersaarutissatut siunnersuutip kommunip nittartagaani aamma/imaluunniit qarasaasiaq atorlugu nunami sumiiffinnut tamanut paasissutissanik katersuiffimmi saqqummiunneqartussaanerata saniatigut, pilersaarutissatut siunnersuut kikkunnit tamanit takuneqarsinnaasunngortinneqassaaq, assersuutigalugu kommunip allaffiani, nunaqarfimmi allaffimmi, najukkami atuakkanik atorniartarfimmi, kommunip nivinngaaviani il.il.. Inuit arlaannit kissaatigineqarpat pilersaarusionsiornermut paasissutissat kommunalbestyrelsimit tunniunneqassapput.

Aalajangersakkami kikkunnut tamanut takusassiinissamut piffissarititaasup sivikinnerpaaffissaatut piunasaqaat pilersaarutissatut siunnersuuteqarnermi eqquutsinneqarnerisooq pillugu apeqqut apeqqutaavoq inatsisinut tunngasoq, § 58, imm. 2 malillugu naammagittaalliuutigineqarsinnaasoq. Kikkunnut tamanut takusassiinissamut piffissarititaasup sivisussusaani sivikinnerpaaffissatut piunasaqaat unioqqutinneqarsimappat, tamanna kommunimut pilersaarutip imaluunniit kommunimut pilersaaruummut tapiliussap pineqartup atortussaannngitsutut isigineqartussanngorneranik kinguneqartussaausaavoq.

Imm. 4-imut

Oqaaseqaateqarnissamut akerliliissuteqarnissamullu piffissarititaasoq tamanut saqqummiussinermi ersissaaq. Tamanna pigajuttarpoq tusarniaanermi piffissarititaasoq pilersaarutissatut siunnersuummut ilanngunneqarneratigut.

Imm. 5-imut

Siunnersuut pillugu innuttaasunik oqallitsitsilernissaq siunertaralugu kommunalbestyrelsi paasititsiniaanermik ingerlatsissaaq. Paasititsiniaaneq tamanna naleqqunnerpaamik qanoq pinsinnaassanersoq kommunalbestyrelsip nammineerluni aalajangissavaa. Assersuutigalugu ta-

manna pisinnaavoq quppersakkanik agguaassinikkut, innuttaasunik ataatsimiisitsinikkut, najukkami tusagassiuit radio/TV il.il. aqputigalugit, kommunip nivinngaaviini allagarsiinikkut il.il. Taamaattorli kommunalbestyrelsip minnerpaamik pilersaarutissatut siunnersuut kommunip nittartagaatigut aamma/imaluunniit qarasaasiaq atorlugu nunami sumiiffinnut tamanut paasissutissanik katersuiffikkut, tak. § 4, saqqummiutissavaa.

Imm. 6-imut

Kommunimut pilersaarutissatut siunnersuutip kommunimi innuttaasunut saqqummiunneqarneranut peqatigitillugu siunnersuut Naalakkersuisunut oqartussanullu allanut siunnersuutip immikkut pingaaruteqarfigisaattut nalilerneqartunut nassiunneqassaaq. Tamatumuuna siunertaavoq Naalakkersuisut kommunalbestyrelsip pilersaarusiordermi isumaliutersuutaannik siusissukkut ilisimaarinnilernissaannik qularnaarinissaaq. Taamaalillutik Naalakkersuisut piffissaq tamanut saqqumtitsiffiusoq naatinngalu oqaaseqarnissaminut periarfissaqassapput.

Pilersaarutissatut siunnersuutip “tamanut saqqummiussinerup peqatigisaanik” Naalakkersuisunut aamma oqartussanut kommunimut pilersaarutissatut siunnersuutikkut immikkut sunniuteqarfigineqartussanut nassiunneqartussaanerata malitsigisaanik, nassiussinngitsoordermi imaluunniit kingusinaartumik nassiussinermi, § 16 naapertorlugu siunnersuutip inaarutaasumik kommunalbestyrelsimit akuersissutigineqarsinnaanissaanut, imm. 3 naapertorlugu piffissarititaasoq oqartussaasunut pineqartunut tunngatillugu taamaaqataanik sivitsorneqassaaq.

Imm. 7-imut

Kommunalbestyrelsi pilersaarusiordermi tunniussinerminut akitsuummik akiliisitsisinnaavoq. Akitsuutip annertussusaa siunnersuummik suliaqarnermut atatillugu aningaasartuutaasimasunit annertunerussanngilaq aammalu naqitertinnissaanut qanoq akeqarsimaneranut naleqqiullugu naapertuutissalluni.

§ 23-mut

Aalajangersagaq oqaatsitigut aamma imarisamigut allannguuteqartinneqarluni pilersaarusiorderneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 16-imik ingerlatitseqqiineruvoq.

Imm. 1-imut

Tamanut saqqumtitsinissamut piffissaliussap naanerata kingorna kommunalbestyrelsip pilersaarutissatut siunnersuut suliaqqillugu inaarutaasumik akuersinnaavaa. Tamatumunnga atatillugu kommunalbestyrelsi piffissaq eqqorlugu oqaaseqaatinut/akerliliissutinut tiguneqarsimasunut isummissaaq.

Imm. 2-imut

Kommunalbestyrelsip tassunga atatillugu siunnersuut saqqummiunneqarsimasoq allanngortisinnaavaa. Allannguutit pingaaruteqannginnerusut tamanut tusarniaasoq aqqinngikkaluartoq kommunalbestyrelsimit suliarineqarsinnaapput. Attuumassuteqartut allannguutinut toqqaanartumik kalluarneqartut ilisimatinneqassasut kommunalbestyrelsi aalajangiisinnaavoq. Tamannali piumasaqaataanngilaq. Allannguutit pingaaruteqarpata kommunalbestyrelsip siunnersuut akerliliissuteqarnissamut sapaatit akunnerinik sivikinnerpaamik 6-nik piffissalerlugu tamanut saqqummiuteqqissavaa.

Allannguutit saqqummiuteqqinneqartariaqarnerisut naliliinnermi, allannguutinik ilisimaarinnilernissamut periarfissaqarnissaaq innuttaasunut soqutiginaateqarnerisooq aallaavigineqassaaq.

Allannguutit pilersaarutaaqqaartup tunngaviatigut imarisaanut akerliusut, assersuutigalugu sumiiffiup ilaani aalajangersimasumi atuinissamik aalajangersakkanik, nunami sumiiffimmi killeqarfinnut, sumiiffiup initussusianik allannguinerit kiisalu illuliortiternermut malittarisasiisunik aalajangersakkanik allannguinerit taamaalilluni tamanut saqqumitinneqaqqinnissaat pisariaqassaaq. Taakkua pissutsinik pisimasinnaasunik tamakkiisuusutut isigineqanngillat, allanik annertuutut isigineqartariaqartunik, taamaattumillu pilersaarutissatut siunnersuutip tamanut saqqumiteqqinneqarnissaanik pisariaqartitsiviusunik pisoqarsimasinnaammat. Tamatumunnga pilersaarutissatut siunnersuummut tunngatillugu pisuni ataasiakkaani naliliineq apeqqutaassaaq.

§ 24-imut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 17-imik ingerlatitseqqiineruvoq.

Imm. 1-imut

Kommunalbestyrelsip pilersaarutip inaarutaasumik akuersissutigineqareernerani, pisariaqanngitsumik kinguarsaanertaqanngitsumik, kommunimut pilersaarummik nalunaarut tamanut saqqummiutissavaa. Siunnersuummut tamanut saqqummiunneqarsimasumut naleqqiullugu allannguuteqartitsisoqarsimanersoq nalunaarummi takuneqarsinnaassaaq.

Imm. 2-imut

Kommunimut pilersaarutissatut siunnersuutip tamanut nalunaarutigineqarneranut peqatigitillugu kommunimut pilersaarutissatut siunnersuut Naalakkersuisunut aamma oqartussanut siunnersuut immikkut pingaaruteqartitsiviusunut nassiunneqassaaq. Taakkua tassaagajussapput oqartussat § 22, imm. 6 naapertorlugu tamanut saqqummiussinermut atatillugu pilersaarutissatut siunnersuummik nassiussivigineqartut.

Imm. 3-imut

Nunami sumiiffinnut paasissutissanut internettikkut aaqqissuuseriaatsimi pilersaarusiata tamanut saqqummiunneqartut ilanngunneqartarnissaannut pisussaaffik pillugu aalajangersakkami internettikkut pilersaarusianut katersuiffimmik pilersitsinissamut qulakkeerivoq. Pilersaarutip tamanut nalunaarutigineqarneranut atatillugu pilersaarutip qarasaasiaq atorlugu nunami sumiiffinnut tamanut paasissutissanik katersuiffimmut nalunaarutiginissaa kommunalbestyrelsip taamaalilluni pisussaaffigaa.

Imm. 4-imut

Aalajangersakkami siunertarineqarpoq pilersaarusiassatut siunnersuutit § 22 naapertorlugu inaarutaasumik akuerineqarsimasut aamma tamanut ammasumik saqqummiunneqartarnissaa qulakkeerneqarnissaa, taamaalilluni kikkut tamat pilersaarusiata imarisaannik paasinnissinnaalissallutik. Tamatumunnga tunngaviusoq nunami sumiiffimmut pineqartumut ataatsimut kommunip arlalinnik qinigassiilluni pilersaarutissatut siunnersuusiorsinnaanera. Tamanut nalunaaruteqarnissamut piffissaliussisoqanngippat tamatuma kingunerissavaa, qanoq inatsisitigut sunniutaagallartut atuutissanersut, pilersaarut tunngavissaq sorleq atuuttussatut naatsorsuutigineqassanersoq kiisalu maleruagassiinerit suut tassani aalajangersarneqarsimanersut pillugit innuttaasut ilisimaarinnilersinnaanngillat. Pilersaarutissatut siunnersuutip tamanut nalunaarutigineqarnissaanut piffissaliussinermi qulakkeerniarneqarpoq, pilersaarutissatut siunnersuut kommunalbestyrelsip inaarutaasumik akuersinerata kingorna kingusinnerpaamik sapaatit akunneri 12-it qaangiunneranni tamanut nalunaarutigineqanngippat pilersaarutissatut siunnersuut atorunnaassasoq.

§ 25-imut

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 18-imik ingerlatitseqqiineruvoq.

Kommunimut pilersaaruserneq tassaavoq pilersaarusernermik suliaqarneq ingerlaavarteq. Taamaattumik kommunalbestyrelsi pisussaavoq, pilersaarutit tunngaviusussat pisoqalinnginnissaat imaluunniit amigalinnginnissaat eqqarsaatigalugu, pisariaqartinneqarpat kommunimut pilersaarut nutartertassallugu.

Oqariaatsimut "pisariaqalernerani" tunngatillugu kommunalbestyrelsimit ataasiakkaatigut naliliineq apeqqutaassaaq. Peqqussut pilersaarusernerup inatsisitigut aalajangersakkamik kaaviiartumik ingerlanissaanut aalajangersakkanik imaqqanngilaq. Taamaattumik piffissap ingerlanerani kommunimut pilersaarummi qulequtakkaartumik aammalu nunami sumiiffikkaartumik allannguinerpassuit pilersinnaapput.

Imm. 2-imut

Tamakkiisumik paasiuminartitsiinnarnissaq eqqarsaatigalugu, annertuunik allannguuteqartit-sereernermi, pilersaarutit tunngaviusussat atuuttut ataatsimoortunngorlugit allassimalersinnissaat kommunalbestyrelsip pisussaaffigaa. Ataatsimoortunngorlugit allassimalersitsinermi pilersaarusernermut oqartussat, pilersaarutit tunngaviusussat atuutilernerisa kingorna nuna tamakkerlugu pilersaarusernermut malitassiaasimasinnaasut eqqarsaatigissavaat.

Allannguutit annertunerusut pineqarneranni tamanna paasineqassaq tassaasut assersuutigalugu illoqarfiup ilaani nutaami piorsaanerit, suliffeqarfinnik angisuunik tunngaviatigut illoqarfimmi inuussutissarsioriaatsimik allannguisunik sanaartorerit, innuttaasut amerlassusaanni ineriartorermit allannguutit annertuut, inissianik, pisortani paaqqinniffinnik, pisiniartarnissamut periarfissanik assigisaannillu pisariaqartitsinermit sunniuteqartut.

Ataatsimoortunngorlugit allassimalersitsineq kommunimut pilersaarutaaqqaartutulli aammalu tassunga atasumik kommunimut pilersaarummut tapiliussatulli inatsisitigut inissisimanngilaq. Taamaattumik allaffissornikkut ataatsimoortunngorlugit allassimalersitsinerit inatsisitigut tunngavigineqarsinnaanngillat.

§ 26-mut

Aalajangersagaq pilersaaruserneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 19-imut assinguvoq.

Imm. 1-imut

Aalajangersakkami pineqarpoq kommunalbestyrelsip pilersaaruserinnaatitaanera. Aalajangersagaq tamanna naapertorlugu kommunalbestyrelsi sumiiffiup ilaani aalajangersimasumi sukumiisunik maleruagassaqaalernissaanut sukkulluunniit nammineerluni suliniuteqarsinnaavoq, tamatumalu malitsigisaanik qaqugukkut maleruagassat sukumiisut suliarineqassanersut kommunalbestyrelsi nammineerluni aalajangiisinnaasoq pingaarnertut maleruagassaavoq. Siunertaavoq sukumiisumik pilersaaruserneq kommunimut pilersaarusernerup ilaatut ilanngunneqartassasoq.

Pilersaarutit kommunalbestyrelsip ingerlaavartumik pilersaarusiornermik suliaqarnissaq tunngavigalugu suliarisassai tassaapput sanaartorfissanik pilersaarutit paasiuminartut, tassalu pilersaarutit pingaartumik kommuneqarfimmi nunaminertat atorpeqarnissaannik aammalu illu-liortitertarnissat pillugit aalajangersaaffiusut.

Nunaminertanik atuinissamut sukumiisumik maleruagassiineq nunaminertanik atugassiisarnermut piumasaqaatinik atugassarititaasussanillu aalajangersaanikkut pisinnaavoq. Maleruagassiineq taanna sumiiffiup ilaannut aalajangersimasunut ataqtigiinnut annertunernut aalajangersakkanik aalajangersaanermi naleqqunnerpaasussaavoq.

Imm. 2-imut

Aalajangersakkani kommunalbestyrelsip kommunimut pilersaarusiornernup piviusunnigortinnissaata qularnaarneqarnissaanut sakkussatut, sukumiisumik pilersaarusiornissamut pisinnaatitaanera pisussaataitaneralu pillugit maleruagassiisoqarpoq.

Imm. 3-imut

Aalajangersakkami imm. 3 qitiusutut aalajangersagaavoq, tassani kommuneqarfimmi kommunip maleruagassiortarnissaanik qularnaarinissamik kissaateqarneq tunngaviulluni, ilanngullugu nunaminertanik atuinissamut sukumiisunik maleruagassiinermi innuttaasut sunniuteqaqataatinneqarnissaat.

Kommunalbestyrelsip nunaminertamik atugassinneqarnissamik qinnuteqaat, sukumiisunik aalajangersagaqannginnera, tak. § 13, im. 2 nr. 3, litra b, imaluunniit aalajangersaasoqartussaanniginnera innersuussutigalugu itigartissinnaanngilaa. Qinnuteqaat kommunimut pilersaarummi aalajangersakkanut tamakkiisumik naapertuuppat kommunalbestyrelsip, tamanna sanaartugassap naammassinissaanut pisariaqarpat, sumiiffiup ilaanut aalajangersimasumut sukumiisunik aalajangersagaliornissaq pisariaqanngitsumik kinguarsaanertaqanngitsumik aallartissavaa.

Aalajangersakkalli qinnuteqartoq/sanatitsisoq qularnaariffigisinnaanngilaa, pilersaarutissatut siunnersuut kommunalbestyrelsimit inaarutaasumik akuerineqassanersoq imaluunniit pilersaarut kissaatigisaatut imaqassanersoq.

Qinnuteqarnermi piffissaq nunaminertanik piorsaanissamut tulleriinnilersuinermut kommunimut pilersaarummi allassimasumut naapertuutinngippat, kommunalbestyrelsi sumiiffiup ilaani aalajangersimasumi sukumiisunik aalajangersagaliornissap aallartinnissaanik pisussaaf-feqanngilaq.

Aalajangersakkap imarisaa §§ 37-imit aamma 66-imut ataqtigiisillugu paasineqassaaq. Tassani takuneqarsinnaavoq nunaminertanut oqartussaaffik kommuninut tunniunneqartoq, taamaalilluni kommunini pilersaarutininut pisinnaatitaaffimmi pisussaataitaaffimmilu siunissami aamma nunaannarmi kommunimi nunaminertat ilaasussaasut. Naatsorsuutigineqarpoq sumiiffiup ilaanut aalajangersimasumut pilersaarusiornissamik pisussaaffik aatsaat atuutilissasoq, illuliornissaq pilersaarutaasoq aalajangersakkanut atuuttunut akerliuppat imaluunniit sumiiffiup ilaata aalajangersimasup isikkuanik allanngortitsisussatut naatsorsuutigineqarpat. Illuaq-qanik piniariartarfinnik sunngiffimmilu ornittagassanik ataasiakkaanik nunaannarmi pilersitsinerit imaluunniit illunik pioreersunik annikinnerusumik allilerinerit taamaalillutik pilersaarusiortussaataalersitsissanngillat.

Imm. 4-imut

Aalajangersakkami aalajangersarneqarpoq sumiiffiup ilaannut aalajangersimasunut ataasiakkaanut aalajangersakkat, § 13 naapertorlugu pilersaarusiakommunimut pilersaarusiornermut tunngavigisaannut imarisaanullu naapertuuttumik imaqartinneqassasut.

§ 27-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 20-imik ingerlatitseqqiineruvoq.

Imm. 1-imut

Aalajangersakkami aalajangersarneqarpoq, kommunimut pilersaarummut tapiliussamik suliaqarnermut periaasissaq kommunimut pilersaarusiornissamut periaatsip assigigaa. §§ 22-imit 24-imut nassuiaatit takukkit.

Imm. 2-imut

Kommunimut pilersaarummut tapiliussaq sumiiffiup ilaanut aalajangersimasumut ataasiinnarmut tunngasuuppat tusarniaanermut piffissaliussaq sapaatit akunneri 12-niit 6-inut sivikillineqarsinnaavoq.

Tusarniaanermut piffissarititaasup sivilisussusissaa aalajangersakkami minnerpaamik piumasaqaatit aalajangersarneqarpoq. Tamanut saqqumititsinissamik piffissaliussap sivilisussusissaa aalajangersarneqarnerani kommunimi pilersaarusiornermut oqartussaasut aammattaq sulinnigiffeqarnerit ullullu nalliuttut eqqarsaatigisariaqarpat. Pilersaarutissatut siunnersuutip aalajangersakkami minnerpaamik piumasaqaat eqquutsinngippagu, tamanna pilersaarutissatut siunnersuutip pineqartup atuuttussaangitsutut isigineqartariaqarneranik aallaaviatigut kinguneqassaaq.

Imm. 3-imut

Kommunimut pilersaarummut tapiliussaq pilersaarutit siunertaanik inatsisitigullu sunniutaannik imaqassaaq. Aalajangersakkami siunertarineqarpoq innuttaasut kommunimilu ingerlatsivik pilersaarutissatut siunnersuutip anguniagaanut kingunissaannullu paasinnilluarsinnaanissaat. Tapiliussami aalajangersakkat nassuiarnissaat nalornissutigineqassagaluarpat, siunertap allaaserineqarnera kommunimut pilersaarummut tapiliussap nassuiarnissaanut tunngaviusinnaassaaq.

§ 28-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 21-imik ingerlatitseqqiineruvoq. Aalajangersakkami aalajangersarneqarpoq kommunimut pilersaarutit piviusunnagortinneqarnissaanik suliniuteqarnissaq kommunalbestyrelsimut nalinginnaasumik pisussaaffiusoq. § 48 naapertorlugu immikkut ittumik akuersisoqarsimatinnagu, qinnuteqaatigineqartoq kommunimut pilersaarummut akerliuppat nunaminertamik atugassiiumanniginnissaq kommunalbestyrelsip pisussaaffigaa.

Aalajangersakkap atuutilerneratigut siunissami nunaminertanik, illuliassanik sanaartugassanilu aalajangiussinerit kommunimut pilersaarummut naapertuuttussaapput. Kisiannili aalajangersakkap atuutilerneratigut pilersaarummi aalajangersakkat naapertorlugit illuliornissamik sanaartornissamillu pisussaaffiliisoqanngilaq. Assersuutigalugu kommunalbestyrelsi naluttarfiliornissamik imaluunniit naluttarfimmu aningaasaliinissamik pisussaaffeqanngilaq, kom-

munimut pilersaarummi nunaminertaq/sumiiffiup ilaa aalajangersimasooq siunertamut tassunga atugassanngortinneqaraluarpalluunniit.

Imm. 2-imut

Aalajangersakkami erseqqissarneqarpoq kommunimut pilersaarutip aalajangersakkanut immikkoortua, ilanngullugit sumiiffiup ilaanut aalajangersimasumut ataatsimut aalajangersakkat nalinginnaasut aamma aalajangersakkat sukumiisumik maleruagassiisut, § 49 naapertorlugu immikkut ittumik akuersissuteqartoqarsimatinnagu, innuttaasunut inatsisitigut pisussaaffiliisut.

§ 29-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 22-imik ingerlatitseqqiineruvoq.

Aalajangersakkami kommunimut pilersaarummi aalajangersakkat erniinnartumik pisussaaffiliinerat aalajangersarneqarpoq, imatut paasillugu siunissami atugassiinerit pilersaarummut akerliussanngitsut. Inatsisinut naapertuuttumik illuliat pioreersut imaluunniit inatsisinut naapertuuttumik atuinerit, pilersaarutissatut siunnersuutip tamanut saqqummiunneqarnerata siornatigut pilersinneqarsimasut aammalu matumunnga naapertuutinngitsut, siornatigutut ingerlaannarsinnaapput. Sumiiffiup ilaanut aalajangersimasumut aalajangersakkat nutaat, pissutsit inatsisinut naapertuuttut pioreersut allanngortinnissaannut pilersaarummut naapertuuttumik iliuseqarnissamik pisussaaffiliinngillat. Piginnittut nikinnerat aamma pissutsinik pioreersunik allanngortitsisinnaatitaanermik kinguneqassanngilaq.

Pilersaarutip inatsisitigut sunniuteqalereernerata kingorna illuliorneq imaluunniit illup atorneqarneranik allanngineq, § 49 naapertorlugu immikkut ittumik akuersisoqarsimanngippat, pilersaarusiamut naapertuuttumik suliarineqassaaq. Pilersaarummi piginnittup imaluunniit atuisussap siunissami suliarerusutamisut aalajangiussineri kisimik maleruagassiorneqarput. Kisiannili sumiiffiup ilaanut aalajangersimasumut aalajangersakkani piginnittumut imaluunniit atuisussamut piffissamut pereersumut atuuttussamik iliuseqartussaaffiliisumik aalajangersaasoqarsinnaanngilaq, assersuutigalugu najukkamut pilersaarummi pineqartut illuliortiternissat, sanaartukkanut ataatsimoorussanut il.il. attaviliisussaataitanerit naammassinissaannut.

§ 30-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 23-imik ingerlatitseqqiineruvoq.

Imm. 1-imut

Aalajangersakkami kommunimut pilersaarutip inatsisitigut sunniuteqarallarnissaa pineqarpoq. Inatsisitigut sunniuteqarnerit taakkua § 23 naapertorlugu pilersaarutissatut siunnersuutip tamanut saqqummiunneqarneraniit atuutilissapput, taamaalilluni piffissaq taanna aallarnerfigalugu pilersaarummik inaarutaasumik sioqqutsiniaasutut isikkoqarsinnaasumik iliuseqartoqarsinnaanani. Tamatumunnga tunngaviuvoq pilersaarusiorneq ingerlanerani innuttaasut peqataatinneqarnissaat pingaartinneqarluinnarmat. Taamaattumik kikkut tamarmik peqataatinneqarnissaannut § 22, imm. 3 naapertorlugu piffissaliussap naanissaata tungaanut nutaanik illuliortiternissamut imaluunniit atuinermik allannguinissamik il.il. inerteqquteqarallarneq atuutissappat naleqquttuusorineqarpoq.

Taamaattorli akuersissutit aamma immikkut ittumik akuersissutit pilersaarutissatut siunnersuutip tamanut saqqummiunneqarnerata siornatigut akuersissutigineqarsimasut atuutiinnasapput. Nunaminertanut oqartussat tamanut saqqummiussinerup siornatigut nunaminertamik atugassiimatillugit tamanna tunngavigalugu sanatitsisoq taamatuttaaq, illuliornissaq eqqarsaatigineqartoq sumiiffiup ilaanut aalajangersimasumut pineqartumut aalajangersakkanut nalinginnaasumik imaluunniit sukumiisumik maleruagassiisunut akerliusimappat, sanaartornissamut akuersissummik piunasaqarsinnaangilaq.

Imm. 2-imut

Kommunalbestyrelsi piffissaq tamanut saqqummiussiffiuseq naaniariartoq, pissutsinik pilersaarutissatut siunnersuummut naapertuuttunik aalajangiussinissamut/pilersitsinissamut akuersissuteqarnissaminnut periarfissaqarput. Tamatumani piunasaqaataavoq pilersaarutissatut siunnersuummut pineqartumut akerliliissutinik tigusaqartoqarsimassanngitsoq. Oqaaseqaateqarnissamut akerliliissuteqarnissamullu piffissarititaasup naareernerani Naalackersuisut nuna tamakkerlugu pilersaarusiornermut soqutiginaatilinnik qulakkeeriniarlutik oqaaseqaateqarnissaminnut akerliliissuteqarnissaminnullu periarfissaqareersimassapput. Aammattaaq siunnersuutip inaarutaasumik akuersissutigineqarnissaa naatsorsuutigineqarnerisooq nalilerneqarsinnaalersimassaaq.

Imm. 3-imut

Inatsisitigut sunniutaagallartussat, tak. imm. 1 aamma 2, siunnersuutip tamanut saqqummiunneqarnerata kingorna sivilisunerpaamik ukiumi ataatsimi atuutsinneqarsinnaapput. Aalajangersakkami siunertarineqarpoq, pilersaarutissatut siunnersuutit tamanut saqqummiunneqartut akerliliissuteqarfigineqarsimannngitsut, inaarutaasumik akuersissutigineqarnissaasa tamanullu nalunaarutigineqarnissaasa qulakkeerneqarnissaat. Pilersaarutissatut siunnersuut inaarutaasumik kommunalbestyrelsimit akuersissutigineqanngikkuni qaqugukkut atorunnaartassanersoq pillugu peqqussummi piffissamik killiliussisoqanngilaq. Taamaalilluni kommunalbestyrelsip pilersaarutissatut siunnersuummik qanoq sivilisutigisumik inatsisitigut sunniuteqarallartitsisinaanera ukiumut ataatsimut killiligaavoq aammalu sivilisorneqarsinnaanani.

§ 31-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 24-imik ingerlatitseqqiineruvoq. Aalajangersakkami inatsisinik tunngaveqartumik akuersissutinik/aalajangiussinissamik akuersissuteqarnissamut, kommunimut pilersaarummi imaluunniit kommunimut pilersaarummut tapi-liussami aalajangersakkatigut pinngitsoortinneqarsinnaasunut, piffissami aalajangersimasumi inerteqquteqarsinnaaneq pineqarpoq.

Imm. 1-imut

Inerteqquteqarneq aatsaat suliassatut aalajangiussa q inatsisinut naapertuuttumik aallartinneqarsimannngippat pisinnaavoq. Illuliornissamut suli aallartinneqarsimannngitsumut, kisiannili atuuttumik kommunimit sanaartornissamut akuersissuteqarfigineqarsimasumut inerteqquteqartoqarsinnaangilaq. Taamatuttaaq kommuni piginnaatitaaffeqartumut kingusinnerusukkut sanaartornissamut akuersissuteqarfigineqartussatut atorunnaarsinneqarsinnaanngitsumik neriorsuinertalimmik nunaminertamut pineqartumut nunaminertamik atugassiissuteqareersimappat, aalajangersagaq manna naapertorlugu kommuni inerteqquteqarsinnaangilaq.

Inerteqquteqarneq sanaartugassamut *aalajangersimasumut* tunngatinneqassaaq aammalu suliassanik suliarinnittarneq pillugu inatsimmi tunngavilersuinissamik piunasaqaat naapertorlu-

gu pissutsit sorpiaat inerteqquteqarfigineqarnersut erseqqissaanertaqartariaqarluni. Taamaalil-luni inerteqquteqarnermi pisut imaluunniit pissutsit inerteqquteqarfigineqartut pinngitsoortin-neqassapput, kisiannili illuliornernik/sanaatornernik suliaqarneq, pilersaarummut tunngaviu-sumut naapertuuttumik ingerlanneqartoq pinngitsoortinneqassanani.

Imm. 2-imut

Inerteqquteqarneq inerteqquteqarnerup tamanut nalunaarutigineqarneranit naatsorsukkamik sivisunerpaamik ukioq ataaseq atuussinnaavoq. Ukiup ataatsip piffissaliussap iluani kommu-nalbestyrelsi nutaamik pilersaarummik tunngaviussamik suliaqartitsinissamut periarfissa-qarpoq. Taamatut pisoqartillugu pilersaarutissatut siunnersuut tamanut saqqummiunneqarsi-masoaq inatsisitigut sunniuteqarallartinneqassaaq, tak. § 30.

§ 32-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi § 25-imik ingerlatitseqqiineruvoq. Peqqus-sutip matuma atuutilerniariarnerani kommunit, tamatuma tungaanut inatsisitigut aalajangigaa-simasup saniatigut pilersaarusioreqqullugit peqquneqarnissaat naleqquttuusorineqanngilaq. Taamaattumik aalajangersakkami Naalakkersuisut kommunalbestyrelsimut isumaqatiginnin-niarnermikkut annertusisamik pilersaarusiortussaataaernerup naammassineqarnissaanut piffis-saliussanik aalajangersaanissaat periarfissinneqarpoq.

Aalajangersagaq kommuninut maannakkut atuuttunut 1990´ikkut qiteqqunneranni kommuni-nut pilersaarutini tulleriiaani siulliit arlallit suliarineqarnerannut atatillugu atorneqarsimavoq.

§ 33-mut

Aalajangersagaq imamigut allannguuteqartinneqarluni pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-meersumi § 14-imik ingerlatitseqqinneruvoq. Tassalu aalajangersakkami erseqqissarneqarpoq, kommu-nalbestyrelsi sukkulluunniit kommunimi pilersaarusiornissamut suliniutissanik suliaqarnissaq toqqarsinnaagaat maanna aalajangersarneqartoq. Aalajangersagaq taanna kommunini pilersaa-rusiortarneq nunaminertanillu atuneq pillugu Namminersornerullutik Oqartussat nalunaaru-taanni nr. 7-imi, 26. Februar 2009-meersumi § 3-mik ingerlatitseqqinneruvoq. Aammattaq erseqqissarneqarpoq, kommunalbestyrelsi aallaqqaammut kommunimi pilersaarusiornermut suliniutissanut *siunnersuummik* suliaqartassasoq tamanullu ammasumik saqqummiussisassa-soq.

Aalajangersakkami uku siunertarineqarput: Siullermik politikkikkut piginnittuunerup kom-munalbestyrelsininnerat aalajangerneqarnissaa siunertarineqarpoq. Kommunalbestyrelsimi piffissap qinigaaffiusup aallartinnerani kommunimi pilersaarutitik politikkikkut naliliisoqar-tarnissaa isummertoqartarnissaalu siunnerfigineqarpoq. Aappaattut § 19, imm. 3 naapertorlu-gu pilersaarusiornissamut toqqaannartumik pisussaaffiliisoqarsimanngippat, kommunimi pi-lersaarutit ingerlaannartumik iluarsineqartarnissaannik qulakkeeriffiusunik peqqussut aalaja-ngersakkanik imaqqanngilaq. Pilersaarusiornissamut suliniutissanik suliaqartarnissamut aalaja-ngersagaq taamaalilluni kommunalbestyrelsip akuttunngitsumik iluarsiinissamik naliliisarnis-saata qulakkeerneqarnissaanik siunertaqarpoq.

Imm. 1-imut

Kommunalbestyrelsip piffissap qinigaaffiusup affaani siullermi kommunimi pineqartumi kommunip pilersarusiornerani suliniutissanik suliaqartussaavoq.

Imm.2-mut

Suliniut kommunip siornatigut pilersaarutigisimasaanut paasissutissanik, kiisalu kommunimi pilersaarummi pioreersumi qanoq annertutigisumik iluarsiinissamik naliliissummik isummiussamillu imaqassaaq. Kommunalbestyrelsi imatut iliornissamik toqqaasinnaavoq:

- 1) Kommunimi pilersaarut tamarmiusoq iluarsaanneqassanersoq kommunalbestyrelsi naliliisinnaavoq.
- 2) Kommunimi pilersaarummi sammisat immikkoortukkaarlugit iluarsaassisoqassanersoq kommunalbestyrelsi naliliisinnaavoq. Tassani assersuutigalugu kommunimi pilersaarutip nassuiaatitaa, kommunalbestyrelsip anguniagai imaluunniit kommunimi pilersaarummi nunaminertanik atugassiisarnermut aalajangersakkat, imaluunniit taakku ilaat iluarsaanneqarsinnaapput.
- 3) Kommunimi pilersaarut nunami sumiiffiit malillugit iluarsaanneqassanersoq kommunalbestyrelsi aalajangiisinnaavoq. Tamanna nalinginnaasumik kommunimi pilersaarutip ilusaanik pingaarnermik, soorlu sumiiffiit ilaasa killiginik ataatsimullu inissiiffinnik, kommunimi angallannikkut pilersaarutit aqquersuusersuinernillu iluarsaassinermik kinguneqassaaq.
- 4) Kiisalu kommunimi pilersaarut iluarsaanneqarnissamut pisariaqartitsiviunersoq kommunalbestyrelsi naliliisinnaavoq. Tassalu kommunimi pilersaarut ilusia allangortinnagu akuerineqarsinnaanersoq kommunalbestyrelsip naliliiffigissavaa.

§ 34-mut

Aalajangersagaq imamigut allanguuteqartinneqarluni kommunimut pilersarusiorneq aamma nunaminertat atorineqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 3-mik ingerlatitseqqinneruvoq.

Imaa allangortinneqarpoq, taamaalillunilu kommunalbestyrelsip sukkulluunniit suliniutissat siunnersuutit suliaqarsinnaanera tamanullu ammasumik saqqummiisinnaanera § 33-mut nuunneqarpoq.

Kommunimi pilersarusiornermi suliniutissanik pissarsiniartarnermut suleriaatsip aalajangersarneqarnissaa aalajangersakkami siunertarineqarpoq.

Imm. 2-mut

Ikinnerussuteqartut isummersuutaasa kommunimi pilersaarutissat siunnersuutip tamanut ammasumik saqqummiunneqartarnissaasa, taamaalillunilu tamat oqallinnerinut ilaatinneqartarnissaasa qulakkeerneqarnissaa aalajangersakkami siunertarineqarpoq.

Imm. 3-mut

Kommunimi pilersarusiornermi suliniutissat saqqummiunneqarnerini tamat ilaatinneqarnissaat aalajangersakkami siunertarineqarpoq. Pilersarusiornermi suliniutissanut siunnersuutit kommunimi sumiiffinni naammaginartumik amerlassusilinni sivikinnerpaamik sapaatit akunnerini arfinilinni takuneqarsinnaassapput. Piffissamat tusarniaaffiusussamat aalajangersagaq sivikinnerpaaffissatut piumasqaammik aalajangiiffiuvoq. Kommunimi pilersarusiortarnermi oqartussaasut piffissamik saqqumititsiviusussamik aalajangiinermi aamma sulingiffeqarnerit ullullu nalliuttut eqqarsaatigissavaat.

Imm. 4-mut

Imm. 3 naapertorlugu piffissap tamanut saqqumititsiviusussap naanerata kingorna kommunimi pilersaarusionermut suliniutissat inaarutaasumik aalajangiiffiginiarlugit suliaq nutaamik aallartissavaa. Tamatumunnga atatillugu kommunalbestyrelsip oqaaseqaatit/akerliliissutit piffissaq eqqorlugu takkuttut isummerfigissavai.

Imm. 5-imut

Kommunimi pilersaarutissatut siunnersuutip kommunimi innuttaasunut saqqummiunneqarneranut peqatigitillugu, siunnersuut Naalackersuisunut aamma oqartussaasunut, siunnersuummut immikkut pingaarutilittut naliliiffigineqartunut nassiuunneqassaaq. Taamaaliornikkut Naalackersuisut siusissukkat kommunalbestyrelsip pilersaarusionermut isummersuutaanik ilisimasaqar-nissaasa qulakkeerneqarnissaa siunertarineqarpoq.

Tassalu kommunimi pilersaarutitut suliniutit suliarineqartarneranni tunngavissat, kommunimi pilersaarutit aammalu § 22 aamma 23 naapertorlugit kommunimi pilersaarutitut tapiliussat suliarineqartarneritut tunngavissat assigaat. Kisiannili oqartussaasut qulliunerusut § 10 naapertorlugu kommunimi pilersaarusionermit periarfissat assingini pilersaarusionermit suliniutitut itigartitsinissamut periarfissaqanngillat. Pilersaarusionermut suliniutit taamaallaat siunertanik nalunaarutitut, suliniutilli kommunimi pilersaarummut ilaasuunngitsutut isigineqartussaanerat, taamaattumillu §§ 28-miit 30-mut inatsisitigut sunniuteqartussaanginnerat tamatumunnga tunngaviuvoq.

§ 35-mut

Aalajangersagaq kommunimut pilersaarusionerq aamma nunaminertat atorneqarnerat pillugit Namminersorerullutik Oqartussat nalunaarutaat nr. 7-imi, 26. februar 2009-meersumi § 4-mik ingerlatitseqqinneruvoq. Suliniutissaq tamanut ammasumik saqqummiunneqarsimappat, kommunalbestyrelsip aalajangiinermik tassannga kinguneqartitsisinnanera aalajangersakkami aalajangersarneqarpoq. Iluarsinermi nalinginnaasumik pilersaarusionerissamut suliniummi siunnerfigineqartut malinneqartassapput. Soorunami kommunimi pilersaarutip iluarsanneqarnissanut pisariaqartitsinerit nutaat ingerlaavartumik takkuttartussaapput. Taamaattumik aalajangersagaq imatut paasineqassanngilaq, pilersaarusionermit suliniutit kommunalbestyrelsimut pituttuisuussasut, aammalu kommunalbestyrelsi aatsaat iliuusissat pilersaarusionermit suliniutitut naapertuuppata kommunimi pilersaarummik allannguisinnaassasut. Taamaattoqanngilaq.

§ 36-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 26-imik ingerlatitseqqinneruvoq.

mm. 1-imut

Nunaminertamik illuliortiterfissatut, allanik aalaakkaasunik ikkussuiffissatut allatulluuniit nunaminertaq kikkut tamarmik nalinginnaasumik atuisarnerattut atorneqanngitsoortillugu atuisagaanni, nunaminertanut oqartussaasut akuerseqqaarsimanissaat piumasaqaataavoq. Oqaaseqatigiinni taakkunani aamma nunap naggorissagassatut atorneqar-nissaa pineqarpoq.

Imm. 2-imut

Aalajangersakkami aalajangersarneqarpoq nunaminertap pineqartup atorneqarnera allanngortinneqassappat tamatuma nunaminertanut oqartussanit akuerineqarsimanissaa pisariaqartoq.

Imm. 3-imut

Aalajangersakkami imm. 3-imi aalajangersarneqarpoq nunaminertamut atuisussaataanerup allamut tunniunneqarnera nunaminertanut oqartussanit akuerineqaqqaassasoq.

Peqqussummi aqqissuussineq imaappoq, kinaluunniit nunaminertamik aalajangersimasumik, nunaminertap nalinginnaasumik atorneqarnissaanit allaanerusumik atuinissaminik qularnaarinissamik kissaateqartoq, tamatigut nunaminertanik ingerlatsisutut oqartussaasumit akuersissummik piniaqqaarsimassasoq. Tamanna pissaaq illumik imaluunniit sanaartukkamik piginnittunngortup nunaminertamut atugassiissuteqarnerup tigungissaanik qinnuteqarneratigut. Taamaalilluni kommunalbestyrelsi nunaminertamik atuinissamik pisinnaatitaaffiup piginnittunngortumut tunniunneqarnissaanut akuersissuteqartussaavoq. Piginnittunngortup pigisap maannamut atorneqarsimaneranit allaanerusumik atuinissani kissaatigippagu, atuinissarlu taanna sumiiffimmut pilersarusiornermut atuuttumut akerliuppat, kommunalbestyrelsip atugassarititaasussat nutaat taakku tungavigalugit piginnaatitaaffimmik tunniussinissaq akueriumangissinnaavaa.

Aamma nunaminertap piffissami sivikitsumi atorneqarnissaata akuerineqarsimanissaa pisariaqarpoq, assersuutigalugu utaqqiisaasumik containerinik assigisaannilluunniit inissiinerit. Utaqqiisaasumik atuinissaq qaammatinit marlunnit sivilisunerusumik sivilisussuseqarpat, aallaaviatigut kommunalbestyrelsi piffissamut aalajangersimasumut killiliilluni nunaminertamik atugassiilluni nalunaaruteqarsimassaaq.

Nunaminertamik atuneq qaammatinit marlunnit sivikinnerusumik sivilisussuseqartoq, nalinginnaasumik nunaminertamik atuinissamik akuersissuteqarfigineqarsimanissaa piumasaqaataangilaq. Taamaattorli tamatumunnga ataasiakkaatigut naliliineq apeqqutaassaaq. Aaqqissuussinerit nunaminertamik atorluaaffiungaatsiartussat, assersuutigalugu nunaannarmi aasaanerani naapeqatigiisitsinerit, atuinissaq assersuutigalugu sapaatip akunneranik ataasiinnarmik sivilisussuseqaraluartoq, nunaminertamik atuinissamik akuersissuteqarfigineqarsimanissaa pisariaqarpoq. Nunaminertamik atugassiineq taamaattoq nalinginnaasumik nunaminertami saliinissamik piumasaqaatitalerlugu akuerineqassaaq.

Imm. 4-imut

Aalajangersakkami nunaminertamut pisinnaatitaaffik tassaasoq atuisinnaatitaaneq, taarsigasarsinermi qularnaveeqqusiunneqarsinnaanngitsoq imaluunniit pisinermi tunisinermilu akigineqarsinnaanngitsoq, suleriaatsimik atuutereersumik malittarisassanngortitsineruvoq naqissusiinerullunilu. Nunaminertami aalaakkaasumik nalilimmik sanasoqarsimappat, taanna aalaakkaasup nalinga pisinermi tunisinermilu akigineqarsinnaavoq, taamaalilluni piginnittoq nunaminertamut atuisinnaanermut siullertut piginnaatitaaffealissalluni.

§ 37-mut

Aalajangersagaq pilersarusiorneq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 27-imik ingerlatitseqqinneruvoq.

Imm. 1-imut

Aalajangersakkami oqartussat sorliit nunaminertamik atugassiisinnaanersut aalajangersarneqarpoq. Sumiiffiit aqqissuussaasumik illuliorfigineqartussat kiisalu sumiiffiit tassunga pissusissamisoorumik atasuunersut kisimi pineqanngilaq, kisiannili aamma kommunip nunaannarmi nunaminertai pineqarlutik. Kommunilbestyrelsip nunaminertamik atugassiinissamut

oqartussaasutut sumiiffimmi aalajangiisinnaatitaaffia taamaalilluni sumiiffinnut kommunalbestyrelsip § 13 naapertorlugu pilersaarusiordfigisassaannut atuuppoq.

Imm. 2-imut

Aalajangersakkami aalajangersarneqarpoq sumiiffiit imm. 1-imi taaneqartut avataanni Naalakkersuisut oqartussaasuusut.

Imm. 3-imut

Sanaartukkanut nunamut tamarmut pingaaruteqartunut nunaminertanik qinnuteqartoqartillugu, Naalakkersuisut akuersissutaannik piniartoqaqqaarsimappat aatsaat nunaminertamik atuinissamut akuersissut kommunalbestyrelsimit nalunaarutigineqarsinnaavoq.

Assersuutigalugu inuussutissarsiornermut suliffeqarfiit anginerusut sumi inissinneqarnissaat pineqarpat, kommunalbestyrelsip nunaminertamik atuinissamik akuersissuteqartinnani qularnaassavaa, sanaartukkat annertunerusut aammalu pisortat suliffeqarfiisa inissisimaffissaannik nunaminertanik agguataarinissamut nuna tamakkerlugu pilersaarusiordermi ataatsimut isigalugu malittarisassanut pingaarnernut tamanna naapertuunnersoq.

Tamatuma kingorna sumut inissiinissaq aalajangerneqareerpat kommunalbestyrelsip pineqartup, pilersaarummut atuuttumut naapertuuttumik sanaartugassap kommunimi inissinneqarnissaa aalajangissavaa.

Imm. 4-imut

Nunaminertamik atuinissaq aalajangersimasoq sanaartugassamut inatsisinnorlugu imaluunniit nuna tamakkerlugu pilersaarusiordermut malitassiannorlugu Naalakkersuisunit imaluunniit Inatsisartunit politikikkut aalajangigaasimappat, taava taanna nuna tamakkerlugu pilersaarusiordermut immikkoortoq naapertorlugu kommunimut pilersaarusiordermut killiliussanut ilaassaaq. Taamaalilluni nunaminertamik atugassiinissamut apeqqut pingaarnerusutigut naammassiinnagassaalissaaq, kommunimi nunaminertanut oqartussamut suliakkersuutaasariaqassanani.

Allatut nuna tamakkerlugu pilersaarusiordermut malitassiami, sanaartugassamut inatsimmi il.il. erseqqissumik allassimasoqanngippat, kommunimut pilersaarummi sumiiffiup ilaanut aalajangersimasumut pineqartumut aalajangersakkat malinneqassapput.

§ 38-mut

Aalajangersagaq pilersaarusiorderneq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 28-imik ingerlatitseqqinneruvoq.

Nunaminertamik atugassiineq inummut aalajangersimasumut tunniunneqartarpoq. Pineqartoq tassaasinnaavoq inatsisitigut pisussaatitaasoq pisinnaatitaasorlu, assersuutigalugu ingerlatseqatigiiffik, peqatigiiffik il.il.

§ 39-mut

Aalajangersagaq kommunimut pilersaarusiorderneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 11-imik ingerlatitseqqinneruvoq, tassanilu nunaminertamik atuisinnaatitaanissamut qinnuteqaatit kommunimut pineqartumut nassiunneqarnissaat aalajangersarneqarpoq. Qinnuteqaatip imas-

saa § 21 naapertorlugu kommunimi pilersaarummi nunaminertanik atugassiisarnermut aalajangersakkani aalajangersarneqassapput.

§ 40-mut

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 15-imi ingerlatitseqqinneruvoq. Nunaminertat, kommunip illuliornermut sanaartornermullu immikkoortinneqarnissaannik siunertaqarfigisaasa tamarmik, nunaminertamut pineqartumut atuisinnaatitaanermik akuersinissaq pillugu aalajangiisoqannginnerani tamanut ammasumik saqqummiunneqartarnissaasa qulakkeerneqarnissaa aalajangersakkami siunertarineqarpoq. Nunaminertaq tamanut ammasumik saqqummiunneqarsimangippat, tunngaviummik kommunalbestyrelsi pisussaavoq, pilersaarusiornermut tunngavissat pisariaqartinneqartut pissarsiarissallugit, imaluunniit tassunga taarsiullugu qinnuteqaat itigartissallugu. Aalajangersakkap oqaasertaliornerata nassatarisaanik inatsisit malillugit nunaminertaq tamanut saqqummiunneqareerpat aatsaat kommunalbestyrelsi atuisinnaatitaanissamut qinnuteqaatinik tiguisinnaavoq.

§ 24 naapertorlugu kommunimi pilersaarutip tamanut ammasumik nalunaarutigineqarneranut atatillugu tamanna nalinginnaasumik pisinnaavoq. Kisiannili nunaminertap imaluunniit sanaartorfissap tamanut ammasumik saqqummiunneqarnissaa immikkut ittumik pisinnaavoq, soorlu § 49 naapertorlugu saneqqutitsisinaanissamut akuersissuteqarnermut atatillugu.

§ 41-mut

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 12-imi ingerlatitseqqinneruvoq. Nunaminertami pineqartumi atuisinnaanissamut akuersissuteqarnissap inaarutaasumik aalajangiiffigineqannginnerani, nunaminertamik atugassinneqarnissamik qinnuteqaatit tamanut ammasumik tusarniaassutigissallugit kommunalbestyrelsi pisussaasoq aalajangersakkami aalajangersarneqarpoq.

Imm. 2-mut

Qinnuteqaatigineqartoq sumiiffimmuut aalajangersakkanut atuuttunut naapertuuppat aalajangersakkami imm. 1-imi ilisimatitsinissamut pisussaaffik saneqqunneqarsinnaavoq, taakkunungalu kommunimi pilersaarummi aalajangersakkat pingarnerit aamma §§ 19 aamma 20 naapertorlugit aalajangersakkat nassuiaasersukkat maleruagassiorfiusut ilaatinneqarput. §§ 22, imm. 3 imaluunniit 23, imm. 2 naapertorlugit kommunimi pilersaarutip suliarineqarneranut atatillugu tamanut tusarniaasoqareersimasussaanera tamatumunnga tunngavigineqarpoq. Sumiiffiit ilaannut aalajangersakkat aalajangersakkanut, § 30 naapertorlugu inatsisitigut sunniuteqarallartussatut taaneqarsinnaasutut tamanut ammasumik saqqummiunneqarsimasunut ilaapput.

Imm. 3-mut

Sanaartornerit annikinnerusut pingaannginnerusullu, naliliineq malillugu tamanit eqqumaffigineqarsinnaanngitsutut isumaqarfigineqartut pineqarpata, ilisimatitsinissamut pisussaaffik saneqqunneqarsinnaavoq. Tassani pineqartut nalinginnaasumik tassaasarput majuartarfiit, aneersuartarfiit, queeqqat, quit il.il., avatangiisini najugaqartunut akornutaasussatut naatsorsuutigineqanngitsut. Tamannattaq atuisinnaatitaanermik pisinnaatitaaffimmik pigisaqalersumut nutaamut tunniussinermut, imaluunniit nunaminertamik atuinerup allanggortinneqarneranut

tassanilu nunaminertamik atuinerup nutaap saniliusunut aammalu sumiiffiup atorneqarneranut pingaarnermut isumaqanngitsutut nalilerneqarpat atuutissaaq.,

§ 42-mut

Aalajangersagaq kommunimut pilersarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 13-
imik ingerlatitseqqinneruvoq. Kommunalbestyrelsip § 40 naapertorlugu tamanut ammasumik tusarniaanermi ataatillugu sivikinnerpaamik sapaatit akunnerinik marlunnik piffissaliisarnissaa aalajangersakkami aalajangersarneqarpoq, piffissamilu tassani qinnuteqaatigineqartumut akertiliiisoqarsinnaavoq.

Imm. 2-mut

Imm. 1 naapertorlugu tusarniaanermi piffissarititaasup iluani qinnuteqaatigineqartumut akertiliiisoqarpat, qinnuteqaatip suliarinerani akertiliiissutit taakku kommunalbestyrelsip isummerfigissallugit pisussaaffigaa. Akertiliiissutaasinnaasut itigartitsinissamut tunngaviliissanngillat, kisiannili kommunimi pilersaarut iluarsineqassanersoq kommunimi aalajangiiffigineqartariaqarpoq.

§ 43-mut

Aalajangersagaq imamigut allannguuteqartinneqarluni kommunimut pilersarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 14-imik ingerlatitseqqinneruvoq. Namminersorlutik Oqartussani kulturimik pinngortitamillu eriagisaqarnermut oqartussaasut nunami ammaannartumi nunaminertanik atugassiisarnermut ataatillugu tusarniaafigineqartarnermik, 1. Januar 2011-mi pilersarusiortarnermut nunaminertanillu atugassiisarnermut oqartussaaffiup kommuninut nuunneqarnerata kingorna ingerlaannarnissaanik kissaateqarnerat allannguutissatut siunnersuutigineqartunut tunngavigineqarput. Kiisalu nunaminertanik ingerlatsinermi oqartussaasut tusarniaassutigisartagassaannut suliaannut annikitsunut killissarititaasunik atuutsitsisoqalisaaq.

Imm. 1-imut

Illoqarfiit nunaqarfiillu avataanni nunaminertanik atugassinneqarnissamut qinnuteqaatit oqartussaasunut attuumassutilinnut susassaartunullu kalluarneqarsinnaasunut nassiunneqarnissaat nunaminertanik ingerlatsinermi oqartussaasut pisussaaffigigaat aalajangersakkami aalajangersarneqarpoq. Oqaaseq ”susassaartut kalluarneqarsinnaasut” matumunnga ataatillugu Namminersorlutik Oqartussani oqartussaasunut kalluarneqartussanut tunnganerusutut paasineqassaaq, kisiannili aamma sanilit il.il. pineqarlutik. Oqartussaasut kikkut tusarniarneqartassanersut aalajangersassallugu naleqquttutut isumaqarfigineqanngilaq. Kisiannili tunngaviusumik Nunatta Katersugaasivia Allagaateqarfialu – NKA, Nunami Namminermi, Pinngortitamut Avatangii-sinullu Naalakkersuisoqarfik aamma Aalisarnermut, Piniarnermut Nunalerinermullu Naalakkersuisoqarfik tusarniaafigineqartussatut naleqqussorineqarpoq. Aammali Naalakkersuisoqarfiit il.il. attuumassuteqartut ilaatinneqartariaqarput. Nunaminertanik atugassiisarnermik ingerlatsinermi oqartussaasut naliliinerat tamatumunnga apeqqutaassaaq.

Imm. 2-mut

Namminersorlutik Oqartussat isumaqarpata, nunami sumiiffiup annertunerusumik killiligaa-sup iluani nunaminertamik atugassinneqarnissamik qinnuteqaateqartoqarneranut ataatillugu oqartussaasunut tusarniaanissaq pisariaqanngitsoq, imm. 1 naapertorlugu tusarniaanissamut

pisussaaffik saneqqunneqarsinnaasoq aalajangersakkami aalajangersarneqarpoq. Aamma sumiiffiit annertunerusumik killilikkat tamanut atugassiissutigineqarnissaat aalajangersakkami periarfissinneqarpoq.

Imm. 3-mut

Kommunalbestyrelsi nunaminertanik atugassiinissamut qinnuteqaatinik najoqqutassanullu ilassutaasinnaasunik oqartussaasunut kalluarneqarsimasinnaasunut kiisalu suliami akuusunut allanut nassiussisussaasoq aalajangersakkami aalajangersarneqarpoq. Tamannali paasissutissanut inunnut tunngasunut, imaluunniit paasissutissanut allanut, suliassanik suliaqartarnermut aalajangersakkanut allagaatinik takunnissinnaatitaanermut tunngasunut ilaatinneqanngitsunut atuutinnngilaq. Kommunalbestyrelsip nassiussinerminut atatillugu qinnuteqaatigineqartumut akerliliissutinik saqqummiinissamut imaluunniit oqaaseqaateqarnissamut sapaatit akunneri pingasut inornagit piffissaliissaaq. Piffissaq tusarniaaffiususaaq sapaatit akunnerinit marluniit pingasunut sivitsorneqarpoq, taamaaliornikkut oqartussaasut kalluarneqartut qinnuteqaatigineqartup tusarniaassutigineqarnerani akissuteqarnissamut pisariaqartitaminnik piffissalernerqarlutik. Piffissaq tusarniaaffiusoq tusarniaaffiusup najoqqutassanik nassiunneqartunik tigusiffissaatut missiliorneqarneraniit naatsorsorneqassaaq.

Imm. 4-mut

Aalajangersagaq nutaajuvoq, tassanilu atuisinnaatitaanermik tunniussisoqarsimappat, imaluunniit qinnuteqaat pissutsinut annikinnerusunut pingaanginnerusunulluunniit, soorlu il-luaqqanik pioreersunik alliliinermut, kiisalu silami issiavinnik, erfalasulerfinnik, manisivinnik il. il. ikkussinissamut tunngasuuppat, imm. 1 naapertorlugu tusarniaanissamik piumasagaat saneqqunneqarsinnaasoq aalajangersarneqarpoq.

§ 44-mut

Aalajangersagaq imamigut allannguuteqartinneqarluni kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 16-imi ingerlatitseqqinneruvoq.

Imm. 1-imut

Nunaminertamik atugassiinissaq nuna tamakkerlugu pilersaarusiortarnermi soqutigisanut uniuuppat, kommunalbestyrelsip nunaminertamik atugassiinissamik akuersisinnanginnera aalajangersakkami aalajangersarpoq. Taakku nalinginnaasumik Namminersorlutik Oqartussat soqutigisaanni taaneqartuni § 4, imm. 3-mi takuneqarsinnaassapput, kisiannili aamma oqartussaasut naalackersuinikkut akisussaasuusunit toqqaannartumik kommunalbestyrelsimut ilisimatitsissutigineqarsinnaallutik. Aamma nunaminertamik atugassiinissaq inatsimmut allamut uniuuppat akuersissutinik tunniussisoqaqqusaanngitsoq aalajangersakkami erseqqissarneqarpoq. Kisiannili immikkoortumut inatsimmi aalajangersakkanik saneqqutsisinnaanermut akuersissummik peqartoqarpat akuersissummik tunniussisoqarsinnaavoq.

Imm. 2-mut

Tamatuma saniatigut nunaminertamik atuisinnaanissamut qinnuteqaat kommunini pilersaarusiornissamut tunngaviusunut naapertuuppat aatsaat akuersissuteqartoqarnissaata qulakkeerneqarnissaanut kommunalbestyrelsi pisussaavoq, taakkunungalu §§ 19-imi aamma 20-mi aalajangersarneqarsimasut ilaapput. § 20 naapertorlugu aalajangersakkat nassuiaasersukkat male-ruagassiorfiusut inissinneqarsimangippata, kisiannili qinnutigineqartoq § 26, imm. 2 aamma 3 naapertorlugit pilersaarusiornissamut pisussaaffimmik aallartitsippat, kommunalbestyrelsip pilersaarusiornissamut tunngavissat amigaatigineqarnerat innersuussutigalugu nunaminerta-

mik atugassinneqarnissamik qinnuteqaat itigartissinnaangilaa. Taamatut pisoqartillugu kommunalbestyrelsi § 31 naapertorlugu inerteqquteqarallarnermik atuutsitsisariaqarpoq, taamaalillunilu qinnuteqaatigineqartup itigartinnissaanut akuerinissaanullunniit tunngavissanik pisariaqartinneqartunik pissarsiniartariaqarluni.

Nuna tamakkerlugu pilersaarut aamma kommunimi pilersaarusiornissamut tunngaviusut imminnut naapertuutinnigippata, § 13, imm. 3 innersuussutigalugu nunaminertamik atugassinneqarnissamik qinnuteqaat tunngaviusumik pilersaarusiornissamut pisussaaffiliinermik aallartissutaassaaq. Taamatut pisoqartillugu kommunalbestyrelsi § 31 naapertorlugu inerteqquteqarallarnermik atuutsitsisariaqarpoq, aammalu nunaminertamik atugassiinissap nalunaarutigineqangerani kommunimi pilersaarut iluarsisariaqarlugu.

Imm. 3-mut.

Nunaminertamik atugassinneqarnissamik qinnuteqaat nuna tamakkerlugu pilersaarummut aamma kommunimi pilersaarummi aalajangersakkanut pingaarnernut aalajangersakkanullu nassuiaasersukkanik maleruagassiorfiusunut naapertuuppat, tunngaviusumik kommunalbestyrelsi qinnuteqaatigineqartumut atuisinnaatitaanissamik akuersisoqassanersoq aalajangiissaaq. Taamaakkaluartoq kommunalbestyrelsip sanaartornerup pinngitsoortinneqarnissaa kissaatingipagu, § 31 naapertorlugu kommunalbestyrelsi inerteqquteqarallarnissamik, tamatumalu kingorna sumiiffimmuut pineqartumut pilersaarusiornissamut tunngavissanik suliaqarnissamut periarfissaqarpoq.

Imm. 4-mut

Aalajangersagaq nutaajuvoq, tassanilu kommunimi nunaminertat qinnuteqartunut, teknikkimut aningaasaqarnermulluunniit tunngassuteqartut pissutigalugit qinnutigineqartumik naammassinninnaangitsunut, taamaalillutillu siunertanut paragrafini nr. 3)-mut uniuuttumik nunaminertami pineqartumi akornusiisunut atuisinnaatitaanermik tunniussisoqartannginnissaata qulakkeerneqarnissaa siunertarineqarpoq. Nunaminertamik atugassiinissamut akuersisuteqartoqarnissaa sioqqullugu kommunalbestyrelsip sanaartugassap teknikkikkut aningaasaqarnikkullu piviusunnngortinneqarsinnaaneranut uppersaammik takutitsisoqarnissaanik piumasaqarsinnaanera tunngavilerneqarpoq. Tamatumunnga atatillugu sanaartukkap teknikkikkut aningaasaqarnikkullu naammassineqarsinnaanissaa kisimi kommunip aalajangiineranut tunngavigineqartassasoq erseqqissarneqassaaq. Qinnuteqartup aningaasaqarnera tamakkiisooq naammagarnerasoq, kommunalbestyrelsip naliliinissaata avataaniippoq.

§ 45-mut

Aalajangersakkami pilersaarusiorneq aamma nunaminertat atorneqartarnerat pillugu Inatsisartut peqqussutaat nr. 11, 5. december 2008-imeersumi § 29 aamma kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersumi § 17 ataatsimoortunngortinneqarput. Aalajangersagaq nunaminertanik atugassiinermut pissutsit suut ilanngunneqarsinnaanersut pillugu maleruagassanik imaqarpoq.

Imm. 1-imut

Aalajangersakkami aalajangersarneqarpoq peqqussutissatut siunnersuutip siunertaanut naapertuuttumik nunaminertanik atugassiinermut piumasaqaatinik atugassarititaasussanillu aalajangersaasoqarsinnaasoq. Aalajangersakkap immikkoortuata aappaani aammattaq aalajangersarneqarpoq piumasaqaatit atugassarititaasussallu § 13 naapertorlugu pilersaarusanut (tak. kap. 4) naapertuutissasut. Tamanna nunaminertanik atugassiinermut akuersissummi

piumasaqaatini atugassarititaasussanilu aalajangersarneqartuni, pilersaarutit taakku aalajangersagartai sukumiinnginnerusut itisilerneqarsinnaanerannut akornutaanngilaq. Assersuutitut taaneqarsinnaavoq suliffeqarfiit sanaartugaannut ingerlatsinerannullu aamma matussappata matunerannut atatillugu piumasaqaatit, assersuutigalugu nunaminertap piffissap naleqquttup iluani atorneqalernissaanut taamatullu atuinissamut allamut mattussisumik inniminniinnarneqannginnissaanut qulakkeerinissaq eqqarsaatigalugu piumasaqarnissaq pisariaqartutut nalilerneqarpat. Suliffeqarfiup pilersinneqarnerani angallannermut sanaartukkat, eqqakkanut kuuffiit minguviaaviillu allilerneqarnissaat pisariaqalersinnaavoq.

Atugassarititaasussatut aalajangerneqarsinnaavoq suliffeqarfik pisortat tassunga atatillugu aningaasartuutissaannut akileeqataassasoq.

Kisiannili piumasaqaatitut atugassarititaasussatullu aalajangersarneqartussatut isumaliutersuutigineqartut nalinginnaasutut ilusilerneqarajuttarput aammalu innuttaasunut tamanut pingaarteqarajuttarlutik, taamaalilluni innuttaasut piumasaqaatit atugassarititaasussallu atuutilersineqartussatut isumaliutersuutigineqartut ilisimaarilernissaannut naleqquttuussusiinillu nalilisinnaanissaannik periarfissineqartussaassallutik. Taamaattoqartillugu piumasaqaatit atugassarititaasussallu pineqartut aatsaat peqqussutissatut siunnersuummi § 13 naapertorlugu sumiifiup ilaanut aalajangersimasumut aalajangersagaliortoqareernerani aalajangersarneqarsinnaapput.

Aalajangersagaq nunaminertamik atuinissamik akuersissutip piffissamut aalajangersimasumut killilerneqarnissaanut tunngavissiivoq, taamaalilluni oqartussat aalajangiineranni pisunik unitsisoqaqqunagu, taamaalillutillu pingaartitassat allat ineriartornerup kingunerisaanik pingaernerutinneqarsinnaanerani pinngitsoortillugu.

§ 46-mut

Aalajangersagaq nutaajuvoq. Nunaminertaq atugassiissutigineqartoq nunaminertamik atugassiinermi piffissarititaasup iluani, tak. § 47, imm. 2, atorneqalersimanngippat, nunaminertamik atuisinnaatitaaneq unitsinneqassasoq aalajangersakkami aalajangersarneqarpoq. Tamanna pisappat oqartussaasup nunaminertanik ingerlatsisuusup atuisinnaatitaaneq allamut tunniutissallugu periarfissaqarpoq.

§ 47-mut

Aalajangersagaq kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 18-imi ingerlatitseqqinneruvoq.

Imm. 1-imut

Kommunip iluani nunaminertanik atugassiissutigineqartunik nutaanik nalunaarsuineq kommunalbestyrelsip pisussaaffigigaa aalajangersakkami aalajangersarneqarpoq. Kommunimi nunaminertat suut atuisinnaatitaaffigineqartutut nalunaarutigineqarsimanersut kommunimit ilisimaneqarnissaasa pisariaqartutut isigineqarnera tamatumunnga tunngavigineqarpoq. Nunaminertanik atugassiinerit qanoq iliorluni nalunaarsorneqartassanersut aalajangersakkami aalajangersarneqanngilaq. Nunaminertanilli ataavartumik atugassiinerit nalinginnaasumik Kalaallit Nunaanni nunaminertanik nalunaarsuiffimmut – NIN-imut – nalunaarsorneqartussaapput, kiisalu nunaminertat umiatsianik qaqqitsinermut, containerit sivikitsumik inissisimatinne-

qarnerinut, kiisalu sanaartornermut atatillugu nunaminertanik saniliusunik atuisinnaatitaagal-larnernut atornerqartut nalunaarsorneqarneq ajorput.

Imm. 2-mut

Kommunimi nunaminertanik atuisinnaatitaanerit pioreersut ingerlaannartumik misissorneqar-tarnerat pisariaqartillugulu iluarsineqartarnerat kommunalbestyrelsip pisussaaffigigaa aalaja-ngersakkami aalajangersarneqarpoq, taamaalillunilu kommunimi nunaminertanik atuisinnaati-taanerit kommunip sukkulluunniit nutartikkamik paasisaqarfigisinnaavaa.

§ 48-mut

Aalajangersagaq kommunimut pilersaarusionerq aamma nunaminertat atornerqarnerat pillugit Namminersornerullutik Oqartussat nalunaarutaat nr. 7-imi, 26. februar 2009-meersumi § 19-imik ingerlatitseqqinneruvoq.

Imm. 1-imut

Nunaminertanik atugassiisarneq tunngaviusumik tamanut sullissinermut inatsimmi kapitali 2-mi, allagaatinik takunnissinnaanermut tunngasumi ilaatinneqartut aalajangersakkami aalaja-ngersarneqarpoq. Tamanna aamma piumasaqaatinut, nunaminertanut atugassiinissamut akuer-sissutit nalunaarutigineqarnerannut tunngaviusunut atuuppoq.

Imm. 2-mut

Imm. 1 naapertorlugu nunaminertanik atugassiinerit takuneqarsinnaanerannut paasissutissat inunnut tunngasunut ilaangitsut aalajangersakkami aalajangersarneqarpoq. Nunaminertanik atugassiinerit tamanit takuneqarsinnaanerannut pisinnaatitaaffik aamma tamanut sullissiner-mut inatsimmi kapitali 3 naapertorlugu annikillisinneqarsinnaapput.

§ 49-mut

Aalajangersagaq pilersaarusionerq aamma nunaminertat atornerqartarnerat pillugit Inatsisartut peqqussutaanni nr. 11-imi, 5. december 2008-imeersumi § 30-mik ingerlatitseqqinneruvoq.

Imm. 1-imut

Aalajangersakkami kommunimut pilersaarutip saneqqunneqarnissaanut immikkut ittumik a-kuersissutit pineqarput aammalu sumiiffinnut pilersaarutit saneqqunneqarnissaannut immik-kut ittumik akuersissuteqarsinnaaneq pillugu inatsimmi atuuttumi aalajangersakkanik ingerla-titseqqiinerulluni.

Kommunalbestyrelsi aalajangersagaq manna naapertorlugu, immikkut ittumik akuersineq pi-lersaarummi tunngaviusunut akerliunngippat, kommunimut pilersaarummi aalajangersakkat sanaqqunneqarnissaannut immikkut ittumik akuersissuteqarnissamut aalajangiisinnaatitaavoq. Tunngaviusut pingaartumik sumiiffiup ilaanut aalajangersimasumut siunertatut aalajanger-sakkami aammalu atuinissamut aalajangersakkani pilersaarummut siunertaasut aallaavigalugit aalajangersarneqartuni aalajangersagaapput. Tunngaviusunut aamma sumiiffiup ilaata aalaja-ngersimasup aaqqissugaanera ilaavoq, ilanngullugit nunaminertat atornerqartussaangitsut aammalu illuliortiterfissat agguataarneqarnerat. Taamaattumik sumiiffiup atornerqartussaan-ngitsutut aalajangerneqarsimasup atornerqarnissaanut immikkut ittumik akuersissuteqartoqar-sinnaanngilaq.

Aalajangersakkat erseqqinnerusumik illuliortiterfissat annertussusaannik, ilusilersorneqarnissaannik inissisimaffissaannillu maleruagassiiusut nalinginnaasumik pilersaarummi tunngaviusunut ilaaneq ajorput. Tamannali tamatigut atuuttanngilaq: Sumiiffinni allanngutsaaliugassatut eriagineqartuni, illuliormi kusanartuliornissaq pilersaarutip siunertaanut ilaasimappat, sumiiffimmi illuliormi kusanartunik isikkoqartitsinissap qularnaarnissaanut, aalajangersakkat illuliormut maleruagassiiusut pingaaruteqarluinnarsinnaapput. Taamaattumik taamaattoqartillugu immikkut ittumik akuersissuteqarnissamut periarfissat killeqartussapput.

Imm. 2-imut

Sumiiffiup ilaanut aalajangersimasumut aalajangersakkat maleruagassiiusut isumaqatiginniniarnerup kingorna imaluunniit Namminersornerullutik Oqartussat oqartussaasuunik isumaqatigiissuteqarnikkut aalajangersarneqarsimappata, pilersaarutip saneqqunneqarnissaa oqartussat pineqartut akuersereernerisigut aatsaat pisinnaavoq. Tamannattaq atuuppoq sumiiffimmut aalajangersakkat inatsisit atuuttut naapertorlugit aalajangersarneqarsimappata.

Sumiiffik assersuutigalugu Pinngortitamik illersuinissamik inatsimmi nunaannarmi illersuinissamik killeqarfinni, ilaatigut sinerissap killeqarfianit 100 meterinik ungasissusilimmi sanaartornissamik maleruagassiiusumi, pineqartunut ilaasimappat, oqartussat taakku pineqartut akuersiteqqaarlugit aatsaat kommunalbestyrelsi immikkut ittumik akuersissuteqarsinnaavoq aammalu nunaminertamik atugassiinissamik/sanaartornissamut akuersissummik nalunaaruteqarsinnaalluni.

Imm. 3-imut

Aalajangersakkami aalajangersarneqarpoq immikkut ittumik akuerineqartussatut qinnuteqaataasoq pilersaarummut tunngaviusussanut naapertuuppat aatsaat, kommunalbestyrelsi pilersaarutip tunngaviisa saneqqunneqarnissaannik immikkut ittumik akuersisinnaasoq. Qinnuteqaat pilersaarummut tunngaviusussanut akerliusimappat, kommunalbestyrelsip sumiiffimmut pilersaarutip tunngaviisa iluarsaateqqinneqarnissaat isumagisariaqarpaa imaluunniit § 28 naapertorlugi qinnuteqaat itigartittariaqarlugu.

Imm. 4-imut

Aalajangersakkami aalajangersarneqarpoq, immikkut ittumik akuersissuteqarneq eqqaamiunut pingaaruteqarsimappat, kommunalbestyrelsi saniliusunut kiisalu allanut attuumassuteqartunut suliap inerneranut annertuumik soqutigisaqarsinnaasutut naatsorsuutigineqartunut tusarniaasasoq. Akerliliissuteqarnissamut minnerpaamik sapaatit akunnerinik marlunnik piffissaliussisoqassaaq aammalu piffissaliussaq taanna naareerpat aatsaat kommunalbestyrelsip suliaq inaaruutaasumik suliarisinnaavaa.

§ 50-mut

Aalajangersagaq pilersaarusiorneq aamma nunaminertat atorineqartarnerat pillugit Inatsisartut peqqussutaanni nr. 11-imi, 5. december 2008-imeersumi § 31-mik ingerlatitseqqinneruvoq.

Imm. 1-imut

Aalajangersagaq pinngitsaaliissummik taarsiinertalimmik arsaarinnissuteqartarneq pillugu inatsimmut tikuussisuuvoq, inatsit taanna pilersaarusiormerup piviusunngortinneqarnissaanut pinngitsaaliissummik taarsiinertalimmik arsaarinnissuteqartarneq pillugu inatsisitigut tunngavissanik pisariaqartunik imaqarluni. Pisut ilaanni pilersaarutit piviusunngortinneqarnissaannut pisinnaatitaaffinnut pioreersunut akuliunnissaq pisariaqarsinnaavoq. Tamanut saqqummiussinissamut maleruagassatigut pilersaarutissatullu siunnersuutit pillugit oqallitsitsinertigut soqu-

tigisat aalajangersimasut imminnut aporaattut taarsiinissamullu kissaatigineqartut siusissukkut saqqummertarnissaat anguniarneqartarpoq, taamaalillutillu pilersaarutit inaarutaasumik ilusilerneqannginneranni ilanngunneqarsinnaanissaat periarfissiniarneqartarluni.

Pinnngitsaaliissummik taarsiinertalimmik arsaarinnissuteqartarneq pillugu aalajangersakkap atorneqarsinnaanissaanut pingaaruteqarpoq, sumiiffiup ilaanut aalajangersimasumut aalajangersakkani atuinerup/illuliortiternerup pinnngitsaaliissummik taarsiinertalimmik arsaarinnissuteqarfigineqartartussatut kissaatigineqartup erseqqissumik nassuiarneqarsimanissaa. Taanna pillugu kommunimut pilersaarut ima sukumiitigisariaqarpoq, nunaminertap pineqartup sumut atorneqarnissaa eqqarsaatigineqarneris erseqqissumik allassimasariaqarluni, ilanngullugu illuliorfissanik atuinissaq kiisalu allatut nunaminertanik atuinissaq.

Piomasagaataanngilaq pilersaarummik piviusunnngortitsisut tassaassasut pisortat oqartussat. Pigisaaq pinnngitsaaliissummik taarsiinertalimmik arsaarinnissutigineqartoq inummut allamut pilersaarummumt tunngaviusut imarisai naapertorlugit atuiumasumut taamaalilluni tunniunneqarsinnaavoq.

Imm. 2-imut

Pinnngitsaaliissummik taarsiinertalimmik arsaarinnissuteqartarneq pillugu aalajangersakkat, pigisanik aalaakkaasunik arsaarinnissuteqartarneq pillugu Kalaallit Nunaanut inatsit naapertorlugi, suliassaqarfinnut Namminersorlutik Oqartussat akisussaaffigisaannut killiligaavoq. Suliassaqarfinnut Namminersorlutik Oqartussat akisussaaffiginngisaanni Naalagaaffimmit pinnngitsaaliissummik taarsiinertalimmik arsaarinnissuteqartarneq, pigisanik aalaakkaasunik arsaarinnissuteqartarneq pillugu inatsit sukkulluunniit atuuttoq naapertorlugi pisinnaavoq.

§ 51-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 32-mik ingerlatitseqqinneruvoq.

Imm. 1-imut

Aalajangersakkami pigisamut piginnittup pisut ilaanni kommunip pigisamik pineqartumik tamakkiisumik ilaannaasumilluunniit taarsiissuteqarluni tigusinissaanik piomasaqarsinnaatitaanera aalajangersarneqarpoq. Pigisamik aningaasatigut atorluanaanissamik periarfissaq aalajangersakkani kommunimut pilersaarummi aalajangersarneqartunit atuukkunnaarsinneqarpat imaluunniit ajorseriartinneqarpat, aalajangersagaq atorneqarsinnaavoq. Tamanna pisinnaavoq kommunalbestyrelsip illumik isaterinerit imaluunniit allannngortitinerit kommunalbestyrelsimit akuerineqaaqaartassasut piomasarippagu. Illuutit ataasiakkaat imaluunniit illoqarfup ilaasa ataasiakkaat piunnartinneqarnissaannut atatillugu killilersuinerni tamanna ilaatigut atuutissaq.

Imm. 2-imut

Tiguisussaataitaneq imm. 2-imi maleruagassami killilerneqarpoq. Aalajangersagaq manna naapertorlugi naliliinissamut, piffissami tigusinissamik piomasaqarnerup saqqummiunneqarnerani pissutsit aallaavigalugit, pissutsit pilersaarut pigineqanngitsuuppat qanorissimassagaluarnerannik assersuussineq tunngaviussaaq.

Imm. 3-imut

Aalajangersakkami aalajangersarneqarpoq aaqqiinissamik isumaqatigiittoqanngippat taarsiisutip annertussusaa pinngitsaaliissummik taarsiinertalimmik arsaarinnissuteqartarnek pillugu inatsit tunngavigalugu aalajangerneqassasoq.

§ 52-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 33-imik ingerlatitseqqinneruvoq.

Aalajangersagaq piginnaatitsissutaavoq aammalu aalajangersarneqarpoq Namminersornerullutik Oqartussat illuliornermik oqartussaaneq pillugu aamma illuliassat sanaartugassallu allat napparnissaat, sananeqarnissaat aamma aaqqissuunnissaat pillugit aalajangersakkanik aalajangersaassasut.

Piginnaatitsissut illuliorititernermi oqartussaassuseq pillugu Namminersornerullutik Oqartussat nalunaarutaanni nr. 13-imi 18. august 2006-imeersumi atuuttumi atorneqarpoq.

§ 53-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 34-imik ingerlatitseqqinneruvoq.

Aalajangersakkami kommunalbestyrelsi maleruagassat Naalakkersuisunut isumaqatigiissutigineqartut naapertorlugit oqartussatut suliarinninnermut akitsuummik akiliisitsisarnissaanik piginnaatinneqarpoq. Tunngaviusut immikkut ittut atuutsillugit akitsuutit aalajangersimasumik siunertallit pineqarput. Taamaalilluni naatsorsuinermini aningaasartuutit toqqaannartumik, toqqaannangitsumik imaluunniit illuatungeriisillugit sumiiffimmut tunngassuteqartut kisimik ilanngunneqarsinnaapput.

Akitsuummi ilaapput aningaasartuutit kommunip suliarinninnermini aningaasartuutigisai kii-salu aningaasartuutit naleqquttumik naliliineq malillugu qinnuteqaatinik aqutsinermut tunngasut, ilanngullugit misissuinerni, assersuutigalugu atuinissamik akuersissummik tunniussin-ginnermi illuliorfimmik takusaanermi.

§ 54-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi § 35-imik ingerlatitseqqinneruvoq.

Imm. 1-imut

Illuliassat sanaartugassallu allat napparnissaanni, sananeqarnissaanni aamma aaqqissuunnissaanni maleruagassat peqqussummi matumani tunngavissinneqartut malinneqarnissaat qulakkearniarlugu, illuliornermut oqartussat isumaqatigiissuteqareernermmikkut aammalu eqqartuus-inertaqanngitsumik illumut inuup nammineq pigisaanut isernissaminik piumasaqarsinnaapput.

Tunngaviusumik inatsimmi § 72 pingaarnertut maleruagassaavoq, taanna malillugu inigisaq innimigineqartussaalluni. Aalajangersakkammi eqqartuussinertaqanngitsumik akuliunnissaq pineqartoq naammassiniarlugu immikkut ittumik pisariaqarpat, inatsisit pingaarnertut maleruagassamik pinngitsoortitsisinnaapput.

§ 54-imut pingaarnertut siunertaavoq, illuliortiternerup maleruagassanut aalajangersagaasunut naapertuuttumik ingerlanneqarnissaata aaqqissuunneqarnissaatalu qularnaarneqarnissaa, tak. § 52. Taamaattumik nakkutilliisussaataasut illuummut isersinnaanissaat pisariaqarpoq. Siunertaasoq inigisap innimigineqartussaananeramik pingaartitsinermit pingaaruteqarnerusoq naatsorsuutigineqarpoq.

Imm. 2-imut

Aalajangersakkami imm.1 inigisap innimigineqartussaanera pillugu tunngaviusumik inatsimmi § 72-imi ilaatitsinnginnermik imaqarpoq. Innuttaasut inatsisitigut illersugaanissaat qularnaarniarlugu aammalu aalajangersakkap pissusissamisuumngitsumik atornerlunneqarsinnaanera pinngitsoortinniarlugu, pigisamut namminerisamik pigineqartumut isernissaq piumasarineqartillugu, kommunalbestyrelsip imaluunniit kommunimi pilersaarusiornermut oqartussaasup tamanna piumasarineqartillugu kinaassutsimik ilisarnaammik takutitsisussaanaera piumasaqaa-taavoq.

§ 55-imut

Imm. 1-imut

Aalajangersagaq nutaajuvoq, tassanilu § 26, imm. 2 naapertorlugu sanaartugaq kommunip pilersaarusior-nissamut pisussaaffeqarneramik aallartitsisimappat, pilersaarutip suliarineqarnerani sanatitsisup kommunimut ikiuunnissaa kommunimit piumasarineqarsinnaasoq aalajangersarneqarpoq. Sanatitsisup piumasaqarneratigut pilersaarutissatut siunnersuutip suliarineqartarnera tamatumunnga tunngavigineqarpoq. Sanatitsisoq najoqqutassanik assigiinngitsunik kommunimut nassiussisimagaluarpalluunniit, kommunalbestyrelsip akuersinissaa imaluunniit pilersaarutissatut siunnersuutip sanatitsisup kissaataanik imaqarnissaa qulakkeerneqarsinnaanngilaq. Sanatitsisup ikiuunnissamut pisussaataananeramik oqarneq matumunnga atatillugu annertuutut paasineqassaaq. Tassalu teknikkikkut paasissutissat attuumassutillit, sanaartugasap pilersaarusior-nissaanut tunngaviliisussat, kisiannili aamma assersuutigalugu siunnersortimut ikiorneqarnermut aningaasartuutininut aningaasaleeqataanermik kinguneqartussat nassiunneqarnissaat aalajangersakkami pineqarput.

§ 56-imut

Aalajangersagaq nutaajuvoq, aammalu akitsuutinik, nunaminertanik atugassinneqarnissamik qinnuteqaatit kommunalbestyrelsimit Inatsisartut peqqussutaat naapertorlugu suliarineqartarnerininut aningaasartuutininut matussutissatut siunertaqarfiusunik akiliisitsiniarnissamut tunngaviliilluni. Akitsuut kommunalbestyrelsimit aalajangerneqassaaq, aammalu kommunip suliamik suliaqarneranut matussusiissalluni, tassungalu ilaapput qinnuteqaatip immersorneqarneranut atatillugu ilitersuineq, paasissutissanik pissarsineq pissarsiniarnerlu, digitaliseeriineq, § 60 naapertorlugu aalajangiineq nakkutilliinerlu, kiisalu §§ 40-miit 43-mut imaluunniit § 49 naapertorlugit tamanut ammasumik imaluunniit suliami akuusunut tusarniaasinnaaneq.

Kommunalbestyrelsip akitsuutip annertussusissaa kommunimi malittarisassani aalajangissavaa. Tamatumunnga atatillugu illoqarfinni nunaqarfinnilu qinnuteqaatit, illoqarfiit nunaqarfiillu avataannut qinnuteqaatit, piffissalikkamik nunaminertanik atugassiisarnerit, qinnuteqaatit kommunimi pilersaarummi aalajangersakkanik saneqqutsinissamik pisariaqartitsiviusut, taamaattumillu § 49 naapertorlugu sanilinut tusarniaassutaasussat il.il. assigiinngitsunik akeqartillugit akitsuutip annertussusissaata allanngorartuussanersoq kommunip aalajangersinnaavaa.

Qinnuteqartoq qinnuteqaammi kommunalbestyrelsimut nassiunneqartumi annertunerusumik annertuumilluunniit allannguisimappat, allannguinerullu kingunerisaanik qinnuteqaat nutaamik ilusilerneqartariaqarpat, kommunalbestyrelsi suliamik suliaqarnerminut akitsuummik nutaamik akiliisitsinissamik piumasaqarsinnaavoq.

Akitsuut, nunaminertamik atugassinneqarnissamik qinnuteqaat § 26, imm. 2 aamma imm. 3 naapertorlugu pilersaarusiornissamut pisussaaffimmik aallartitsissutaagaluarpalluunniit, sumiiffiup ilaanut pineqartumut kommunip pilersaarusiornissamut tunngavissamik suliaqarneranut matussusiisussaangilaq. Tamatumunnga aningaasartuutit kommuninut ataatsimoorusamik tapiissutit aqcutigalugit akilerneqartarnerisa ingerlaannarnissaa naatsorsuutigineqarpoq, taamaattorli tak. § 55.

§ 57-imut

Aalajangersagaq nutaajuvoq, aammalu § 55 naapertorlugu kommunip akitsuutinik akiliisitsisarnissaanut, imaluunniit pilersaarusiortarnermut inatsit naapertorlugu kiffartuussinernut allanut akitsuutinik akiliisitsisarnissaanut Naalakkersuisut kingusinnerusukkut aalajangersaasinnaaneranunat tunngaviliilluni, taakkunungalugu ilaapput sumiiffiit ilaanunat pilersaarutinut aalajangersakkat nassuiaasersukkanik maleruagassiorfiusut suliarineqarnerannut akitsuutit imaluunniit § 58 il.il. naapertorlugu maalaarutinik suliaqarnermut akitsuutit.

§ 58-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 36-mik ingerlatitseqqinneruvoq.

Imm. 1-imut

Aalajangersakkami pilersaarutinut aamma nunaminertanut naammagittaalliuuteqartarfiup pilersinneqarnissaa tunngavissinneqarpoq.

Imm. 2-imut

Aalajangersakkami inatsisitigut maannakkut inissisimaneq erseqqissarneqarpoq, erseqqissarneqarluni pissutsit inatsisinik tunngaveqartut pillugit aalajangiinerit kisimik naammagittaalliuutigineqarsinnaasut. Pilersaarutinut aamma nunaminertanut naammagittaalliuuteqartarfik kommunalbestyrelsip aalajangiinerinik naammagittaalliuutinik suliarinnittartussaq pilersinneqassaaq. Tamannali pinngitsaalliissummik taarsiinertalimmik arsaarinnissuteqartarneq pillugu aalajangiinernut atuutinngilaq, taakkua Naalakkersuisut pinngitsaalliissummik taarsiinertalimmik arsaarinnissuteqarnermut ataatsimiititaliaannit aalajangiiffigineqartarmata.

Assersuutigalugu pissutsit inatsisinik tunngaveqartut makkua naammagittaalliuutigineqarsinnaapput:

- Pilersaarutinut inatsit aamma kommunimut pilersaarut eqqortumik nassuiarneqarsimamnersut pillugit apeqqutit, tassunga ilanngullugu immikkut ittumik akuersissut pilersaarutip tunngaviinut akerliunersoq.
- Illuliorneq imaluunniit sanaartorneq sumiiffiup ilaanut aalajangersimasumut pineqartumut sukumiisumik aalajangersagaliornissamut pisussaaffeqartitsilernersoq pillugu apeqqutit.
- Kommunip peqqusissutaasa inerteqqutaasalu qanoq nassuiartariaqarnerannik apeqqutit.

- Kommunimut pilersaarut pilersaarusionermut inatsimmi piumasarineqartutut imaqarner-soq pillugu apeqqutit.
- Kommunimut pilersaarusionermut, kommunimut pilersaarummut tapiliussaliorner-mut, immikkut ittumik akuersissuteqarnermut imaluunniit nunaminertamik atugassii-nermut atatillugu suleriaatsit aalajangiisnaatitaanerlu pillugit maleruagassat malin-neqarner-sut pillugu apeqqutit.

Maalaarummik suliaqarnermut atatillugu pilersaarutininut aamma nunaminertanut naammagittaalliuteqartarfiup nalilertarpaa, inatsisini ingerlatsiner-mut tunngasuni suliamut peqataasin-naatitaaneq, attuumassuteqartunik tusarniaaneq, naligiisitsinissaq il. il. pillugit maleruagassat malinneqarsimanersut.

Pilersaarusionermut inatsit malinneqarsimappat pilersaarutininut aamma nunaminertanut naammagittaalliuteqartarfiup kommunip aalajangigaa naapertuuttuunersaq tullu-artuunersor-luunniit isummerfigisinnaangilaa.

Naammagittaalliuteqarneq tulluarnersaq pillugu apeqquummut pilersaarutininut aamma nuna-minertanut naammagittaalliuteqartarfik aalajangiisussaaq. Taamaattumik kommunalbestyrel-sip naammagittaalliutit tigusani tamaasa pilersaarutininut aamma nunaminertanut naammagittaalliuteqartarfimmu- ingelateqqissallugit pisussaaffeqarpoq. Tassunga atatillugu naamma-gittaalliuteqarneq tulluarnersaq pillugu apeqquummut naliliinini pillugu kommunalbestyrelsi oqaaseqaateqarsinnaavoq.

Kommunimut pilersaarutit Naalakkersuisunit akuerineqartussaasut aammalu peqatigisaanik Naalakkersuisut pissutsinut peqqussummi pineqartunut kommunalbestyrelsip aalajangiineri-nut naammagittaalliuteqarfigineqartussaasut pillugu aaqqissuussinerup maannakkut atuuttup akerlianik aaqqissuussineq taanna pilersaarutissatut siunnersuutikkut allanngortinneqarpoq.

Siunissami kommunimut pilersaarutissatut siunnersuusionermi oqartussat pilersaarutissatut siunnersuummik akuersisussat aammalu suliassa-qarfimmi naammagittaalliuteqarfissat assi-giinngitsuussapput. Tassunga atatillugu aamma oqaatigineqassaaq innuttaasut inatsisitigut i-sumannaatumik inissisimanerat pitsanngorsarneqarmat, siunissami nunaannarmi nunaminertamik atugassiinissamik kommunip aalajangiineri naammagittaalliuteqarfigineqarsinnaalernerat pissutaalluni. Naalakkersuisut peqqus-sut atuuttoq naapertorlugu nunaannarmi nunaminertanut oqartussaasuummata, maannamut tamatumunnga aalajangiinerit ingerlatsiner-mi oqartussanut allanut naammagittaalliuteqarfigineqarsinnaanissaat ajornarsimavoq.

Imm. 3-imut

Pilersaarutininut aamma nunaminertanut naammagittaalliuteqartarfimmu- suliakkiissuteqarnis-samut piffissarititaasooq kommunalbestyrelsip aalajangiinerminik nalunaaruteqareernerata ki-ngorna sapaatit akunnerinik 8-inik killilerneqarpoq.

Kommunimi aalajangiinerit pillugit naammagittaalliuteqar-nissamut piffissarititaasooq aalaja-ngiunneqarpoq, sanatitsisup nunaminertamut atugassiisummut atuuttumut naapertuuttumik sanaartugassatut pilersaarumminik piviusunngortitsisinnaanissaanik qularnaariffigineqarsin-naanissaa siunertaralugu. Sanatitsisup imaluunniit pigisamik piginnittup taamaalilluni piffis-sap aalajangersimasup qaangiunnerani nalujunnaassavaa sanaartugassani piviusunngortinne-qarsinnaassanersaq.

Imm. 4-imut

Aalajangersakkami aalajangersarneqarpoq, kommunip aalajangiinera taanna naammagittaalliutigineqarsimappat, inuk akuersissummik tunineqartoq, ilanngullugu kommunimi pilersaarusionermut oqartussamit immikkut ittumik akuersissut, ilisimatinneqassasoq. Assersuutigalugu saniliusup pigisap nunaminertaata illuliorfigineqarnerata allilerneqarnissaanut nunaminertamik atugassiisuteqarneq naammagittaalliutigippagu, piginnaatitaaffimmik pigisaqartoq saniliusup naammagittaalliuteqarneranik ilisimatinneqassaaq. Kommunip aalajangiinera naammagittaalliutigineqaraluartoq akuersissummik tigusaqartoq suliap inerneranik annertuumik immikkullu ittumik soqutiginnissasoq naatsorsuutigisariaqarpoq.

Imm. 5-imut

Aalajangersakkami erseqqissarneqarpoq pilersaarutininut aamma nunaminertanut naammagittaalliuteqartarfiup aalajangiineri aqutsinermi oqartussanut allanut ingerlateqqinneqarsinnaangitsoq. Pilersaarutininut aamma nunaminertanut naammagittaalliuteqartarfik eqqartuussisuunngimmat naammagittaalliuteqartarfiup aalajangiineri tunngaviummik inatsimmi § 63 naapertorlugu tamatigut eqqartuussisunut ingerlateqqinneqarsinnaassapput.

§ 59-mut

Aalajangersagaq pilersaarusionerq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 37-mik ingerlatitseqqinneruvoq aammalu kommunalbestyrelsip akuersissuteqarluni nalunaarutaanik kinguartitsinissamik sunniuteqartitsisoqarsinnaasoq aalajangersarlugu.

Aalajangersakkami tunngavissinneqarpoq kommunalbestyrelsip aalajangiineranut naammagittaalliutaasoq, tak. § 58, kinguartitsinermik sunniuteqartinneqarsinnaasoq, illuliorneq imaluunniit sanaartorneq, ilanngullugu isaterineq, naammagittaalliuteqarnerup aalajangiiffigineqarnissaata tungaanut unitsikkallarneqassalluni.

Naammagittaalliuteqarneq kinguartitsinermik sunniuteqartinneqassanersoq pillugu aalajangiineq immikkut ittumik naliliiffigisassaavoq, naammagittaalliuteqartarfiup suliani atasiakkaani pisut aallaavigalugit isummerfigisassaralugu.

Naammagittaalliuteqarneq kinguartitsinermik sunniuteqartinneqarsinnaanersoq sunniuteqartinneqartariaqarnersorlu, inatsisinik annertuumik unioqqutitsisoqarsimanera ilimanaateqarsinnaanersoq aallaavigalugu naliliiffigineqassaaq. Aammattaq akuersissutip atorneqaannarnertigut kingusinnerusukkut pissutsit inatsisinut naapertuuttunngorlugit iluarsiinissaq ajornakuusulissasoq imaluunniit ajornarsivissasoq ilimanaateqarnersoq naliliiffigineqassaaq.

Akuersissutininik oqariaatsimi pineqarput akuersissutit, akuersinerit, ilanngullugit immikkut ittumik akuersissutit aamma peqqusinerit. Pilersaarutissatut siunnersuutit pillugit naammagittaalliutit akerlianik kinguartitsinermik sunniuteqartinneqarsinnaangillat.

§ 60-mut

Aalajangersagaq nutaajuvoq aammalu pilersaarutininut aamma nunaminertanut naammagittaalliuteqartarfiimmut maleruagassanik erseqqinnerusunik aalajangersaanissaq tunngavissillugu. Aalajangersakkakkut pilersaarutininut aamma nunaminertanut naammagittaalliuteqartarfiup katitigaanera, allattoqarfeqarnermi sullinneqarnera akissarsiaqartinneqarneralu il. il. pillugit erseqqinnerusunik aalajangersaanissaq periarfissinneqarpoq.

§ 61-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 39-mik ingerlatitseqqinneruvoq.

Tamanna annertuumik ilaatitsinngitsoornissamik kinguneqartussanngorsimavoq, tamannalu siunertarineqarnani. Taamaattumik aalajangersakkap oqaasertalerneqarnera sukateriffigineqarpoq. Tamatuma kingorna taamaallaat Naalackersuisut pilersaarusiornermut oqartussaasui aammalu kommunip pineqartup pilersaarusiornermut oqartussaasui eqqartuussivimmit akuersissuteqartitseqqaaratik pigisamut inummik pigineqartumut isernissamik piumasaqarsinnaalerput.

Imm. 1-imut

Aalajangersakkami Naalackersuisut pilersaarusiornermut oqartussaasuinut aamma kommunip pilersaarusiornermut oqartussaasuinut pigisamut inummik pigineqartumut tummarsinnaataaffiliisoqarpoq, ilaatigut nuna tamakkerlugu aamma kommunimut pilersaarusiornermut piareersaanermut atatillugu.

Tunngaviusumik inatsimmi § 72 pingaarnertut maleruagassaavoq, taanna malillugu inigisap innimigineqartussaalluni. Aalajangersakkami eqqartuussinertaqanngitsumik akuliunnissaq pineqartoq naammassiniarlugu immikkut ittumik pisariaqarpat, inatsisit pingaarnertut maleruagassamik pinngitsoortitsisinnaavoq.

Aalajangersakkami pigisamut nakkutilliiniarluni isersinnaanissaq pineqarpoq, tassani qulakkearniarlugu illuliortiterneq aammalu nunaminertamik atuneq tamatumunnga maleruagassatut aalajangersakkanut naapertuuttumik ingerlanneqarnersut aqqissuunneqarnersullu, ilaatigullu pilersaarusiornermut teknikkikkut piareersaanermut atatillugu isersinnaaniarluni.

Taamaattumik pilersaarusiornermut oqartussat pigisamut isersinnaanissaat pisariaqarpoq. Siunertaasoq inigisap innimigineqartussaananeramik pingaartitsinermit pingaaruteqarnerusoq naatsorsuutigineqarpoq.

Imm. 2-imut

Aalajangersakkami imm. 2-mi siunertarineqarpoq innuttaasut inatsisitigut illersugaanissaasa qularnaarneqarnissaa, tassami aalajangersakkami imm. 1-mi tunngaviusumik inatsimmi inigisap innimigineqartussaananera sakkukillisinneqarpoq. Aalajangersakkami imm. 1 inigisap innimigineqartussaananera pillugu tunngaviusumik inatsimmi § 72-imi ilaatitsinnginnermik imaqarpoq. Innuttaasut inatsisitigut illersugaanissaat qularnaarniarlugu aammalu aalajangersakkap pissusissamisunnngitsumik atonerlunneqarsinnaananera pinngitsoortinniarlugu, pigisamut namminerisamik pigineqartumut isernissaq piumasarineqartillugu, Naalackersuisut pilersaarusiornermut oqartussaasuata imaluunniit kommunimi pilersaarusiornermut oqartussaasup tamanna piumasarineqartillugu kinaassutsimik ilisarnaammik takutitsisussaanera piumasaqaa-taavoq.

§ 62-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 40-mik ingerlatitseqqinneruvoq. Nunaannarmi nunaminertanut oqartussaananerup tunniunneqarnerata malitsigisaanik, tak. peq-

qussummi § 37, kommunalbestyrelsi nakkutilliisussaataanera kommuneqarfimmut tamar-
mut annertusineqarpoq.

Imm. 1-imut

Kommunalbestyrelsi inatsimmi matumani maleruagassat imaluunniit aalajangersakkat peq-
qussummi tunngaveqarluni aalajangersarneqartut malinneqarnersut nakkutigissallugu pisus-
saaffeqarpoq. Tassani taamatuttaaq pineqartut maleruagassat § 67, imm. 3 malillugu attatiin-
narneqartut. Kommunalbestyrelsi inatsisunik unioqqutitsineq paasigunikku taamaalilluni pis-
sutsit inatsisinut naapertuuttunngortinniarnissaat pisussaaffigaa.

Nakkutilliisussaataaneq kommunalbestyrelsi suliniuteqarnissaanik imaqarpoq. Taamaalil-
luni naleqquttumik akuttussusilimmik kommunimi sumiiffiit ilai aalajangersimasut misissor-
neqartassapput takuniarlugu maleruagassat atuuttut malinneqarnersut. Pilersaarusiorner-
mut/nunaminertanut oqartussat nakkutilliinermi pissutsinik inatsisunik unioqqutitsisunik
paasisaqarunik, nalilissavaat atuneq pineqartoq qanoq sivisutigisumik ingerlasimanersoq, i-
lanngullugu kommunalbestyrelsi iliuuseqarani pissutsinut inatsisunik unioqqutitsisunut isigin-
naartuunnarsimanersoq. Aalajangiineq pisinnaatitaaffimmik pigisaqartumut akerliusoq, inat-
simmi § 58 naapertorlugu naammagittaalliutitut suliaqarsinissaat.

Nakkutilliisussaataanermi aamma ilaapput aalajangersakkat kommunimut aamma sumiiffin-
nut pilersaarutini aalajangersarneqartut, peqqussummi § 67, imm. 3 malillugu atuutsiinnarne-
qartut.

Imm. 2-imut

Aalajangersagaq nutaajuvoq, tassanilu kommunalbestyrelsi nakkutilliisussaataanini tun-
ngavigalugu illuummik piginnittumut imaluunniit nunaminertamik atuisumut pissutsinik, i-
natsisinut imaluunniit taanna tunngavigalugu maleruagassanik unioqqutsitsiviusunik iluar-
seeqqullugu peqqusisarnissaa erseqqissarneqarpoq. Oqaaseq ”nunaminertamik atuisoq” aala-
jangersakkami inuit nunaminertamik atugassiisutigineqartumik atuisut tamarmik pineqarne-
rannik paasineqassaaq, tassani nunaminertamik atugassiisoqarsimanera atugassiisoqarsiman-
nginneraluunniit apequtaatinnagu.

Kommunalbestyrelsi peqqussuteqarnerminut atatillugu sanaartukkap ingerlanneqartup unit-
sinneqarnissaa piumasarisinnaavaa.

Aalajangersakkami kommunip peqqussutaata naammassineqarnissaanut piffissaliisoqanngilaq,
imaluunniit peqqussuteqarnikkut pissutsinik inatsisunik unioqqutitsiviusunik suliatigut inatsi-
sitigulluunniit aqqiinnissaq piumasarineqarani. Suliatigut aqqiisoqassanersoq, tassalu illumi
sanaartukkamiluunniit allannguisoqassanersoq isaterisoqassanersorluunniit, imaluunniit a-
kuersissuteqarnikkut saneqqutsinissamilluunniit akuersissuteqarnikkut inatsisunik malinnit-
tunngortitsisoqassanersoq sulianut aalajangersimasumik naliliinikkut aalajangiisoqassaaq. A-
taatsimulli isigalugu piginnittoq pisinnaatitaaffimmilluunniit pigisaqartoq qinnuteqarsimatil-
lugu akuerineqarnissaa ilimanaateqarluinnarpat, suliamik inatsisinut malinnittunngortitsiso-
qarsinnaasoq ilimagineqarsinnaavoq. Kommunalbestyrelsi peqqussutaanik naammassinnin-
nissamat piffissaliinermi aamma pissutsit aalajangersimasut eqqarsaatigalugit naliliineq apeq-
qutaatinneqassaaq.

Imm. 3-imut

Nakkutilliinermi pineqarput inerteqqutinik peqqusissutinillu peqqussut naapertorlugu aalaja-
ngiunneqarsimasunik eqquutsitsineq, ilanngullugit naammagittaalliutinik suliaqarnermut i-

maluunniit aalajangiinernut, tak. §§ 58 aamma 59, atatillugu aalajangiinerit naammagittaalliutitut oqartussanit imaluunniit eqqartuussinikkut aalajangiunneqarsimasut. Aammattaaq nakkutilliinermi pineqarput atugassarititaasussatut akuersissuteqarnernut immikkullu ittumik akuersissuteqarnernut atatillugu aalajangersagaasimasinnaasut, ilanngullugit nunaminertanik atugassiinerit aamma sanaartornissamut akuersissutit.

§ 63-mut

Aalajangersagaq pilersaarusiorneq aamma nunaminertat atorneqartarnerat pillugit Inatsisartut peqqussutaanni nr. 11-imi, 5. december 2008-imeersumi § 41-mik ingerlatitseqqinneruvoq. Nunaminertat atorneqartarnerat pilersaarusiorfigineqartarnerallu pillugit Namminersornerullutik Oqartussat nalunaarutaat nr. 23, 18. november 1992-imeersumi § 46, imm. 1 siusinnerusukkut atuuttoq malillugu Naalakkersuisut taamaallaat naammagittaalliuteqarnernut atatil-lugu kommunalbestyrelsimut pissutsinik inatsisinik unioqutitsisunik inatsisinut naapertuut-tunngortitsinissamik peqqusissuteqarsinnaasimasut, tunngavissaq taanna allanngortinneqar-poq. Tamatumunnga tunngaviuvoq Naalakkersuisut siunissami naammagittaalliutitut oqar-tussaaajunnaartussaammata. Peqatigisaanik siusinnerusukkut tunngaviusimasoq Naalakkersui-sut naammagittaalliortoqartillugu pissutsinik ilisimaarinnilernissaannik oqariartuuteqartoq, annertuumik killiliisartuq paasineqarsimavoq. Tamanna tunngavigalugu aalajangersakkap o-qaasertaa allanngortinneqarpoq, taamaalilluni Naalakkersuisut pissutsinut pineqartunut ilisi-maarinnilersimanissaat siunissami piumasaqaataajunnaarluni.

Aalajangersakkami imm. 1 oqaaseqatigiit aappaat kiisalu imm. 2 oqaatsitigut allannguuteqar-tinneqarlutik nunaminertat atorneqartarnerat pilersaarusiorfigineqartarnerallu pillugit Nammi-nersornerullutik Oqartussat nalunaarutaat nr. 23, 18. november 1992-imeersumi § 46, imm. 1 oqaaseqatigiit aappaannik aamma imm. 2-imi ingerlatitseqqiinerupput.

Imm. 1-imut

Naalakkersuisut pissutsinik unioqutitsisunik paasisaqarunik, kommunalbestyrelsi nakkutillii-sussaatitaanerminnik isumaginnilluni pissutsinik taakkunanga inatsisinut naapertuuttunngor-titsiniarnissaanik Naalakkersuisut nammineerlutik peqqusinnaavaat. Naalakkersuisut aamma tassunga atatillugu aalajangersinnaavaat inatsisinut naapertuuttunngortitsinissaq qanoq ittoq kommunalbestyrelsip naammassiniassagaa.

Tassunga uiggiullugu Naalakkersuisut aamma kommunalbestyrelsi peqqusinnaavaat peqqussut manna naapertorlugu pinngitsoortinneqarsimasut inatsisinut naapertuuttunngorteqqullugit, assersuutigalugu kapitali 7 naapertorlugu kommunimut pilersaarusiornermi periaasissamik tamanut saqqummiussinngitsoorsimaneq.

Imm. 2-imut

Aalajangersakkami Naalakkersuisut nunaminertamik unioqutitsisumik atugassiisimaneq i-maluunniit nunaminertamik atuineq pillugu suliami illuliorneq imaluunniit nunaminertamik atuineq nammineerlutik inatsisinut naapertuuttunngortinniarlugu aalajangersinnaaner at-amaanneqarpoq. Tamatumunnga tunngaviusaaq illuliorneq imaluunniit nunaminertamik atui-neq naammassereersimassasoq kiisalu pilersaarusiornermi pingaartinneqartussanut naapertuu-tissasoq, ilanngullugu pilersaarusiornermi innuttaasut peqataatinneqarnissaannik pingaartitsi-neq.

§ 64-mut

Aalajangersagaq imarisamigut erseqqissarneqarluni pilersaarusionerq aamma nunaminertat atorpeqartarnerat pillugit Inatsisartut peqqussutaanni nr. 11-imi, 5. december 2008-imeersumi § 42-mik ingerlatitseqqinneruvoq.

Imm. 1-imut

Aalajangersakkami peqqusissuteqarluni imaluunniit pissutsinik inatsisinik unioqqutitsisunik iluarsiiviginninnissamik nalunaaruteqarnerup malinneqarnissaa pineqarpoq. Aalajangersakkamik unioqqutitsineq pingaartumik tassaassaaq akuersisummik peqarani illuliortiterneq, ilanngullugu inerteqquteqarallarnermik unioqqutitsineq aammalu atugassarititaasunik ataa-siakkaanik assigiinngitsunik, akuersissuteqarnermut atatillugu piumasarineqarsimasunik unioqqutitsinerit.

Imm. 2-imut

Pineqaatissiissutit tassaapput akiligassiinerit. Aammattaaq ingerlaannartunik akiligassiinerit, pinngitsaaliissutitut akiliisitsissutit atorlugit pinngitsaaliissuteqarnikkut pissutsit unioqqutitsisut iluarsineqarnissaannik piumasaqartoqarsinnaavoq. Kingulliullugu taaneqartoq, pissutsit atuuttut inatsisinik unioqqutitsisutut oqaatigineqaraluartut attatiinnarnissaat aningaasatigut annertuumik soqutiginaateqartutut isigineqarsinnaasimappata, pinngitsaaliissuteqarnissamut sakkussatut pisariaqartutut isigineqassaaq. Akiligassiinerit ullormoortuusinnaapput, sapaatit akunnikkaarsinnaallutik imaluunniit qaammatikkaartuullutik. Pineqaatissiissummut/akiligassiinerimut inatsisitigut tunngavissaq tassaavoq eqqartuussissut.

Imm. 3-imut

Eqqartuussissut malinneqangippat, pilersaarusionerimut oqartussaq imminut ikiornissamut iliuuseqarluni piginnittup akiligaanik pissutsit iluarsisinnaavai.

Pilersaarusionerimut oqartussap pissutsinik piginnittup akiligaanik iluarsisinnaanissaanut tunngavissat tulluuttuni taaneqartut tamarmik eqquutsinneqarsimassapput:

1. Pissutsit inatsisinik unioqqutitsisut iluarsinissaannut peqqusissut eqqartuussinikkut nalunaarutigineqartoq eqqartuussisummi piffissarititassatut aalajangiunneqartup iluani malinneqarsimangippat aamma
2. Pinngitsaaliissutitut akiliisitsissutinik akiliisitsiniarnerit pissutsit iluarsineqarnerinik kinguneqarsimangitsutut isigineqarpata.

Aammattaaq naleqqatigiisitsinissamik tunngaviusoq malillugu akuliunneq taamaaliornikkut angusassamut naleqqiullugu naapertuuttuusussaavoq. Naleqqatigiisitsinissamik tunngaviusoq taanna imminut ikiorniarluni iliuuseqarnermi suliassap suliarineqarneranut taamatullu aningaasatigut kingunerisassaannut atuuppoq.

§ 65-mut

Aalajangersagaq imarisamigut allannguuteqartinneqarluni, pilersaarusionerq aamma nunaminertat atorpeqartarnerat pillugit Inatsisartut peqqussutaanni nr. 11-imi, 5. december 2008-imeersumi § 43-mik ingerlatitseqqinneruvoq. Suliassaqarfimmi aalajangersakkamut siusinnerusukkat atuuttumut naleqqiullugu, kommunimut pilersaarutit utaqqiisaasumik aamma inaaru-taasumik inatsisitigut sunnuteqarnissaat unioqqutikkaanni pineqaatissiinissamut periarfissaq erseqqissarneqarpoq.

Imm. 1-imut

Aalajangersakkami akileeqqusissuteqarnissamik imaluunniit Inatsisartut peqqussutaanni aalajangersakkat unioqqutinneqarneranni pineqaatissiissuteqarnissamik periarfissaqarneq pineqarpoq.

Aalajangersakkami maleruagassat taaneqartut unioqqutinneqarnerisa kingunerisaannik akiliggassiissutit annertussusilerneqarneranni, pineqartup aalajangersakkamik unioqqutitsinermini aningaasatigut iluaqutissarsisimanera, iluaqutissarsiniarnissamik siunertaqarsimanera imaluunniit pineqartup unioqqutitsinermigut soqutigisaminik aallussiniarsimanera immikkut pingaartinneqartariaqarpoq.

Imm. 2-imut

Aalajangersakkami aalajangersarneqarpoq unioqqutitsisoq suliffeqarfiusimappat, tamakkii-sumik ilaannaasumilluunniit Naalagaaffimmit, Namminersorlutik Oqartussanit, kommunimit imaluunniit kommunit ataatsimoorfiinit, aktiaatileqatigiiffimmit, pigisaqaqatigiiffimmit, piginneqatigiiffimmit, assigisaannilluunniit pigineqartoq, suliffeqarfik il.il. taamatut akisussaatinneqarsinnaavoq.

Inatsisitigut pisinnaatitaasut pisussaatitaasullu pineqaatissinneqarsinnaasunut ilaalersinneqarnissaat siunertaralugu aalajangersagaq siusinnerusukkut pineqaatissiinissamut aalajangersakkamut naleqqiullugu allannguuteqartinneqarpoq.

§ 66-imut

Aalajangersagaq nutaajuvoq, kisiannilu imamigut nunaminertanik atuineq pilersaarusiortarnerlu pillugit Inatsisartut peqqussutaanni nr. 6-imi, 19. december 1986-imeersumi § 6, imm. 3-mut assingusuulluni. Pilersaarusiortarnermut inatsisit imaluunniit inatsisitigut maleruagassat, inatsit tunngavigalugu suliarineqarsimasut uniorlugit atuisinnaatitaaneq atorneqarpat, atuisinnaatitaanerup atorunnaarsinneqarsinnaanera aalajangersakkami aalajangerneqarpoq. Nunaminertami pineqartumi atuisinnaatitaanerup atorunnaarsinneqannginnerani, kommunalbestyrelsip pisinnaatitaaffinnik pigisaqartumut pissutsinik iluarseqqusilluni piunasaqarnissamut pisussaatitaaffilerneqarneratigut aalajangersagaq erseqqissarneqarpoq.

§ 67-mut

Aalajangersagaq nutaajuvoq aammalu peqqussutip ulloq atuutilerfissaanik aalajangersaaviulluni, ilanngullugu nunaannarmi nunaminertanut pilersaarusiortarnermut nunaminertanullu aalajangiisinnaatitaanerup tunniunneqarnissaa.

Imm. 1-imut

Peqqussut xx.xx 20xx atuutilissasoq naatsorsuutigineqarpoq.

Imm. 2-imut

Aalajangersakkakkut pilersaarusiortarnerneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersoq, Kalaallit Nunaanni savaateqarnermut nunaminertamik atugassiisarneq pillugu Kalaallit Nunaannut Ministeriaqarfiup nalunaarutaa nr. 538, 27. juli 1979-imeersoq aamma kommunimut pilersaarusiortarnerneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersoq atorunnaarsinneqarput.

Imm. 3-imut

Aalajangersakkami aalajangersarneqarpoq, maleruagassat atugassarititaasussallu pilersaarusiornermut nunaminertanullu suliaasaqarfimmi inatsit siusinnerusukkut atuuttoq tunngavigalugu aalajangersagaasut atuutiinnassasut, atorunnaarsinneqarnissamik imaluunniit Inatsisartut peqqussutaat manna imaluunniit Inatsisartut peqqussutai allat tunngavigalugit maleruagassanik atugassarititaasussanillu aalajangersakkanik taarserneqarnissamik tungaanut. Taamaalilluni maleruagassat makkua peqqussutip atuutilernerani atuutiinnarput:

Kommunikkaartumik pilersaarusiornermi allanngutsaaliuisussaanermik nakkutiginnittussaneq pillugu Namminersornerullutik Oqartussat nalunaarutaat nr. 31, 30. oktober 1991-imeersoq.

Illulortiternermi oqartussaassuseq pillugu Namminersornerullutik Oqartussat nalunaarutaat nr. 13, 18. august 2006-imeersoq.

Kiisalu erseqqissaatigineqarpoq, sumiiffiit ilaannut aalajangersakkat nassuiaasersukkanik maleruagassiorfiusut, taakkunungalugu ilanngullugit 1986-imi peqqussusiq malillugu sumiiffinut pilersaarutit, § 20 naapertorlugu aalajangersakkanik nassuiaasersukkanik maleruagassiorfiusunit taarserneqarnissamik tungaanut atuutiinnassasut. Aalajangersakkat taakku § 19 naapertorlugu aalajangersakkanut pingaarnernut atuuttunut naapertuuppata, tamanna tupinnangitsumik taamaallaat atuutissaaq. Taamaangippat pissutsit taakku § 26 naapertorlugu pilersaarusiortussaataitanermik aallartitsisussaapput.

§ 68-mut

Aalajangersagaq ikaarsaarnermut aalajangersagaavoq aammalu kommunalbestyrelsip illoqarfiup ilaanut pilersaarutitik, suliaasaqarfimmut inatsisit siusinnerusukkut atuuttut naapertorlugit suliarineqarsimasunik, saneqqutsinissamut immikkut akuersissuteqarnissamut aalajangiisinnaatitaanerannik aalajangersaalluni. Immikkut ittumik akuersissuteqarsinnaanermik piginnaatitaaffimmi pineqanngillat kommunimut pilersaarutitik, kommunimut pilersaarutitut tapi-liussanik imaluunniit asimut pilersaarutitik Inatsisartut peqqussutaat nr. 6, 19. december 1986-imeersoq malillugu suliarineqarsimasunik, saneqqutsinissamut immikkut ittumik akuersissuteqartarneq.

§ 69-imut

Aalajangersakkami imm. 1 pilersaarusiorneq nunaminertanillu atuineq pillugit Inatsisartut Inatsisaanni nr. 11-imi, 5. december 2008-meersumi § 44, imm. 3-mik ingerlatitseqqinneruvoq, tassanilu nunami ammaannartumi pilersaarusiornissamut nunaminertanillu atugassiinissamut oqartussaaffiup 1. januar 2011-mi kommuninut tuniunneqartussaana aalajangersarneqarpoq. Piffissap taasuma tungaanut Namminersorlutik Oqartussat § 8 naapertorlugu pisariaqartutut naliliiffigineqarpat nuna tamakkerlugu pilersaarusiortarnermi maleruagassiorsinnaanerat tamatumunnga pissutaavoq.

Imm. 2-mut

Ingerlatsinermi oqartussaaffiup 01. januar 2011-mi tunniunneqarnissaata tungaanut kommunit nunami ammaannartumi pilersaarusiornissamut pisinnaatitaaffeqarnerat aalajangersakkami aalajangersarneqarpoq. Tassalu kommunip ataatsip tunniussinissamut ulluliussap tungaanut nunami ammaannartumi sumiiffiit ilaannut aalajangersakkanik nassuiaasersukkanik maleruagassiorniarnertut aalajangersinnaavoq. Nunami ammaannartumi sumiiffiit ilaannut aalajangersakkanik nassuiaasersukkanik maleruagassiorortoqarsimappat, sumiiffimmi pineqartumi

nunaminertanut oqartussaaffiup kommunimut tunniunneqarnissaa Naalakkersuisut aalajangersinnaavaat.

§ 70-mut

Aalajangersagaq ikaarsaarnermut aalajangersagaavoq. Nunaminertat atorneqarnerat pilersaarusernerlu pillugit Inatsisartut peqqussutaat nr. 6, 19. december 1986-imeersumi § 21 naapertorlugu kommunimit aalajangiinerit pillugit naammagittaalliuutit Naalakkersuisunit suliarineqartarput. Aaqquissuussineq taanna pilersaarutininut aamma nunaminertanut naammagittaalliuuteqartarfiup pilersinneqarnissaata tungaanut atuutsiinnarneqarpoq.

Imm. 1-imut

Pilersaarutininut aamma nunaminertanut naammagittaalliuuteqartarfiup pilersinneqarnissaata tungaanut kommunip aalajangiineri pillugit naammagittaalliuutit apeqqutininut inatsisinit tungasortai Naalakkersuisunut suli naammagittaalliuutigineqarsinnaassapput. Kommunalbestyrelsip aalajangiineri allaffissornikkut oqartussanut allanut naammagittaalliuutigineqarsinnaanissaat aalajangersakkami taamaalilluni qularnarneqarpoq.

Imm. 2-imut

Siunnersuut imaluunniit maleruagassat taanna tunngavigalugu aalajangersagaasut naapertorlugit aalajangiinerit Naalakkersuisunut naammagittaalliuutigineqarsinnaassasut naleqqutsinneqarpoq. Naammagittaalliuuteqarsinnaanermut piginnaatitaasut tassaapput inuk imaluunniit inuit toqqaannartumik kallarneqartut aamma kinaluunniit suliap inerneranik imminut tunngatillugu imaluunniit annertuumik soqutigisaqartutut naatsorsuutigineqartoq, tassani eqqarsaatingineqarlutik inuinaat, soqutigisaqatigiiffiit aamma pisortani oqartussat.

Imm. 3-imut

Naammagittaallionissamut piffissarititaavoq kommunalbestyrelsip aalajangiinerminik nalunaaruteqarnerata kingorna kingusinnerpaamik sapaatit akunneri 8-it qaangiunnerini.

Kommunip aalajangiinera pillugu naammagittaalliuuteqarnissamut piffissarititaasoq aalajangersarneqarpoq, sanaartortitsisup nunaminertamut atugassiissutaasumut atuuttumut naapertuuttumik sanaartugassatut pilersaarutaasumik piviusunngortitsisinnaanissaata qularnaariffigineqarnissaa siunertaralugu. Sanaartortitsisoq imaluunniit illuummik piginnittoq taamaalilluni sanaartugassamik piviusunngortitsisinnaassanerluni piffissap aalajangersimasup iluani paasisaqarsinnaassaaq.